

9(55)
Ե-16


հշ

Ա.Ի. ՔԱՀ. ԵԴԳԱՐԵԱՆ

Ի Ր Ա Ն Ի
ՉՅԱՐՄՅԱԼ ԳԱԻԱՌԸ

1963

Տպարան «ԱՆ Ի» ԹԵԿՐԱՆ



ԳԶԱՐՄԱՆ ԳԱՆՈՒ ԴԻ ՄԱՆՈՒՄ ԿԻՆՈՒՄՆԱԿ

Աստիճանաչափ 1 Մանու•Գ ԿԻՆՈՒՄՆԱԿ

- Կիւրաք
- Թաւաշաք
- Զաւ
- Պարսիկ Գիւղ
- Զաւ Կիւրաք Գիւղ
- Գետակ
- Զանաղարհ

9(55)
6-16

3

Ա.Ի. ՔԱՀ. ԵՂԳԱՐԵԱՆ


սվեր
Հայաստանի Գերագույն
Թյուրմանների արքայախոսի
Արևելա-արևմտա-կենտրոնի
Գրասենյակում
Համակց
18/11 - 7/15
12/15/1963

878

Ի Ր Ա Ն Ի Չ Հ Ա Ր Մ Յ Ա Լ Գ Ա Ի Ա Ռ Ը



Իր քանկագին ծնողների՝
Թորոս և Գայիանե Եղգարեանների
Ֆիզսակին նւիրում է հեղինակը՝



1963

Տպարան <Ա.Ն.Ի> Թեհրան



Ա.Ի. ՔԷՆԵՐԱՆԻԱՆ

ՉՀԱՐՄՀԱԼԻ ՔԱՐՏԵՍԸ

«Յուս.» — Անկողմնակալուրեան եւ լուսաբանուրեան համար կը հրատարակենք Արժ. Եղգարեան քհնյի այս յայտած պատասխանը եւ այսչափով փակուած կը նկատենք այս հարցը:

«Յուսաբեր» ի սոյն տարւայ Օգոստոս 26-ի համարում (№ 124) Արմենակ Սարոյեանը ցաւ է յայտնում, որ «վերջերս հրատարակ են իջել պատահական անպատասխանատու մարդիկ և իրենց տգիտութեամբ աղաւաղել են ու դեռ շարունակում են խեղաթիւրել հայ մշակոյթը և նոյն իսկ աշխարհագրական գրականութիւնը: Այդ տեսակէտից մտայլ մի պատկեր է ներկայացնում «Զհարմահալ գաւառը իր շրջապատով» խորագիրը կրող քարտէսը:

Անչափ ուրախացայ, որ այս «նորելուկ Զհարմահալցին» վերին աստիճանի նախանձախնդիր է դէպի իր ծննդավայր գաւառը և շատ լաւ ծանօթ է ու քանիցս շրջել է հայաբնակ և պարսկաբնակ դիւրերը: Սոր յուզումով կարդացել է իր պապերի հին ռոպանաքարերի արձանագրութիւնները... Այս բոլորով հանդերձ մեր քննադատը որևէ լուսաբանութիւն և ճիշտ տեղեկութիւններ չի աւելացնում խնդրոյ առարկայ քարտէսի վերաբերմամբ: Ընդհակառակն Բալդու և Զաֆարաբադ գիւղերն էլ դասում է «հնագոյն գիւղերի» շարքին:

Եթէ Արմենակ Սարոյեանը բարեմտօրէն մօտենար

խնդրին, ղէթ մի անգամ հարցրած կը լինէր Չհարմահարմանակ ժողովրդից Բալղլու և Չաֆարաբազ գիւղերու հիմնարկութեան թուականը, կիմանար, որ յիշեալ գիւղերը «հնազոյն գիւղեր»ից չեն, ալլ երկուսն էլ 20-րդ դարի սկիզբներին հիմնուած: Տողերիս գրողը մէկն եմ եղել այն պատանիներից, որոնք յաճախ օգնում էին «Ղալէն» շինելու գործում, 1910—12 թուականներին:

Մեր քննադատը գտնում է, որ «Չարմահայի քարտէսն ունի բազաթիւ սխալներ... և նա ցանկանում է տեսնել մի փոքրիկ (12×9 ս.) քարտէսի վրայ ամբողջ հին ու նոր, շէն ու աւերակ գիւղերը, սար ու դաշտ, ագրիւր ու առու և այլ մտնրամասնութիւններ: Այո, պակասում են Բիտաքի աղբիւրը և մի շարք ուրիշ աննշան տեղեր: Չարմահայի է, որ նրա սուր տեսողութիւնից վրիպել են Հաջիաբազ գիւղի «Քոռ աղբիւր»ը և Սիրաքի «Քաշալ աղբիւր»ը:

Մանրամասնութիւններին մէջ չմտնելու և աւելորդ գլխացաւանք չպատճառելու համար, այսքանը միայն աւանք, որ արել եմ այն՝ ինչ որ իմ համեստ ուժերը ներել են, մանաւանդ որ մինչ այդ գոյութիւն չի ունեցել ուրիշ մէկը:

Եթէ Արմենակ Սարոյեանը և նման անհատների սրբտին այգքան մօտ էր Չհարմահայ գաւառը՝ թող վաղուց մտածած լինէին և հրատարակ հանած անսխալ, լրիւ, աշխարհագրական և տեղագրական ճիշտ դասաւորումով մի քարտէս:

Թող ինձանից աւելի կարող ոյժեր ժամանակին փորձէին և իրենց գիտցածը, լսածը և տեսածը զրի առնէին թէկուզ մանկական լեզուով էլ զրւած լինէր զա. այսօր բաւականաչափ տեղեկութիւններ ու լուսաբանութիւններ կ'ունենայինք մեր գաւառի վերաբերեալ, որից մեր մշտաւորականները և կարող անձինք պիտի կազմէին գա-

ւառի իսկական և ճիշդ պատկերը: Յաւ ի սիրտ պիտի աւել, որ ոչ ոք չմտածեց այդ ուղղութեամբ:

Պ. Սարոյեանը աւելացնում է. «Չհարմահայ գաւառի քարտէսը պատրաստելու առաջին պատիւը պատկանում է Աբաղանում ապրող, բնիկ չհարմահայից և նկարիչ Դանիէլին: Չար լեզուներն ասում են... որ Եղգարեան քահանան գարտուղի ճանապարհներով ընդօրինակել է... պընդողներ էլ կան, որ դա ոչ թէ ենթադրութիւն է, այլ իրականութիւն... Եւ մենք փաստացի տուեալներով կը հաստատենք որ մինչև օրս ծանօթ չենք պ. Դանիէլին և ոչ էլ տեսել ենք նրա գծագրած քարտէսը: Այս մասին թող վկայեն ինք՝ պ. Դանիէլը և պ. Հայդուկ Մանսուրեանը, որը Նոր-Չուղայում 1944 թ. ինձ օգնեց գծագրելու Չհարմահայի քարտէսը:

Յանձնարարում եմ և խնդրում Չհարմահայ գաւառի հայ «Ուսումնասիրաց» Միութեան կենտրոնական յարգելի վարչութիւնից (Աբաղան), որ նախ ստուգեն մեր ստածը, երկրորդ՝ համեմատութեան զննեն պ. Դանիէլի և իմ կազմած քարտէսները մանրազնին ուսումնասիրութեամբ և ապա հարկ եղած պատասխանը տան Սարոյեանին, պարզակապ թերթերի միջոցով:

Ուրախ կը լինէինք, եթէ պարոնը առանց անձնական կրքի մօտենար խնդրին և աւելի օգտակար թելադրութիւն անէր: Սակայն, այդ բոլորով հանդերձ մենք վհատող չենք նման անտեղի շարախօսութիւններից և մեր համեստ ուժերի ներածը չենք խնայելու:

ԱՒ. ՔԱՀ. ԵԴԳԱՐԵԱՆ

Կալկաթա

«Յուսաբեր» 13 Դեկտ. 1950 թ.

Գրի առնելով Չհարմհալ գաւառի ազգագրութիւնը՝ ես նպատակ չեմ ունեցել գաւառի մանրամաս պատմութիւնը տալ և ինձ հաշուել բանասէր մի մտաւորական, իմ նպատակն է եղել՝ միայն ի մի հաւաքել և հարազատութեամբ պահել այն ամենը ինչ որ իմ ծննդավայր գաւառին է պատկանում: Բացարձակ խուսափել եմ մանրամասնութիւններից: Օրինակ, «Ձուրը քչքչալով հոսում է սարի լանջի ոլորապտոյտ առակով և ոռոգում է հարաւային կողմում ընկած գեղեցիկ ընդարձակ դաշտը», Նըմանապէս բոյսերի, ծառերի, տեսարանների և միութիւնների ծրագիրների մասին մանրամասնութիւններ պակասում են: Պարզ, աւելի ճէշտ, իմ գաւառի բարբառով կազմել եմ ներկայ աշխատութիւնս — Իրանի Չհարմհալ գաւառը:

Ամբողջ քսան և հինգ տարիներ ապրած լինելով Չհարմհալում և դրանից յետոյ էլ յաճախ այցելած՝ վըստահ եմ, որ գրածս գաւառի ճշգրիտ պատկերն է. մանկութեան և պատանեկութեանս ժամանակ ոսկի տառերով գրողմուտ իմ սրտում:

Չհարմհալ գաւառի վերաբերեալ գրաւոր փաստերը շատ սակաւ են. ամենագլխաւորը և հինը հանգուցեալ Յարութիւն Տէր-Յովհաննեսանցի «Պատմութիւն Նոր-Ձուղայի»ի մէջ յիշատակածն է, մասամբ էլ Առաքել Վ. Դաւրիժեցու երբեմնակի յիշատակութիւնները Չհարմհալի մասին: Նորագոյն ժամանակներում ևս մի շարք հայ թերթերի ու պարբերականների մէջ լոյս տեսած գանազան անձնաւորութիւնների կողմից գրւած յօդւածներ, որոնցից մասամբ օգտւել եմ: Մասնաւորապէս բանասէր պ. Արամ Երեմեանի յօդւածաշարքերից, որոնք 1922 թւականից սկսած լոյս են տեսել հայ պարբերականներում, իսկ

Չհարմհալի հայ աշուղները առանձին գրքոյկներով. սըրանցից ևս բաւականաչափ օգտւել եմ: Իսկ բանաւոր ինչքան հնարաւոր է եղել հաւաքել եմ գաւառի ծերունիների բերանացի պատմութիւններից և ինչ որ ահանատես եմ եղել: Այս բոլորը 1926 թւականից սկսած ի մի եմ հաւաքել և հարազատութեամբ պահել: Թերևս բախտը ժպտայ և լոյս աշխարհ հասնւի այս իմ առաջին ձեռնարկը:

Յաւով եմ արձանագրում, որ մինչ օրս ոչ մի կարող ոյժ չմտածեց այս ուղղութեամբ: Չհարմհալ գաւառը հասել է իր վերջին շունչը. վաղը, կամ միւս օրը՝ ամէն ինչ իսպառ կը կորչի երբ այլևս գաւառում ոչ մի հայ չի մնայ:

Ինձ մեծ ուրախութիւն պատճառեց, երբ 1945 թ. Չհարմհալ գաւառի Հայ Ուսումնասիրաց Միութիւնը բանասիրելու և գրելու գաւառի պատմութիւնը, սակայն այս ևս անյաջող անցաւ յիշեալ պարտի և միութեան կենտրոնական վարչութեան անհամաձայնութեան պատճառով: (Տոս էջ 11):

Այժմ, շուրջ երեսուէն և վեց տարի յետոյ, երբ Չհարմհալ գաւառը իր վերջին օրերն է ապրում, իմ թոյլ գրչի աշխատութիւնը մի շարք նկարների, գաւառի գունաւոր քարտէզի և դոկումենտների հետ միասին տպագրութեան եմ յանձնում, յուսալով գերծ է մնալու արհամարհանքներից:

Իմ խորին շնորհակալութիւնս եմ յայտնում բոլոր այն բարեկամներիս, որոնք իրենց բարոյական աջակցութիւնը չըխնայեցին՝ ուղարկելով ինձ նիւթեր, կամ նրկարներ: Յատկապէս պ. Հայդուկ Մանսուրեանից, որ քարտէզի կազմելու գործում աշխատակցել և համագործակցել է ինձ հետ, նաև որդուցս՝ Յովիկից, որը ձայնագրել է

Ձևարմհայի ժողովրդական երաժշտութիւնը:

Յուսալի է իմ այս փոքրիկ աշխատութիւնը ապա-
դայում նիւթ ծառայի ազգային բանասէրներին համար:

Աւ. Բն. Եղգարեան

Կալկաթա, 1952 թ.



ՉՀԱՐՄՇԱԼ ԳՍԻԱՌԻ ՀԱՅ ՌԻՍՈՒՄՆԱՍԻՐԱՅ ՄԻՈՒԹԵԱՆ
Ն Ա Մ Ա Կ Ն Ե Ր Ը

Թիւ 3/13

Աբաղան, 3 Ապրիլ 1950

« . . . Հոգեւոր Հայր,

Մեծ հաճոյքով ստացանք Ձեր գրած 7 Մարտ 1950
թ. նամակը և մեր հերթական նիստում մեծաւ ուրախու-
թեամբ ընթերցւեց և արժանացաւ գնահատանքի:

Պատիւ ունենք յայտնելու, որ Ձեր նպատակը շատ
ու շատ գովելի է ու ազնիւ: Վարչութիւնս բոլորն հա-
մոգումով և սրտանց ոգևորում ու խրախուսում է Ձեր
Հայրութեանը և հաւատք ունի, որ Ձեր աշխատութիւնը
լրիւ կերպով կը պատկերացնէ մեր գաւառի ճշգրիտ
պատկերն իր առողջ մանրամասնութեամբ:

Թերահաւատ չենք, որ շուտով պիտի յաջողէք տես-
նելու Ձեր իղձերի իրականացումը, այն է՝ տպագրութեան
յանձնէք տարիների Ձեր աշխատանքը «Իրանի Ձևարմհայ
գաւառը» գրքոյկը: Համոզւած ենք, որ բովանդակութիւ-
նը աւելի քան գոհացուցիչ կը լինի, որ ոչ թէ մեր գա-
ւառեցիները, այլ և օտարք մի-մի օրինակ գնելով պի-
տի Ձեզ մեծապէս խրախուսեն:

Ինչ վերաբերում է պ. Արամ Երեմեանի աշխատու-
թեանը, պիտի պարզապէս ասել, որ միութիւնս չկարողա-
ցաւ որևէ կերպ համաձայնութեան գալ յիշեալ պարօնի
հետ, թէ գրքի ծաւալի և թէ տպագրութեան սուղ պայ-
մանների առնչութեամբ: Համարեա թէ խնդիրը փակւած
է և անգործնական:

Ցանկութիւն էիք յայտնել, որ Ձևարմհայ Փաւ. Հայ.
Ուս. Միութեան վերաբերեալ բաժինք տրամադրեն Ձեզ՝
կցելու Ձեր գրքոյկին: Նախ պիտի խոստովանել, որ դեռ
ևս պատրաստի որևէ գրւածք չունենք Միութեան պատ-

մութեան շուրջ, բայց քանի որ այս տարւայ վերջերին տօնելու ենք Միութեան քսանամեակը՝ հետեաբար հաւանականութիւն կայ, որ այս գեղեցիկ առիթով Միութիւնը իր անունից մի փոքրիկ գրքոյկով՝ քսանամեայ պատմութիւնը լոյս ընծայի: Որպէսզի Գուք շուշացնէք Ձեր գործը, թողնում ենք Ձեզ, որ եթէ կը ցանկանաք՝ Ձեր վառ յիշողութեամբ, կարող էք մէջբերումներ կատարել:

Ձեզ չւիրաւորած լինելու համար, պիտի խնդրէինք, որ դուք ևս բաժանէիք մեր կարծիքն եւ որեւէ միտում չտայիք, թէ ինչու Միութիւնը չընդառաջեց Ձեզ: Թող էլ աւելի բազմապատկելի այն ոյժն ու կորովը, որ ներշնչւած է Ձեր ոգում, որպէսզի օր առաջ աւարտէք Ձեր գովելի աշխատութիւնը՝ յանձնելով տպագրութեան:

Գովում ենք նաև Չ. Գ. գունաւոր քարտէզի ձեռնարկը, գրեթէ մեծ հաճոյքով ենք գնում և սպառելու է շուտով: Սրտագին բարեմաղթութեամբ և Ձեր հայրական օրհնութիւնը հայցելով՝

Ստորագրւած

Չ. Գ. Ուսումն. Միութ. Կենտր. Վարչ.
Նախագահ՝ Մ. Վարդանեան
Քարտուղար՝ Ղ. Գէորգեան
Կնիք

Թիւ 14/13

Արադան, 28 Մայիս 1950

« . . . Հոգեւոր հայր,

Ստացանք Ձերդ 4 Մայիս 1950 թ. նամակը և մեր հերթական նիստում ուրախութեամբ կարդացինք:

Ընդառաջելով Ձեր փափագին, վարչութիւնս ուրախութեամբ կաշխատի Ձեր մատնանշած Չարմահալի լուսանկարների ապակիները ձեռք բերի եւ մի-մի օրինակ արտատպի և ուղարկի Ձեզ, որպէսզի տեղաւորէք Չ. Գաւ. պատմութեան գրքում:

Վարչութիւնս գնահատում է Ձեր հետաքրքրութիւնը հանդէպ մեր գաւառի և միութեան և ապա սրտանց յաջողութիւն և լիակատար կորով է ցանկանում Ձեր նպատակի իրականացման համար:

Մեր անխառն ու սիրալիր բարեմաղթութիւններով կը հայցենք Տիրոջմէ պարգևելու Ձեզ համբերութիւն և կատարեալ առողջութիւն: Ընդունէք կազմիս ջերմ բարեկներ:

Ստորագրւած

Ձեր Օրհնութիւնը հայցելով՝
Չ. Գ. Հայ. Ուս. Միութ. Կենտր. Վարչ.
Նախագահ՝ Մ. Վարդանեան
Քարտուղար՝ Ղ. Գէորգեան
Կնիք

ՉԱՐՄԱՆԱԿ ԳԱԻԱՌԻ ՀԱՅ ԺՈՂՈՎՈՒՐԳԸ

Չնարմհալի հայ ժողովուրդը բեկորն է այն դադթականութեան, որոնց Շահ-Աբբաս Մեծ պարսից թաղաւորը՝ 1604—5 թւականներին Հայաստանից գաղթեցրեց Պարսկաստան և որոնց մասին «Չամչեան» պատմութեան, Առաքել Վ. Գաւրիժեցւոյ «Պատմութիւն Նոր-Չուղայի» և այլնի մէջ համառօտ, կամ մանրամասնօրէն նկարագրել են հեղինակները և տւել նրանց կրած տանջանքների, նեղութիւնների և յատկապէս Արաքս գետից անցնելու սուկալի պատկերը: Այստեղ գիմենք յիշեալ պատմիչների գրաւոր յիշատակութիւններին: «Յեա անցնելոյն վտարելոցն Արաքատու ընդ գետն Երասխ, առաջնորդութեամբ էլիազ Սուլթանին Սալիֆայելու, ընդ դժւարակիս ճանապարհս լեբանց և ձորոց չեալ ձմերեցին ի Թարում — Սալխալ յԱհար, ի Մուշիսուն և ի մերձակայս նոցին...: Իհասանել քաղցրաշունչ օդոյ գարնայնւոյ... Վերստին սկսաւ վարել զժողովուրդն մինչև տարեալ հասոյց ի քաղաքն Սպահան: Եւ անդէն որք քաղաքացիքն էին ի նմին քաղաքի գետեղեցուցեալ բնակեցուցին և որք շինականք էին և գեղականք ի շրջակայ գաւառսն քաղաքին Ըսպահանու բնակեցուցին, ի Լնջան, և Ալինջան, ի Գեանդուլման և ի Չղախու-Չնարմհալ ի Փերիս և ի Բուրվարի:

(Պատմութիւն Նոր-Չուղայի, հատոր Ա. էջ 31 և Ա. Գաւրիժեցւոյ գլ. Գ. էջ 45):

... Լնջան և Ալինջան էին գաւառք սահմանակիցք քաղաքին, իբրև չորս, կամ հինգ ֆարսաղ հեռի ինը-

մանէ: Ալինջանա էին եօթ գիւղօրեայք որոց անւանք են Մշաղբիւր, Փիղուն, Չագուն, Քափաշան, Բօնդարդ, Քուրուջ և Մեմեղ: Լնջանայ էին տաս գիւղօրայք՝ Փարթուն, Չուղուն, Չուղուն, Քիլիսուն, Փելարդ, Բուրուգարդ, Սեմաուն, Խունսարեք, Միրգուն և Քեալէ: Վերջին գիւղը մինչև այժմս էլ կոչուում է «Քեալէ-Արմանի» (այսինքն հայոց Քեալէ):

«Գեանդուլման և Չղախու են հիւսիսային արևմտեան — (պէտք է լինի հարաւ-արևելեան) գաւառ Սպահանայ, իբրև չորեքտասան ֆարսախ հեռի ինմանէ — (օչ չորեքտասան, այլ 24 ֆարսախ է, որը հաւասար է 144 կիլոմետրի): Հինգ գիւղօրայք էին նորա՝ Ահմադաբադ, Միրաք, Գիշնիգան, Լիւասիան, Չիվրիգան և Ֆունդիգան»:

Փնրիոյ էին 22 գիւղօրայք... Բուրվարի ունէր 22: Իդաւառսն Ալինջան և Լնջան իսպառ դատարկեալ հայոց պարսիկք բնակին ի նոսա: Իսկ ի գիւղօրեայս Գեանդուլմանայ, Փերիոյ և Բուրվարու եղեալ են փոփոխութիւնք... (Անդ. էջ 32):

«Գեանդուլման կոչի և գաւառ Չարմհալու... Երեք ամօք առաջ չորս գիւղօրեայք էին հայոց ի նմին գաւառի, որոց անւանք են՝ Ահմադաբադ, Միրաք, Գիշնիգան և Լիւասիան այլ շնորհիւն Աստուծոյ աճումն ժողովրդեան հարկադիր եղև առնել զհատուծ գաղթականութեան և յաւելուլ զայլ ևս երկու գիւղօրեայս:

Առաջին հատուածն եղև 1855 ամի ի գեղջեն Գիշնիգանայ քսան և չորս գերդաստանք, որք բնակեցան ի գեօղն որ կոչի Մահամուայ¹⁾, երկրորդ հատուածն եղաւ ի 1856 ամի, ի գեղջեն Ահմադաբադա տունք իբրև քսան և հինգ, որք բնակեցան ի Բօլղաջի: Թւահամարութիւն հայ ժողովրդեանն նոյն գաւառի, ըստ հրամանի Սրբազան Ա-

1) Ներկայիս Մամուռան գիւղ:

Առաջնորդին (Թաղէոսի¹⁾) ի 1856 ամի եղև ըստ յետագայ աղիւսակին. —

Գիւղօրնայֆ	Տոև	Արուֆ	Էգֆ
Սիրաք	64	277	245
Ահմադարադ	92	326	271
Գիշնիգան	43	125	114
Մահամոա	24	72	73
Լիվասիան	83	307	253
Գումար	306	1107	956

Գեանդուման, որի անունով այժմ Չ. գաւառի մեծ մասը կոչուում է «Բօլուքը Գեանդուման», վերոյիշեալ գիւղերի շարքում չկայ:

«Սոյն գաւառական ժողովուրդք մերձ լինելով քաղաքին առնեն գյաճախ անցուդարձ ի Ջուղա, բերելով գրե- ոինս և վաճառս իւրեանց որք են՝ ալիւր, իւղ, ձէթ, ոչխար, պանիր և մեղր: Յաղագս ունելոյ նոցա գյա- րակցութիւն ընդ քաղաքին և ընդ Ջուղայու քան զազա- ւառականսն են քաղաքավար, բարեկիրթ և կենցաղագէտ: Ըստ որու առնեն նոքա գտուրնաութիւն և ունեն ղգե- տին ընդարձակ վասն հերկագործութեան, վասն որոյ սոյն գաւառականք առաւել հարուստ են քան զայլ գաւառա- կանսն և սկսեալ 1850 տարւոյ առնեն յառաջգիմու- թիւն թէ ըստ աճելութեան և թէ ըստ հարստութեան մա- սին:

(Պատմութիւն Նոր-Ջուղայի Բ. հատոր, գլ. Թ. էջ 295):

1) Իրանա-Հնդկաստանի Թեմի Առաջնորդը:

ՏՈՂԱՎՈՒԹԻՒՆՔ

ՍՈՒՔԵԱՍԵԱՆՆԵՐ

Ինչպէս տեսանք, 17-րդ դարի սկզբներին Շահ-Աբ- րաս Մեծը, շարս Հայաստանի միւս գաւառների և հին Ջուղայի ժողովրդի Բասեն գաւառի ժողովրդին ևս քշում է Պարսկաստան, որի իշխանն էր Մելիք Տէր-Պետրոսը, որ իր Սուքեաս որդու և գաղթականների հետ միասին գալիս է Ջարմհալ:

Սուքեասը քահանայ է ձեռնադրուում և հօր մահից յետոյ՝ ի քն է կառավարում Ջարմհալի ժողովրդին մինչև իր մահը: Նա վախճանուում է 1681 թ. Ապրիլ 5-ին. մարմինն ամփոփւած է Վաստիգան հին հայաբնակ գիւղի հայոց գերեզմանատանը, որի վրայ դրւած է ընտիր մի գերեզմանաքար. երկայնութիւնն է 3, 0 մետր, լայնու- թիւնը՝ 85 սանթ. և բարձրութիւնը՝ 1,80 մետր: Քարի վրայ փորագրւած է հետևեալ տապանագիրը.

ՅԻ ԲԻ

ԾՈՒ ԵԼԻ Ի ՀՕՐԷ ԵԿԻ ԱՇԽԱՐՀ. ԱՅ.

ԹՈՂՈՒՄ ԱՇԽԱՐՀ.

ԵՐԹԱՄ ԱՌ ՀԱՅՐ.

ԱՅՍ Է ՏԱՊԱՆ ՏԷՐ ՍՈՒՔԵԱՍԻՆ.

ՍԱ Է ՈՐԳԻ ՊՕՂՈՍԻ ՈՐ ՓՈ-

ԽԵՑԱԻ ԱՇԽԱՐ ՎԵՐԻՆ.

ԹՎ. ՌՃԼԹ.

ԱՊՐԻԼ ԱՄՍԻ 5.

1681

Ասանսոյբնակ (Հնդկաստան) տիկին Բեգզադա Ղու- կաս քեալանթար Սուլէհման Յովհաննիսեանի մօտ եղած

ձեռագիր թերթիկներից գտայ հետեւեալ մանրամասնութիւնները իրենց ազգատոհմի վերաբերեալ:

«1606-ին Հայաստանէն գաղթած շարմհալ մեր պապերն եղած են Մելիք Պետրոս եւ Սուքեաս, հայր և որդի քահանայ. Ասոնք շատ ժողովրդասէր են եղած. վեց շառաւիղք, այսինքը 6 սերունդ քանի դար յաջորդաբար արժանաւորապէս վարած են գիւղապետի քալանթարութեան պաշտօնը. Շատ անգամ Բախտիարի, այսինքն լօռերի հարստահարութիւններն գսպելով. ոմանք էլ նահատակելով, նոյն ծանր պաշտօններն շարունակել են որդոց որդի: Այս տոհմերը Սուքեասենց սերունդն են»: Ապա շարունակում է իրենց ճիւղաւորումը:

ՔԵԱԼԱՆԹԱՐ ԱՐԵՆԼ

Մելիք Տէր-Սուքեասի մահից յետոյ Չհարմհալ գաւառի իշխանութիւնն անցնում է իր որդի Աբելին:

Լոտերը անտեղի հարկեր են պահանջում հայ գիւղացիներից և անխնայ հարստահարում. Աբելն աշխատում է վերջ տալ այդ հարստահարութիւններին, սակայն չի յաջողում:

Այդ ժամանակամիջոցում Նադիր-Շահը հրահանգներ է ուղարկում՝ գաւառներից հարկ հաւաքելու. երբ հարկահանները գալիս են Լիվասիան գիւղը, քեալանթար Աբելը սաստիկ զայրացած պատասխանում է հարկահաններին. «Ի՞նչու է Նադիր Շահը մեզանից հարկ պահանջում. եթէ լոտերն են մեր թագաւորը, իսկ եթէ Նադիրն է մեր թագաւորը՝ ի՞նչու են լոտերը մեզ հարստահարում»: Հարկահանները վերադառնում են և եղելութիւնը պատմում Նադիր Շահին. Շահը սաստիկ զայրացած գորքի գլուխ է անցնում և յարձակում լոտերի վրայ. նրանց գաւառից դուրս է քշում ու վերադառնում Չհարմհալ. Քալանթար Աբելը քահանաներով, ժողովուրդով և ընծաներով

ընդառաջ է գնում և ներկայանալով Շահին ասում է.— «Ահա ես և քո տէրութեան հպատակ ժողովուրդը» և տալիս է հարկը. Թագաւորը Աբելի պատասխանը լսելով՝ նրան գովում է, պարգևատրում ընտիր վերաբերումով և ազատ արձակում:

ՔԵԱԼԱՆԹԱՐ ՂՈՒԿԱՍ

Քեալանթար Աբելին յաջորդում է նրա Սուքեաս որդին, իսկ Սուքեասին՝ իր որդի Ղուկասը: Ղուկասը ծնւել է 1784 թ.: Նա «Այր լայնախորհուրդ և ժողովրդասէր էր»: Ամէն ջանք գործ է գնում իր ժողովրդի հանդրստութեան և յառաջադիմութեան համար: Հակառակ իր թափած ջանքերի՝ Չհարմհալի գաւառապետ Մահմադ Ռզախանը չէր սիրում Ղուկասին, ուստի 1834 թ.ին, երբ նա ժողովրդական գործերի համար Նոր-Ջուղա էր գնացել, Մահմադ Ռզախանը նրա ետեից չորս հոգի գինւած մարդիկ է ուղարկում, որ սպանեն նրան: Սրանք հանդիպելով Ղուկասին Սպահանի և Նոր-Ջուղայի միջև գտնուող Չայեանդէ-բուզ գետի վրայի «Ալլահվերդի խանի» կոչւած կամրջի վրայ մի կեղծ նամակ են յանձնում նրան գաւառապետի անունից և գնդակահարում. Չինւորները վերաբերուն ու գլխարկը վերցնում են և անցնում դէպի Չհարմհալ. Լուրը հասնում է Ամենափրկչեան վանքը, Եպիսկոպոսը, քահանաները և բաւական ժողովուրդ գալիս են մեծ թափորով մարմինը տանում, ամփոփում են յիշեալ վանքի արևմտեան ձախակողմը, որի տապանադիրն է հետեւեալը.—

«Ի ՆԵՐ-ՔՈՅ ԱՅՍ ԴԱՄԲԱՐԱՆԻ
ԱՄՐԱՓԱԿԵԱԼ ՀՈՂՈՎ ԾԱԾԿԻ,
ՉԳԻ ՂՈՒԿԱՍ ՔԵԱԼԱՆԹԱՐԻ,
ՈՐԴԻ ՍՈՒՔԵԱՍ ԲԱՐԵՉԱՐԴԻ:

էՐ ՄԵՐ ԱԶԳԻՆ ՅՈՅԺ ՊԻՏԱՆԻ,
ՅԻՍՈՒՆ ԵՒ ՄԻ ԱՄ ՀԱՍԱԿԻ,
ԱՆՄԵՂ ԳՈՂՈՎ ՀԱՀՈՏԱԿԻ,
ՈՐՔ ՀԱՆԳԻՊԻՔ ՏՈՒՔ ՈՂՈՐՄԻ:
ԹԻՒՆ ՀԱԶԱՐ ՈՒԹ ՀԱՐԻՐԻ
ԵՐԵՔՏԱՍԱՆ ՀԻՆԳ ԱԻԵԼԻ,
ՅԱՄՍԵԱՆՆ ԵՐԵՔ ԳԵՎՏԵՄԲԵՐԻ»:

Քեալանթար Ղուկասն ունենում է չորս որդի, Յարութիւն, Մարտիրոս, Յովհաննէս և Յովակիմ: Յարութիւնը դառնում է Լիվասիան գիւղի քեալանթարը և եւ մարտիրոսը՝ Ահմադաբադ գիւղի Յարութիւնը՝ շնորհիւ իր խելացիութեան և ճարպիկութեան, միշտ արգելք է հանդիսանում լոտերի հարստահարութեան և կեղեքումներին ու ոչնչացնում նրանց ծրագիրները: Սրա համար էլ լոտերը բարկացած յարձակում են Յարութիւնի վրայ և նրան իր Աբել եղբոր հետ 1855 թ. դեկտեմբեր 17-ին սպանում են Լիվասիան գիւղի առջև:

Նոր-Ղուղայի թեմի ժամանակի առաջնորդ՝ Թաղէոս եպիսկոպոսը բողոքում է պարսից Սադր-աազամ նախարարին՝ կատարած մագասպանութեան դէմ: Նա յարգելով առաջնորդի բողոքը՝ զօրք է ուղարկում մարդասպան լոտերի վրայ և նրանց բնակարանները քարուքանդ անում: Սրանք երկար ժամանակ թափառում են այսու այն կողմ և վերջապէս, դիմում են քեալանթար Աբելի եղբայրներին և գաւակներին, ներողութիւն են խնդրում և հաշտութիւն կնքում:

Նոյն Ասանսօլարնակ Տիկին Բեգդադայի մօտ գտնուող թերթիկներից և քեալանթար Սուլէհմանի թոռներ պ. պ. Մինասի և Աուլէհմանի մօտ եղած «Մեկնութիւն Սաղմոսաց» գրքի 187-րդ էջի լուսանցքում գրւած քննարկից քաղում ենք հետևեալ մանրամասնութիւնները. —

« . . . Գայով քեալանթար Ղուկասի նահատակութեանը Սպահանում, նահատակուներն են Մառզա խանի մարդիկը, Չալըշօթօր գիւղից: Առաջ քան Բախտիարի խաներին նա է եղած հուքումաթն Չարմահալու: Ղուկաս պապը կառավարութիւնից Չարմահալու հուքումաթն վերցրել էր. եօթ տարի հուքումաթ է եղած: Մառզա խան թըշնամութեամբ մարդ է ուղարկած քամակից որ սպանեն: Պապը Ղուղայից քաղաք է գնում կառավարութեան հարկը վճարում, վերադառնալիս Ալավերդի խանի կարմուռնջի վրայ նահատակում են և փախչում: Մութը ընկնում է, մարդասպաններին չեն կարողանում գտնեն, կորչում են: Ղուղայից մեծ բազմութիւն է գալիս առաջնուդի հետ տանում են վանքն և շատ եղբայրով գանգազատան առաջը թաղում են: Սա այն ժամանակում մեծ անուն է ունենում թէ Չհարմահալում և թէ Ղուղայում: Առաջնուդը դիմում է Շահին, արիզա է գրում շատ գանգատներով, տալիս է քալանթար Մարտիրոսին, քանի հոգի էլ հետը գրնում են Թեհրան, արիզէն տալիս Շահին. հրաման է գործադարիս Շահից, սարվազ ու թօփով իւր մեծաւորով գալիս են Չալըշօթօրու դովրը բռնում են որ թոփի կապեն այդ գիւղն, որ բոլորին կոտորեն. Չհարմահալու քեաղխուղէքն թէ հայ և թէ թուրք միջնորդում են, որ այդ գիւղն և մարդիկը չը կոտորեն, շատ ջանքերով հաշտութիւն են կնքում. սարվազներու գալու գնալու ծախսը վճարեցին . . . »:

« Թիւն 1855 Գեկտեմբեր 17-ին Նասրադին Շահի թագաւորութեան Սադրազամն, Վազիր Համզա - Միրզեն Ապահանու քաղաքապետ, այդ նշանակէ շարահաթումն քեալարալի Գովութն, Չմշիդն լոտերուց եկան Լիվասիան խանութիւնով քալանթար Յարութիւնին և Աբելին նահատակեցին, մենք Չարմահալու չորս գեղեցիքս քանի հոգի գրնացինք Ըսպհան, սրբազան Թաղէոս առաջնորդն արիզա

գրեց թագաւորին և Սաղբազամին, դասիդ գնաց. Համգամիրզէն Խանբաբին զրկեց եկաւ Գեանդուժա, գնացին Բժգերդու զօվրը. 300 թֆանքչի ինք, կէս դեաղ ձիւն կէր գետինը. 15 մարդ Բժգերդու մէջը կէր մերձ, մինչի 30 մարդ Խանբաբիցն ներս մտան դալեն. Ասուած ուղի չէր թողին դուս եկան, միայն մէ Յուսոֆին ձեռ բերին: զըրգեց Սպահան Համգամիրզի համար և Համգամիրզեն գրեց Խանբաբին թէ մարդ գիր դէն չքաշեն մինչի ձիւնն երթայ. էտոնց բռնեցինք էդ միջոցին: Նասրադին Շահն չորս ֆարման էր գրի, մէկը Սպահան Համգամիրզին, մէկը Արաբստան Խանլար միրզի, մէկը Շիրազու Շահգադին, մէկը Հօսենդուլի խան Բախտիարու հեքիմին, թէ էդ 3 դաթըլին¹⁾ կուզեմ: 1856 թ. Մարտի 12-ին Խանբաբէն, որ Համգամիրզի զրգածն էր, Ռզազուլի խանը, որ Խանլար միրզի զրգածն էր, հետ միուսին եկան Բժգերտ, քանիսն որ կէին՝ ձեռ եկան, Ռզազուլին տարաւ. դալէն քանդել տւեց: լօտերուն տարաւ Արզալ երկու ամիս մնացին. էնդից Յուսուֆին Համգամիրզէն զրգեց թեհրան: Սաղբազամը գրել էր Համգամիրզին, մեզ ուզեցին յետ Սպահան, ես Մարտիրոսս գնացի թեհրան, մէկ ամիս մնացի կրկին հուքմ ելաւ Խանլար միրզի վրայ, մօղասրնբուլուն²⁾ ուզեցին, Դաւութին Խանլարին տւեց տարան Սպահան Համգամիրզի մօտ...» (պակասում է):

ՔԵԱՂԱՆԹԱՐ ԲԵԳՂԱՐ

Քեաղանթար Յարութիւնից յետոյ՝ Լիվասիան գիւղի քեաղանթար է նշանակւում նրա որդի Բէգլարը, որը համեստ ու խաղաղասէր անձնաւորութիւն է լինում: Սրա օրով ժողովուրդը խաղաղ պայմանների մէջ է ապրում:

Այս ժամանակաշրջանին բախտիարցիները կամաց-

1) Ղաթէլ - մարգասպան: 2) Մօղասեր - յանցաւոր:

կամաց գօրեղանում են և սկսում են գնել և մասամբ էլ բունի տիրանում են Զհարմհալի հողերին:

ՔԱՂԱՆԹԱՐ ՄԱՐՏԻՐՈՍ

Սա բաւախան խոհեմ և մեծ հանճարի տէր լինելով՝ նշանակւում է Զհարմհալի գաւառապետ և եղբայրասիրութեամբ վարում է պաշտօնը տարիներ շարունակ:

Քեաղանթար Արէլի և Յարութիւնի սպանման դէմ բողոքում է և անձամբ գնում է Նոր-Չուղա, յետոյ՝ թեհրան Նասրեդդին թագաւորի մօտ և հրաման գտնում ձերբակալելու և վրէժ լուծելու մարդասպաններից, որը գործադրւում է:

Վերոյիշեալ մանրամասնութիւնները ինքը գրի է առել մի «Մեկնութիւն Սաղմոսաց Դաւթի» գրքի լուսանցքներում:

Սրանց տոհմի վերջին տանուտէրն էր քեաղանթար Սուլեյմանը, Հաջիաբադ գիւղում: Նա ծնւել է 1841 թ. և վախճանւել Նոր-Չուղայում 1907 թ. Ապրիլին:

Նախքան Հաջիաբադ գիւղի հիմնւելը՝ նա տանուտէր է եղել Քաթակ և Նոր-Քոնարք գիւղերում: Զաւակները գաղթել են Հնդկաստան:

ԲԱԲՈՒՄԵԱՆՆԵՐ

Սրանց տոհմից տանուտէրութեան պաշտօն են վարել՝ Խուզարաշխ, Բաբում, Այվազ, Աբգար, Յովհաննէս, Միւնաս և Սուլեյմանը: Կալկաթայի հայոց եկեղեցում և Մաղրասի կաթողիկոս ս. Թովմաս վանքում գերեզմաններ կան Բաբումեաններից:

ՕՂԱՆԵԱՆՆԵՐ ԿԱՄ ԳԱԻԹԵԱՆՆԵՐ

Սրանք նոյնպէս Հայաստանից գաղթելով՝ հաստատւում են

Գիշնիզան գիւղում: Առաջին տանուտէրը լիում է Օհանը. նրանից յետոյ՝ Դաւիթ, Մկրտիչ, Մկրտում և Մանուկ, որոնց տիտղոսն էր «Քիխա»:

Վերջինիս Չհարմհալի ժողովրդի մեծ մասը անւանում էր «Անաստեաճ», որովհետեւ նա սնոտիապաշտ չէր. աշալուրջ, լուսամիտ և ճարպիկ մէկը լինելով՝ միշտ սիրւած էր շատերից և մանաւանդ Չհարմհալի գիւղատէր խաներից: 82 տարեկան հասակում 1946 թւին մեկնեց Մայր հայրենիք, իր գիւղի ժողովրդի և իր ընտանիքի հետ:

ՂԱՐԱԽԱՆԵԱՆՆԵՐ

Ղարախանեանը նոյնպէս Պարսկաստան գալով հաստատուած է Չհարմհալի Սիրաք գիւղում: Սրան յաջորդում է նրա նազար որդին. նազարից յետոյ՝ Խուզազ որդին, ապա Խաչիկ. Սիմէօն, Մկրտիչ և մկրտումը յաջորդաբար քալանթար են նշանակուած Սիրաք գիւղի համար:

Քիխա Մկրտումին յաջորդում է որդին Մեհրաբը, որին նասրեղզին Շահր գնահատելով նրա ծառայութիւնը, նւիրում է «Շիրու Խորշիդ» շքանշան և «Եավար» տիտղոս: Վախճանել է Նոր-Ջուղայում: Որդիքն են՝ Յովհաննէս խան և Յովսէփ խան Ղարախանեանները թեհրանում:



ԱՅՍ Է ՏԱՊԱՆ
ՄԵՂՐԱԲ ԵԱՎԱՐԲԷԳ
ՈՐԴԻ ՔԵԱԴԻՈՒԴԱ
Մ. ՂԱՐԱԽԱՆԵԱՆ
100 ԱՄԱՅ ՀԱՍԱԿԻ
ԿԱՅԵԱԼ ԱՇԽԱՐՀ,
ԵՒ ՍՏԱՅԵԱԼ

ՊԱՐԳԵՒ ՇԱՀԷՆ
ՎԱՅԵԼԵԱԼ ԵՐՋԱՆԻԿ
ԿԵԱՆՍ ԱՇԽԱՐՀԻ
ՓՈԽԵՑԱԻ ԱՌ
ՀԱՅՐՆ ԵՐԿՆԱՒՈՐ
25 ՄԱՅԻՍ 1927
ՀԱՆԳՐԱՏ
ՈՍԿԵՐԱՅԴ.

Եավար Մեհրաբի որդիքը՝ Յովսէփ խան և Յովհաննէս խան Ղարախանեանները լինելով ժամանակի կրթւած երիտասարդներից, պետական հաստատութիւններում մեծ պաշտօններ վարեցին:

ՄԻՒՍ ԱԶԳԱՏՈՂՄԵՐԸ

Վերոյիշեալ նշանաւոր տոհմերից բացի Չհարմհալում կան հետեւեալները.

Աղամեաններ, Անդրէասեաններ, Աղազարեաններ, Աւետիքեաններ, Աղէքսանդրեաններ, բարսեղեաններ, Խաչիկեաններ, Մինասեաններ, Մանսուրեաններ, Նորաւեաններ, Յարութիւնեաններ, Պօղոսեաններ, Փուլադեաններ և այլն:

Տողերիս գրողի ազգանունը՝ Եղգար, Անդրէասեան տոհմից է, Անդրէասը Շահ-Աբբաս Մեծի բերած գաղթականութեան հետ եկել է Չհարմհալ՝ իրան և հաստատուել Ահմադաբադ գիւղում: Ա. քահ.

ՉՀԱՐՄՀԱՂԻ ՀԱՅ ԺՈՂՈՎՈՒՐԴԸ ՀԱՅԱՍՏԱՆԻ
ԲԱՍԵՆ ԳԱՒԱՌԻՅ Է ԳԱՂԹԵԼ

Պատմաբան Առաքել Վ. Դաւրիժեցին ասում է. —
< ... Քանզի առաքեաց զգորագլուխս բազում գորօք ի կողմըն Արգրումայ, որք գնացեալ աւերեցին զերկիրն Բասենու... >, էջ 29.

Բերենք կրկին մի շարք վկայութիւններ վերոյիշեալ պատմիչից. — «... Եթէ միւս խանին, որք բերին ի Կարսայ, ի Կողզանայ, ի Բասենու... >. — էջ 35: < ... Եւ յառաջ քան զայս՝ զգաւառան Կարնոյ եւ զԲասենու... >: Անդ. էջ 53:

Իսկ «Պատմութիւն Նոր-Ձուղայի» Թ. զլ. ասում է. — Ըստ նոյն գաւառի ծերոցն վկայելոյ՝ ժողովուրդք Չարմհայ են գաւառականք Բասենայ զաղթեալ ի Հայաստանէ: Որոց գաւառապետ, կամ էշխան եղալ է Մելիք Տէր-Պետրոս, որ ընդ Սուքեաս որդոյն իւրոյ եկն ի Հայաստանէ:

Հաստատելու համար վերոյիշեալ մէջբերումները, այստեղ աւելացնենք և այն, որ մինչ այժմ էլ յաճախ գաւառեցիներէ բերանից լսում ենք «Բասենայ դովրէն» խօսքը, որ նշանակում է Բասենի ժամանակներից:

ԲԱՍԵՆԻՅ ԳԱՂԹԱՄ ՀԱՅ ԺՈՂՈՎՈՒՐԸ
ԲՆԱԿՈՒԹԻՒՆ ՀԱՍՏԱՏԵՅ ՉՀԱՐՄՀԱՂՈՒՄ

Շահ Աբբասը հայերին Սպահան հասցնելուց յետոյ, նրանց համար բնակավայր որոշեց, սակայն և արտօնեց նրանց ընտրելու իրենց ցանկացած ու սիրած տեղը: <... Եւ զգաւառականսն սփռեաց ի լաւագոյն գաւառն Պարսկաստանի, որոյ երկիրն էր բերրի և պտղաբեր և չկայր պակասութիւն, կամ օդոյ վատութիւն... >: Պատմ.

Նոր-Ձուղայի Բ. հատոր զլխ. Թ. էջ 295:
Աւանդաբար ասում է. երբ հայերը հասան Սպահան, թագաւորից պահանջեցին ձիւնապատ լեռներով մի տեղ. «Հառու դաղ իստարաք» ասելով, իսկ Առ. Վ. Դաւրիժեցին գրում է. —

«Բնակեցուցին ի Լնջան, յԱլինջան, ի Գեանդուման և ի Ջղախօռ...»: էջ 45:

< ... Վասն զի գնացեալ էր ի Գեանդուման գաւառ. Չարքագ իրրահիմն եգիտ Կաթողիկոսն ի գիւղն Քաթակ... (Դաւրիթ Կաթողիկոսին է վերաբերում. իսկ Քաթակ գիւղը Գեանդումանի հարաւարեմտեան կողմն է, երկու կիլոմետր հեռաւորութեամբ: (Աւ. քահ.):

< ... Քանզի Շահն պարզեաց նմա (Դաւրիթ Կաթողիկոսին) գիւղ մի դարման կենաց նորա ի գաւառին Ջղախօռու, որում անուն կոչէին Ֆոնդիգան... > էջ 215-216:

ԵՐԲ ՀԱՍՏԱՏԻՅԻՆ ՀԱՅԵՐԸ ՉՀԱՐՄՀԱՂՈՒՄ

«Բնակեցուցին» ասելով դժւար է հասկանալ թէ ի՞նչքան ժամանակից յետոյ, կամ ի՞նչ հանգամանքների ներքոյ բնակեցուցին: Ըստ իս այնքան էլ հեշտ գործ չէր այն ժամանակ Պարսկաստանում այդպիսի մի մեծ գաղթականութեան տեղաւորելը, երբ տեխնիկական ոչ մի յարմարութիւն չի եղել: Ինչքան ծերունիների բանաւոր պատմութիւններից լսել ենք, տարիներ է տեւել մինչև Չհարմհայի, Փերիայի և միւս գաւառների ժողովուրդը յարմար տեղ է ընտրել և քաղաքի շրջակայքից կամացկամաց քաշել ու այնտեղ բնակութիւն հաստատել: Չհարմհայի առաջին բնակիչները ամենաշուտը 1610 թւականին հազիւ թէ հաստատուած լինեն, այն է՝ Պարսկաստան հասնելուց 4—5 տարի յետոյ:

ՔԱՆԻ՞ ԳԻՒՂԵՐԻ ԲԱԺԱՆՆՅԻՆ ՉՀԱՐՄՆԱԼԻ ԺՈՂՈՎՐԴԻՆ

1856 թվականի վիճակացոյցի մէջ. — «Ըստ հրամանի Սրբազան Առաջնորդին Թաղէոսի», յիշատակւած է միայն հինգ գիւղ Չհարմհալում, սակայն սկզբնական շրջանում եղել են և ուրիշ գիւղեր, որոնք մանրամաս ուսումնասիրութեան և գրի առնելու արժանի են եղել և մոռացութեան են տրւել: Գիտենք մի քանի գիւղեր, հին ու բազմամարդ գիւղերից, որոնք երկար ժամանակ գոյութիւն են ունեցել. օրինակ՝ Վաստիգանը, Շալամազարը, Սուլուգանը, Զիւրիգանը և Ռաստովը. բաւական է միայն նկատի առնենք Վաստիգանը իր պատմական հետքերով:

Չհարմհալի հայերը գաւառում հաստատուելու օրից իսկ սկսել են չել գանազան կողմեր, կամ երկրներ. շատերը յարմար առիթով վերադարձել են Հայաստան: 1874 թւին Լիվասիան գիւղից 23 տուն գաղթել են Ղարաղան գաւառը և հաստատուել Չանախչի գիւղում: Ահա թէ ինչ է գրում «Մեկնութիւն Սաղմոսաց Գաւթի» գրքի 571-րդ էջի լուսանցքում. — Լիվասիան տեսինք, որ քսան և երեք տուն գնացին Սամըլ-Մլքի հետ Թեհրան, որ կասեն Շահրիար մհալն, որ գեղն է էբրահիմ աբադ, յետոյ գնացին Ղարաղան, գեղն Չանախչի 1874 աւալի աշունք» (Սեպտեմբրի վերջերին):

(Յիշեալ գիրքը այժմ գտնւում է Կարկաթայում, հանգուցեալ Քեալանթար Սուլեհմանի թոռների պ. պ. Մինաս և Սուլեհման Յովհաննիսեանների մօտ. բերել են իրենց հետ Չհարմհալից):

Չհարմհալի ծերունիների յաճախակի պատմութիւններից գիտենք հետևեալը Վաստիգան գիւղի ժողովրդի հեռանալու մասին:

Հայերը Վաստիգանում հաստատուելուց միառժամանակ յետոյ մահմեդական գիւղատէրը սիրահարւում է նոյն գիւղում ապրող մի գեղեցիկ հայ աղջկայ վրայ և խընդ-

րում է հօրից նրա ձեռքը. աղջկայ ծնողները, գիւղի մեծամեծների ու քահանաների հետ խորհրդակցելուց յետոյ՝ առերես խոստանում են տալ, երբ նա վերադառնայ եայլաղ¹⁾: Գիւղատէրը միամտում է և մեկնում Գեարմասիր (Իրանի հարաւային շրջանը, որտեղ ձմրանը ձիւն չի լինում և իրենց հօտերի համար լաւ արօտատեղիներ կան):

Փարնան կէսերին, երբ նա վերադառնում է Չհարմհալ, գիւղը միանգամայն դատարկւած է տեսնում: Վաստիգանի հայերը կրօնական խորթութիւնը պատճառ բռնելով, թոյլ չեն տալիս քրիստոնեայ աղջկան ամուսնանայ մահմեդականի հետ և մէկ գիշերւայ ընթացքում դադտնի չում են դէպի Հայաստան:

Կան մի շարք ուրիշ պատմութիւններ ևս, որ Չհարմհալի հայերից գաղթել են Քարասկան-Լնջանի շրջանը՝ Սիլախօռ եւ Փերիա գաւառները:

Վերջին դարում, 1914 — 18 թվականների պատերազմի, սովի, նեղութիւնների և հարստահարութիւնների հետևանքով՝ տասնեակ ընտանիքներ չել են դէպի Հընդկաստան. սրանից աւելի ուշ՝ բաւական քանակութեամբ դէպի Սուզիստան, Քիրմանշահ և այլուր հաստատուեցին Իրանի Նաֆթային Ընկերութեան գործերում: Իսկ 1946 թվականի Օգոստոս ամսին՝ Վերին-Քոնարք, Ներքին-Քոնարք, Մամուռան, Լիվասիան, Սինազան և Աղբուլաղ գիւղերը ամբողջովին վերդարձան Մայր Հայրենիք՝ Սովետական Հայաստան:

Լ Ե Ձ Ո Ւ Ն

Ինչքան տնտեսապէս քամւած և անմխիթար է Չհարմհալի հայը, նոյնքան ֆիզիքապէս քաջառողջ է, կրթասէր, աշխատասէր ու շարքաշ և շնորհիւ իր աշխատասիրութեան, միշտ սիրելի է եղել գիւղատէրերի մօտ աւելի շատ, քան թէ բնիկ պարսիկները: Նրանք, համեմատած

1) Ամառանոց:

միւս գաւառների ժողովրդին, օրինակ Փերիային, աւելի հաշտ ու խաղաղ են ապրել հարեան պարսիկների հետ. շատ քիչ դէպքեր ու դժգոհութիւններ են տեղի ունեցել: Չհարմահալի հայը միշտ նախանձախնդիր է եղել դէպի իր կրօնն ու բարոյականը՝ միշտ բարձր պահելով իր հոգում անջինջ ու անաղարտ, դարերի անհուն վշտերի, տառապանքների ու տանջանքների մէջ իր հայրենասիրութիւնը, ազգասիրութիւնը և լեզուն: Մօտ երեք ու կէս դար Պարսկաստանում ապրելուց յետոյ, նա չի աղաւաղել Արարատեան քաղցր բարբառը, եթէ չհաշտեց ֆարսերէ լեզուի փոքր ազգեցութիւնը: Այսօր էլ նա խօսում է մայրենի լեզուն՝ մաքուր հայերէնով: Սահուն խօսում է նոյնպէս ֆարսերէն և թուրքերէն լեզուները և լռի բարբառը:

Չհարմահալի հայ ժողովուրդը խօսում է նաև մի գաղտնի լեզու, որպէսզի իր խօսակցութիւնը օտարները չը հասկանան. օրինակ Ծուռ լեզու՝ թուրք, թօրք: Կեռպոջ՝ շուն: Մէկ կոնդ՝ մէկ թուժան դրամ: Ծղի ծէր՝ ցորեն: Յերգան ճանքա գնացած՝ Մէշէդ, Քեարբլա կամ Մեքքե գնացած: Մէ կոլուլ՝ մէկ ուիւլ պարսկական դրամ: Մէ ծտի՝ մէկ շահի: Չորին կոտրում է՝ դարի: Փեղաւոր՝ հանդապահ: Մենձ եզ՝ գիւղապետ, խան: Յերգանակ՝ ձի կամ մատակ: Սուրդա տաւար՝ ոչխար, այծ, գառն, կամ ուլ: Գոզգանրուն՝ մեղր: Պաշելու տեղ՝ մզկիթ: Լուն՝ լաւ, ընտիր: Փնթի՝ հարուստ և անմաքուր: Չոր ճանկ՝ կծծի կայլն:

Չհարմահալի հայտենին ունի իր յատուկ արտասանութիւնը, որի մէջ ամենից շատ լսւում է «բ» տառը փոխւած «Յ»-ի օրինակ վարդան—վայթան: Բուրդ—բոյթ: Սարդիս—Սաջիս, վարդ—վայթ: Չորացրած—չօյցրած: Բանջար—քանջայ: Ռրտեղ—ոյդեղ:

Չհարմահալի հայ գիւղերի բարբառը գանազանւում է իրարից, որոնց մէջ ամենից շատ լսւում է Սիրաք գիւղի ժողովրդից: Նրանք բառի սկզբի վանկի վրայ շեշտ են դնում, աւելի երկարացնում են խօսքի առաջին բառը:

Այստեղ աւելացնենք տողերիս գրողի մէկ փոքրիկ ոտանաւորը Չհարմահալի կանանց բարբառով:

ԽԱԹՈՒՆ ՄԱՄԸ

— Բարի լուս քեզ խնամի Սաթուհ
Քա, բա, ոյ՞գի 1) ես էյթում 2),

Պառաւ կնիկ տքտքալէն

Քաղւորին հաց ե՞ս տանում:

— Ես սովոր եմ, ջանիդ մեռնեմ,
Բօյ 3) եմ յայդը 4) գնացի:

Մտէս չինգնի թէ ոյչանք եմ

էս եալերում 5) վազվզի:

Ութսունը հինգ տարէկան եմ,
Աստժուն փառք դեռ վօղիս եմ,

Նաշուքը 6) չեմ իմ աստժանից,

Գուս եմ էյթում 7), գալիս եմ:

Հալիվորն 8) յամիշա 9) կօսի.
Ինքը մենձ 10) է տաս տարով:

էն էլ լաւ է, չէ նէղանում,

Բաղն 11) է բանի օրէրով:

Յամէն մայթու 12) պայտքն 13) է բալամ 14)

Գօյձի մէջ 15) լաւ աշխատի,

Քանի ջանում 16) դւաթ 17) ունի

Յիսկի 18) դադար չնստի:

Լաւ է, ազիզ 19), մնաս բարի,

Յէքւահաց 20) անց է կէցի 21),

էյթամ 22), հասնեմ քաղւօրնէրուս.

Բշխիբ 23), յէրգար 24) խօսէցի:

1) որտեղ, 2) գնում, 3) շատ, 4) արտը, 5) բլուրներում, 6) դժգոհ, 7) գնում, 8) ամուսինը, 9) միշտ, 10) մեծ, 11) այգին, 12) մարդու, 13) պարտքն է, 14) զաւակս, 15) գործի, 16) մարմնում, 17) ույ՞, 18) երբէք, 19) սիրելիս, 20) նախաճաշ, 21) անցել է, 22) գնամ, 23) ներքի, 24) երկար:

Շուրջ երեսուցն տարի սրանից առաջ, Ռրանի կառավարութեան կողմից պարտադրեց ֆարսերէնի ուսուցումը հայոց դպրոցներում. այդ ժամանակեանից սկսած գավառի հայերը աւելի մաքուր կերպով կարողացան իրենց հարեան պարսիկներին հետ խօսել երկրի լեզուն: Ներկայ երիտասարդութիւնը և գաւառի բոլոր դպրոցականները այժմ ֆարսերէնի տարրական դասընթացքը աւարտելու ու աւարտում են գաւառի իրենց դպրոցներում, իսկ ունեոր անձինք իրենց երեխաներին տարրականն աւարտելուց յետոյ, ուղարկում են քաղաք միջնակարգի և բարձրագոյն ուսման համար: Այնպէս որ գաւառի հայ ժողովուրդը, հակառակ սկզբնական տարիներին, որ միայն 4% գրեկարգալ գիտէին, հիմա բոլորը, երկսեռ, դրագէտներ են: Վերջին կէս դարում գաւառը աւել է այնպիսի երիտասարդ սյուներ, որոնք մի կարճ ժամանակում, երկրում, կամ արտասահմանում իրենց կրթութիւնը լրացրել են և անուն ու համբաւ վայելում: Այժմ ունենք Չհարմհալցի հայ բժիշկներ, ատամնարոյժներ, ճարտարապետներ և մըտաւորականներ:

ՉՀԱՐՄՀԱԼԻ ՀԱՅՐ ՇԻՆԱՐԱՐ Է

Չհարմհալի հայ ժողովուրդը շինարար է. այս բանը հաստատուում է նրանով, որ նրանք, իրենց նոր բնակավայրերում հաստատուելուց անմիջապէս յետոյ, լծել են աշխատանքի, կառուցել են եկեղեցիներ: Չրադացներ, ձիթահաններ, բաղանիսներ, և վերջին դարում՝ դպրոցներ: Գլխաւորական շէնքերը թէև շատ ուշ են շինուել, այսինքն 1905 թւականից, բայց դարձեալ գերադաս են համարուում իրենց հարեան պարսիկ դպրոցներից, որովհետև պարսիկ գիւղերում, նոյնիսկ ամենամեծ գիւղում, որը մէկ հազար տնից աւելի ժողովուրդ ունի, մինչ այժմ դպրո-

ցական շէնք գոյութիւն չի ունեցել, հակառակ իրենց տընտեսական լաւ պայմանների: Սակայն այս տարի, շնորհիւ իրանի բարեկիրթ Ն. Կ. Մ. Շահնշահ Մօհամմազ Ռիզա շահի ջանքերի, կազմել է կրթական բանակ, որպէսզի բոլոր յետամնաց գիւղերումն էլ ունենան դպրոցներ և վերջ տրւի անգրագիտութեան:

Գիւղատէրերը միշտ դովասանքով են խօսել հայ գիւղացու հող մշակելու մասին, որովհետև նրանք նկատել են հայ գիւղացու մէջ ետանդ ու տոկունութիւն, նրանք ականատես են եղել նոյնպէս հայերի և պարսիկ ժողովրդի վար ու ցանքի և նրանց հունձքի տարբերութեանը. տեսել են որ նոյն տարածութիւն ունեցող հողից հայը կը բերկնակի աւել հասոյթ է ունենում:

Նախքան ներգաղթը, Չհարմհալ գաւառն ունեցել է 459 տուն բնակչութիւն, 2209 շունչ, ինն դպրոցական շէնք, 9 եկեղեցի, 9 բաղնիս, 11 Չրադաց, այգիներ, ծառատաններ և այլն, ի բացառեալ հայերի աւերակ հին հաստատութիւնները:

Փերիայից յետոյ, Չհարմհալը հայաշատ գաւառն է իրանում, որի մէջ յիշած հայ գիւղերը գուտ հայաբնակ են եղել: Միայն 2 գիւղեր են եղել, որոնք պարսիկներին հետ միասին են բնակելիս եղել, դրանք են Գիշնիգան և Բալղու:

ԳԱԻԱՌԻ ԱՆՈՒՆԸ

Չարմհալ, Չհարմհալ, կամ Չարմհալ, որ է Փարսերէն յաւանակում է չորս տեղ, կամ չորս շըրջան, որը իսկապէս բաժանուած է չորս մասի հետեւալ կարգով. —

- | | |
|---------------|------------------|
| Ա. Գեանդուման | Արևելեան մասում. |
| Բ. Քհար | Հիւսիսային. |
| Գ. Լար | Հարաւային |
| Դ. Միզզէ | Արևմտեան: |

Այս շորս գաւառամասերը միասին կոչուում է Չհարմրհալ, որտեղ բնակւել են հայերը: Գեանդուման գաւառամասում նախքան ներգաղթը (1946 թ. Օգոստոսի 24 և 25-ը) կային վեց հայաբնակ գիւղեր՝ Վերին-Քոնարք, Ներքին-Քոնարք, Մամուռան, Լիվասիան, Աղբուլաղ և Սինագան: Քհարում կայ մի հայ գիւղ՝ Սիրաքը: Լարում՝ Մամուռա և Հաջիաբաղ, իսկ Միգղեհում՝ ոչ մի հայ գիւղ:

Այստեղ աւելացնենք պ. Լ. Գ. Մինասեանի Փերիա և Չհարմհալ գաւառների վերաբերեալ յօդուածաշարքի վերջին մասը, որը տպագրեց «Ալիք» օրաթերթի 1951 թւի Փետրւար 7-ի համարում:

«... նախքան վիճակացոյցը, երկու խօսք ևս Չհարմրհալի պատմականի և ներկայի մասին:

Շահ-Աբբասի մեծ դաղթականութեան ժամանակ Պարսկաստան բերւած հայերը, որոնք ըստ որոշ տւեալների, ներկայ վայրում հաստատւելուց առաջ, բնակւելիս են եղել նոյն գաւառի Գեանդուման, Ջղախօռ և Շալամդարի գաւառամասերում, դրանց կից ու գէպի արեւելք ընկած Բժգերտ և Քօրդ-Շամի գիւղերի շրջակայքում:

Հետագային, Աֆղանների արշաւանքի ժամանակ, Սպահանին մօտ եղող գիւղերից քաշւել են աւելի հեռու շրջաններ և հաստատւել ներկայ վայրում: Սոյն կարծիքին հիմք են ծառայում տեղի տապանաքարերի թւականները, որոնց արձանագրութիւններն սկսւում են 1720 թւականից, այսինքն Աֆղանների գալու օրերից: Նոյն ժամանակում վերջանում են նախկին տեղերում եղած արձանագրութիւնները: Նախքան ներգաղթը, Չհարմհալն ունէր 9 հայաբնակ գիւղ, որոնցից վեցը Լիվասիան, Սինագան, Մամուռան, Աղբուլաղ, Ներքին և Վերին-Քոնարք

1144 շունչ բնակչութեամբ, 1946 թւի Օգոստոս 24 և 25-ին ներգաղթեցին Հայրենիք: Ներկայիս մտում են երեք գիւղեր՝ Մամուռա, Հաջիաբաղ և Սիրաք, որոնց վիճակացոյցը բերում ենք ստորև:

ՎիճԱԿԱՅՈՅՅ ՉՀԱՐՄՀԱԼ ԳԱԻԱՌԻ 1949 թ.

Գիւղի անուն	Տուն	Արական	Իգական	Ընդհ. տուն
1. Մամուռա	85	180	200	380
2. Հաջիաբաղ	53	121	126	247
3. Սիրաք	49	96	113	209
	187	397	439	836

... Մամուռա գիւղն իբր սեփականութիւն ունի միայն երկու շրաղաց: հողը պատկանում է բախտիարի պարսիկ խաներին: Հաջիաբաղ և Սիրաք գիւղերի վարելահողերը նոյնպէս պատկանում են պարսիկ խաների: Երեք գիւղերը միասին ունեն 187 տուն, որոնցից 39-ը բարեկեցիկ, 67-ը միջակ և 81-ը չքաւոր: Գիւղացիք այդ թւին ունէին 1818 այծ և ոչխար, 135 եգ, 124 կով, 164 դրաստ, 9 ձի և 102 մեղւի փեթակ:

Չհարմհալի հայ գիւղացիները, հայկական միւս գաւառների համեմատութեամբ, շատ վաղ են սկսել դուրս գալ գիւղից: Սկսած 1900-ական թւերից, չհարմհալցիները իրենց տղաներին ուղարկում էին Հնդկաստան. իսկ երբ հիմնւում է Անգլո-Իրանեան Նաւթային Ընկերութիւնը, աշխատանքի համար գաւառից դուրս եկողների թիւն աւելի է մեծանում: Այդ պատճառով այսօր շրջանից բացակայում է տեղի երիտասարդութիւնը և դժւարութեան մատնւում երկրագործ գիւղացու աշխատանքները:

Ներգաղթի և աշխատանքի համար գաւառից հեռանալու պատճառով, հայ բնակչութեան թիւը զգալի կերպով

նւագել է: Ներկայիս գիւղացիները ձգտում են դէպի քաղաքները. այսօր վստահաբար կարելի է ասել, որ գաւառում մնացող քնտանիքներից դժւար թէ որեւէ մէկը գրտում գտնւող անդամ չունենայ: Խուզիստանի հայերից շատերը չհարմարացիներ են, որոնք այսօր մտահոգւած են իրենց ծննդավայրի բնակչութեան նւագման խնդրի համար և միջոցներ են խորհում գաւառը վճռական քայքայումից փրկելու:

Այսօր գաւառին տէր է կանգնել «Զհարմհալի Ռւսումնասիրաց Միութիւն»ը, որը լայն չափով նպաստում է կրթական գործին, ժամանակին ուղարկում է կարող ուսուցիչներ և մտահոգւած է գաւառի պահպանումով:

Զհարմհալն ևս ունի իր պատմական հարուստ անցեալը, որին կանգրադառնանք մի այլ առիթով»:

Լ. Գ. Մինասեան

Ահա մի ուրիշ հատւած Փերիա գաւառի մտաւորականների գրւածքներից: Լոյս է տեսել «Ալիք»-ի 1947 թ. Փետրւար 19-ի համարում:

«... Փերիան համեմատած Զհարմհալին մեծ գաւառ է. գիւղացիներից շատերը սեփականատէրեր են, Զուղայից որոշ հայեր բաւական հողեր ունեն. ինչպէս նաև դպրոցներն ու եկեղեցիները, բայց դպրոցական մարզում չի հասել հողագուրկ ու լոռ արբաբ ունեցող Զհարմհալին:

Ինչպէս որ վերջերս մամուլով էլ արձանագրեց «Ալիք» թիւ 290, Դեկտ. 29 1946 թ.), մի քանի տարի է, որ Նոր-Զուղայի Ազգային Մարմինները նպաստ չեն տալիս չհարմարացիներին, բայց չնայած դրան, շնորհիւ չհարմարացիների ուսումնաստենչ ոգուն և դուրսի երիտա-

սարդութեան ջանքերի, սոյն գաւառի Ռւսումնասիրաց Միութիւնը ժամանակին գաւառ է ուղարկում կարող ուսուցիչներ և բաց անում բոլոր դպրոցները: Պատիւ իրեն...»:

Փերիա, Նոյեմ

ԶՆԱՐՄՀԱԼԻ ԿԼԻՄԱՆ

Զհարմհալի, ինչպէս նաև ամբողջ Բախտիարի կլիման, առողջարար է և բարեխառն. ձմեռը ծածկւած է ձեան հաստ շերտով: Եղել են տարիներ, երբ ձիւնը, շատութեան պատճառով, գարնանը ուշ է հալել ու վերացել, գարնանային սառը ցրտերը տարւայ ցանքին ու բերքին մեծ վնաս է հասցրել, պտղատու ծառերի մեծ մասը չորացրել:

Զմեռային եղանակին յաճախ է պատահել երթևեկութեան ժամանակ մարդ կենդանի ձեան մէջ են մնացել ու ցրտից սառել: Պատահել է որ այս գիւղից միւսը շարաթներով անցուգարձ չի եղել և հաղորդակցութիւնը խզել:

Եղանակները ժամանակին փոփոխութեան են ենթարկւում. ամառն անձրևներ չկան, բայց շարունակ փչում է զով քամին: Բուսականութիւնն առատ է, մանաւանդ արևելեան և հարաւային մասերում: Շնորհիւ այս կլիմայի Զհարմհալի ժողովուրդն առողջ է, որովհետև վայելում է քաղցրահամ և սառնորակ աղբիւրների ջրերը և շնչում անուշ օդը. «Զկար պակասութիւն, կամ օդոյ վատութիւն», ասում է Նոր-Զուղայի պատմագիրը:

Լ Ե Ռ Ն Ե Ր Ը

Զհարմհալի ամբողջ երկայնութեամբ, հիւսիս-արևելքից հարաւ-արևմուտք, բռնած է Բախտիարի լեռնաշղթան, որի մասերն են՝ Քեալլարը, Սովզուն, (կամ Կանաչ սար-Մարգ-քուն), Խունկ և Գուղուղու, Զղախօռի սարը, Զրէհ և ուրիշներ: Քաւառի արևելեան կողմում Մաղար-

Գոթաբարը (մայր և աղջիկ), կենտրոնում Ջարգի, Մընարի և Ահենգարի սարերը, իսկ Միզգէ և Քհար գաւառամասերի մէջտեղը Ջոմբին, կամ Ջհանբին, որ նշանակում է այս սարի բարձրութեան վրայից կարելի է տեսնել աշխարհը: Նշանաւոր է իր հարիւրաւոր աղբիւրներով, մասնաւորապէս «Վաղթ ու Սասթ» կոչւած, հարաւարեւելեան ստորոտում ընկած աղբիւրով, որը օրւայ մէջ մի քանի անգամ դադարում է բղխելուց՝ ապա կրկին սկսում, այնպէս որ երբեմն մի կաթիլ խմելու ջուր չի լինում աղբիւրի մէջ: Վերոյիշեալ բոլոր լեռների վրայ, կամ ստորոտներում կան նմանապէս քաղցր կաթնահամ աղբիւրներ. բոլորականութիւնն առատ է Ձղախօռի և Քեալլար սարերի գագաթները, տեղ-տեղ ծածկւած են յաւերժական ձիւնով, Կան նաև բազմաթիւ բարձրավանդակներ:

Ջ Ր Ե Ր Ը

Ձհարմհալում գոյութիւն ունեն միայն երեք գետակներ: Ա) — Բօլգաջու գետ, որը սկիզբ է առնում Ձղախօռի սարերի ստորոտից ու Շամբից և անցնելով Բօլգաջի, Սինագան, Աղբուլաղ, և Քաթակ գիւղերի մօտակայքով միանում է Քեալլար սարի ներքևի շամբուտներից գոյացած ջրերին և վերին ու ներքին Քոնարքների հողերը մասամբ ոռոգելով միանում է Խունկ սարի արևելեան կողմի Ջահ-չըլգեազ գիւղի աղբիւրներից գոյացած և շամբուտների միջով հոսում և միանում այն գետին Բժկերտ գիւղի մօտ թէքելով դէպ հարաւ՝ Բախտիարի լեռների միջից անցնում և թափւում Պարսից Ծոցը: Բ) — Խարաջու գետ, սկիզբ է առնում Շահր-Քօրդ գիւղաքաղաքի մօտիկ Լաղոմ աղբիւրներից և անցնում Ահմադաբադ, Հովշիգան, Թաղանակ, Սիրաք, Շամսաբադ, Խարաջի, Թիշնիզ և Բալլու գիւղերի մօտով, որից օգտւում է

նոյն գիւղերի հողագործը. սա էլ անցնելով Բախտիարի լեռներից՝ թափւում է Պարսից Ծոցը: Գ) — Շալամգարու գետ. — Սկիզբ է առնում հէնց Շալամգար գիւղի մօտ գտնուող «Գօլ»-ից, անցնում է Դաստանա և Բալլու գիւղերի մօտով ոռոգելով նոյն գիւղերի հողերը, ապա միանալով Դէհօրդի գետին հոսում է դէպի Պարսից Ծոցը: Գոյութիւն ունի նաև Դիզգաջու գետը, սակայն շատ աննշան է, միայն գարնանային եղանակներին է հոսում և օգտակար դեր չունի:

Ինչպէս ասացինք, սարերի վրայ կան հարիւրաւոր աղբիւրներ, իսկ դաշտերում բաւական թւով Ղանաթներ, կամ քեահրիզներ (ջրմուղներ), որոնց ջրերից գիւղացիները մասամբ օգտւում են: Ձհարմհալի գիւղերի առջև, կամ կենտրոնում կան աղբիւրներ գիւղացիների տնային պիտոյքների և գիւղերի շինարարական գործերի կարիքների համար: Անուշահամ ձկներ կան գետերի և մի շարք աղբիւրների ջրերում: Հանքային ջրեր չկան Ձհարմհալում:

Հ Ո Ղ Ը

Ձհարմհալի հողը աւագոտ և մասամբ սևահող լեռնով բարեբեր է, չնայած որ հողագործը, կամ հողատէրը յաճախ գանգատւել են հողի «անպէտքութեան» մասին, սակայն փաստերն ապացուցել են, որ երբ մի կտոր հող հարկ եղած ձևով է մշակւել, ստացւել է մէկիւ, 35—40 արդիւնք: Գաւառի հողագործը մեծ մասամբ աշխատում է ջրարբի հողերի վայ. շատ չ չին «դէմ» է մշակում (անջրդի) մինչդեռ «դէմ» ի մշակման համար կան ընդարձակ հողամասեր, որոնք բացառութեամբ երաշտ տարիների, առատ արդիւնք են տւել ու տալիս են: Ցանում են աշնանացան և գարնանացան: Աշխատանքը տարւում է հին նահապետական ձևով:

Մինչ այժմ գաւառի հողերի, եթէ չասենք ամբողջը, գոնէ երեք քառորդից աւելին պատկանում էր Բախտիարի խաներին, կամ արբարներին, որոնք սկսած 300-ական թրւականներից, հետզհետէ գաւթել տիրացել էին: Փաստեր շատ կան, որանք հաստատում են՝ գաւառի հողը բաժանւած է եղել հողագործներին և կառավարութիւնը ստանալիս է եղել միմիայն իր հարկը: Պատմութիւնը ևս հաստատում է այս բանը. երբ գաւառեցի հայերը հաստատուեցին Ձհարմհայում, երկրի թագաւորը մի յատուկ հրքովարտակով հայ գիւղացիներին ընդարձակ հողեր է շնորհել, որոնք երկար տարիներ շարունակ մշակել ու ապրել են, սակայն հարկերի բարդացման պատճառով հայ գիւղացին պարտաւորել է լքել իր սեփական կալւածք և արբարի հողը, վճարելով նրան ամբողջ բերքի մէկ երրորդը և որոշ գիւղերում մէկ չորրորդը. դրամի բացարձակ չգոյրութեան պատճառով, խեղճ գիւղացին ստիպւած է եղել այդպէս անելու:

Նոր-Ջուզայի պատմութեան Բ. հատորի 301 էջում յիշատակւած է թէ իւրաքանչիւր մէկ խալւար ցորենի համար (50 լիտր, որ է մօտ 300 կիլոգրամ) հողագործը վճարելիս է եղել տէրութեան ընդամենը 18 զոան հարկ, ապա աւելացնում է «...Այլ ինչ ծախուց գաւառին բարդեալ ի վերայ բովանդակեցաւ գինն իւրաքանչիւր խալւարին 23 զոան»:

Այստեղ աւելացնենք մի աւանդական պատմութիւն: Շուրջ 150 տարի առաջ Ահմադաբադ գիւղի տարեկան հարկը հաւաքելու ժամանակ հողագործներից շատերը չեն կարողացել գրամ գտնել վճարելու. «մամուրները»¹⁾ բարկանում՝ ծեծում ու նեղացնում են գիւղացիներին, տանուտիրոջ և մի քանի հոգի գիւղի մեծերին բոբիկ ոտքերով կանգնեցնում են սառոյցի վրայ երկար ժամանակ. սրա-

1) Գիւղատիրոջ ներկայացուցիչը՝ հարկահաւաք:

նից ևս բան չի գոյանում. թէև հողագործների տներում կար բաւական հացահատիկ, բայց «տէրութիւնը փող էր ուզում»:

Մի անձնաւորութիւն 20 զոան տալիք հարկի համար շալակում է մի ջեջիմ (փալաս) ամբողջ մէկ շաբաթ շրջում է գանազան գիւղեր, չի կարողանում վաճառի իր ջեջիմը՝ իր պարտքը վճարելու: Ճարահատ վերադառնում է իր բնակավայր գիւղը, խիստ պատժի է ենթարկւում մինչև իր տալիքի վճարումը:

Հարկերի ծանրութեան և դրամի բացարձակ չգոյութեան պատճառով. Ձհարմհայի հայ համայնքի կողմից ներքև յիշւած պարոնները, որպէս պատգամաւորներ, յիսուն պարսիկների հետ միասին, գնում են թեհրան Նասրեդինի թագաւորի մօտ գիջում խնդրելու. նա էլ ամբողջ Ձհարմհայի համար շնորհում է 3000 թուման:

Հետեւեալ տեղեկութիւնը քաղել եմ պ. պ. Մինաս և Սուլի Յովհաննիսեանների մօտ գտնուող «Մեկնութիւն Սաղմոսաց» գրքից. Կալկաթայում:

<1879. պ. Աւետիկս և քալանթար Բէգլարն և Աղախան Մկրտումի գնացինք թեհրան իշխանաւոր Հօսենդուլի խանի հրամանով 50 թուրքի հետ, մալիթի կողմանէ, երեք հազար թուման թաղֆիվ¹⁾ բերինք. Նասրադին Շահը բաշխեց»:

Ահա այս ու նման պատճառներով հայ գիւղացին պարտաւոր էր իր սեփական հողը ձեռքից տալ և դառնալ ռայեաթ²⁾:

Ապագայում, երբ Իրանում, մասնաւորապէս գիւղերում, աւելանում է դրամի շրջանառութիւնը. Ձհարմհայի հայերն ևս աշխատում են իրենց կորցրած հողերը վերստանալ և դիմում են միջոցների, որպէս փաստ մէջ բերենք Կալկաթայում հրատարակւած «Ազգասէր» լրագրի 1848 թ. Մարտ 8-ի համարում, թիւ 134, հետեւեալ

1) Ձեղջ: 2) Գիւղատիրոջը ծառայող հողագործ:

րութիւնը. «Պարոն Աստուածատուր ի 12 ամսոյս ժամանեց աստ ունելով զարքունի հրովարտակ տիրելոյ զեղջըն Հիվաստիանա, զոր իբրև ժառանգութիւն իւր հաստատեալ է ի դրանն արքունի, նաև վերակացութեան բարեօք կառավարութեան Զուղայու»:

17 Գիգեմբր 1847 թ. >

Ներկայումս Շահնշահի հրամանով հողերը բաժանուում է բոլոր գիւղացիներին, սրանով գիւղացիութիւնն ազատուում է արբարներից:

ՄՇԱԿՈՒՄ ԵՒ ՀԱՐԿ

Զհարմհալի հայ գիւղացին հողի մշակուումը սովորել է իր պապերից ու հէնց այդպէս էլ շարունակել սերունդից սերունդ: Գիտէ միայն հողը հերկել, սերմ ցանել, բրել ու հնձել. արդիւնքն էլ «ինչ որ Աստուած կը տայ»: Ամբողջ երեք ու կէս դար գաւառում գիւղատնտես գոյութիւն չի ունեցել. ինքը հողագործն էլ չի ճանաչել հողի այս կամ այն տեսակը, մի խօսքով հարկ եղածը մշակելու, պարարտացնելու. ճիշտ աշխատանքը չի կատարել և ընտիր երկրագործական գործիքներ չի ունեցել. հէնց այս պատճառով էլ հողագործը մշտապէս տնտեսական անմխիթար վիճակում է ապրել:

Գաշտամշակութեան գործում ընդհանրապէս տղամարդն է գործողը, կանայք միայն կալի մէջ մասամբ օգնում են տղամարդուն: Ծերունիները՝ հերկում, վարում, ցանում են և կալ կալում, երիտասարդները՝ մարգ (ածու) կապում, ջրում, հնձում, խոտ քաղում, այգի բրում, առու հանում և կարեօր ու ծանր գործերն են կատարում, իսկ անչափահասները՝ խուրձ կրում էշերով, հող կրում, կամ արտերի համար քութ տանում (բակերում հաւաքած աղբը, պարարտանիւթ):

Գաշտամշակութեան համար աշխատեցնում են միայն եզ և էշ, առաջինը՝ վարելու և կալսելու իսկ վերջինը՝ բռններ կրելու:

Ծառերի տունկերի և արմտիքների մշակման գործում նոյնպէս անբաւարար է մնացել:

Որպէս հարկ վճարում է գիւղատիրոջ. —

Հողից ստացած արդիւնքի մէկ երրորդը, որոշ գիւղերում՝ մէկ չորրորդը:

Այգիներից՝ իւրաքանչիւր ջրիբին 100 ուխալ (ջրիբը 1000 մետր քառակուսի տարածութիւն է):

Ծառերից՝ մէկ երրորդը:

Իւրաքանչիւր մի կովի համար՝ տարեկան 10 ուխալ:

Ոչխարի կամ այծի համար 5 ուխալ:

Զի կամ մատակի > 10 >

Ջրաղացի արդիւնքի մէկ վեցերորդ մասը:

Ոչ հողագործներից մարդագլուխ 5 ուխալ:

Եզը և էշը, որպէս աշխատող կենդանիներ հարկի ենթակայ չեն:

Ահա թէ Զհարմհալի հողագործը ինչ պայմաններով է մշակում հողը և հարկ վճարում: Զմտուանանք և այն, որ տարւայ ընթացքում հարիւրաւոր մարդիկ ձրիաբար աշխատում են խանի համար այգի բրում, հուճ անում և դանազան մանր գործեր կատարում. նման գործերը յատուկ են կիրակի օրերի համար, որովհետև գիւղատէրը դիտէ այդ օրը հայի հանգստի օրն է: Բացի վերոյիշեալ «օրինաւոր հարկերը» երբեմն էլ գիւղատէրը հողագործից ձրիաբար տանում է ոչխար, հաւ, հաւկիթ և ճոխացնում իր սեղանը:

Հողագործի յարդից ևս գիւղատէրը տանում է տարեկան իւրաքանչիւր հաբբայից 50 լիտր: Գիւղը բաժանուած է 72 հաբբայի, որ է վեց դօնգ: Վերջին տարիներում իրանի կառավարութեան ձեռք առած միջոցների

շնորհիւ, անտեղի հարկերը չէր վճարուում:

Այստեղ աւելացնենք Նոր-Չուղայի Սուրբ Ամենափրկչեան Վանքի վճարած տարեկան տուրքը Չհարմհալի գիւղերից քաղած «Պատմութիւն Նոր-Չուղայի» Բ. հատոր, էջ 144:

«Գաւառն Չարմահալայ երբեմն յաւել երբեմն պակաս տա առ ամս տասնեհինգ բեռ ալիւր, երեք լիտր իւղ, 40 լիտր պանիր, 50 լիտր շորթան և 4 ոչխար»:

2) Բեռն աւանակի է 15 լիտր:

Նւէրք գաւառաց ըստ որում առաքին բարձեալ ի վերա աւանակաց, վասնորոյ իւրաքանչիւր բեռն նւիրանաց է 15 լիտր»:

Մէկ լիտրը հաւասար է 6 կիլոգրամի:

ՀԱՅԱՀԱՏԻԿ ԵՒ ԲՈՒՍԱԿԱՆՈՒԹԻՒՆ

Սերմերի մէջ ամենաառաջին տեղն է բռնում ցորենը. արտերի երեք քառորդը ցանւում է ցորեն, յետոյ՝ գարի: սխեռ, սոպ, յաճար, կորնզեալ (առւոյտ, կամ եօնջա), քիսին, հոռալ, կտաւատ, շաւղար, կորեկ, նուշի և այլն: Աֆրոն ցանւում էր միայն լիվասիան գիւղում, բլինձ և բամբակ չկայ Չհարմհալի հայ գիւղերում:

Բանջարանոցներում ցանում են գետնախնձոր, սեխ, ձմերուկ, վարունգ, լոբի, դդում և արեածաղիկ:

Վայրի բոյսեր առատ են գաւառի գաշտերում ու արբերում գարնան ու ամրան եղանակներին. սար ու ձոր ծածկւում է հազարերանգ ծաղիկներով ու բոյսերով, որից գիւղացիներն առատ պաշար են հաւաքում անասուններին կերակրելու ձմեռային եղանակին: «Ձառահները»¹⁾ այս բոյսերից գեղեր են պատրաստում ու բժշկութիւն անում:

Բոյսերի անուշահամ տեսակներից եփած, կամ հում

1) Վիրաբոյժ:

դործ են ածում բանջարեղէնի փոխարէն. սրանք են՝ սինձ, քանգառ, խոզնատուլ, ատուլ, բանջար, պուսս, քարդու, մուսիլ, քալաուզ և ուրիշներ: Անտառներ չկան Չհարմհալում: Սինձ բոյսի կաթից ծամոն են պատրաստում, որին տեղացիները ասում են ձութ. ծամում են երիտասարդ տղաներն ու աղջիկները:

ԸՆՏԱՆԻ ԿԵՆԴԱՆԻՆԵՐԸ ԵՒ ԹՌՉՈՒՆՆԵՐԸ

Չհարմհալի գաւառի հայ գիւղացիների ընտանի կենդանիների թիւր անհամեմատ աւելի պակաս է քան հարեան պարսիկներինը, որովհետև վերջինները հնարաւորութիւն ունեն իրենց հօտերն աշնանը քշելու տաք կողմեր և գարնանը վերադառնալ. հայերին պակասում է այդ, բացարձակ երկիւղից, այս իսկ պատճառով էլ ըստիպած է իր հօտը, կամ նախիրը միշտ գիւղի մօտերում պահելու, կամ մօտակայ սարերում, իսկ ձմրանը, մօտ 5 ամիս՝ գոմում: Ուստի հայ գիւղացիների մօտ պահում է սակաւաթիւ կենդանիներ, որոնք են՝ ոչխար, կով, էջ, եզ, այծ, մատակ և շորի: Ոչխարները գատորոշելու համար՝ ամեն ընտանիք ունէր իր դաղման՝ դաղ կամ դրոշմ ականջին, քթին կամ ծնօտին: Կայ նաև ականջը դանակով ճեղքել, կամ կտրել:

Տնային կենդանիներին չհարմհալցի հայրը այսպէս է կանչում. — Շանը՝ քուչի-քուչի, հաւին՝ ջու-ջու-ջու, ոչխարին և գառին՝ դուժու-դուժու, այծին և եւլին՝ թիթի-թիթի, կովին և եզին՝ կօկօ-կօկօ, էջին և ձիուն՝ բիաբիան, քուրակին՝ գոռօ-գոռօ, հորթին՝ գուլու-գուլու:

Քշում են շանը՝ շըխ, կորի, չքսուէ, ոսդ էլի:

Հաւին՝ քշա-քշա, ոչխարին՝ յիխ, դուժու, այծին՝ թիթի-թիթի, կովին և եզին՝ հօ, էջին և քուրակին՝ հը-քուռի:

Կենդանիներին հայհոյում են. — Շանը՝ շըխ շան շուն, տէրդ մեռնի, փղարսագի անտէր, գուռ էլի. հաւին՝ քշա,

ճիւղ կտրւի, գլուխը ուտես. ոչխարին, այծին, գառին, կովին և եգի՛ն՝ հարամ ըլնես, անդանակ ըլնես, գանգի դամ էրթաս. էշին, քուռակին, և ձիուն՝ սատկես դու, ողներդ վիրե գա, անտէր մնաս, սոյդ կտրւի:

Թուշուները նմանապէս շատ սակաւ են. իւրաքանչիւր տուն միջին հաշուով պահում է 4—5 հաւ, որոշ գիւղերում կան փոքրաթիւ աղաւնիներ միայն:

ՉԲԱՂՄՈՒՆՔ ԵՒ ԱՐՀԵՍՏ

Չհարմհալի հայ գիւղացիների գլխաւոր զբաղմունքը հողագործութիւնն է, մասամբ և անասնապահութիւնը: Կան սակաւաթիւ առեւտրականներ՝ միմիայն գիւղացիների կարիքների համար, յետոյ գալիս են բանւորներ, դարբին, սափրիչ և հիւսն: Գաւառից դուրս կան չհարմհալցի բժիշկներ, ատամնաբոյժներ, մեքանիկներ, գրագիրներ և կառավարական հիմնարկներում աշխատողներ:

Կանանց գլխաւոր արհեստն է՝ գորգագործութիւնը. գործում են ընտիր գորգեր, ջեշիմ, կապերտ, ջըւալ (մեծ տոպրակ), խօռ և ուրիշ պիտոյքներ. ամբողջ թեւերը մաւնում են իրենք՝ կանայք, իրենց ձեռքի գործիքներով, որոնք են՝ քարման, իլիկ, ճախրակ և յլորքրիկ: Կան ընտանիքներ, որոնք տարւայ ընթացքում գործում են 4—5 հատ ընտիր գորգ: Պարսկաստանի գորգերի մէջ ամենաառաջին տեղն է բռնում հայերի գործածը, որին ասում են «Արմանի բաֆ»: Տանտիկինը զբաղւում է նաև տնային աշխատանքներով, այն է՝ բուրդ մանել, հաց թխել, կար ու ձեւ, ոչխար ու կով կթել, իսկ կալի ժամանակ ցորեն և այլ հացահատիկներ մաքրել և այլն:

ԸՆԴՀԱՆՐԱԿԱՆ ԲԱՆԻՈՐՆԵՐԻ ՎԱՐՁԱՏՐՈՒԹԻՒՆ

Բանւորներ վարձում են գարնան սկզբներին. Հաւաքում են գիւղի ծերերը, գալիս քեանթարը, կամ քեադխուղան, կանչում են այս կամ այն բանւորին և որոշում նրա տարեկան ստանալիք վարձը կալի ժամանակ:

Պաշտւանը՝ (հանդապահ) ստանում է իւրաքանչիւր հաբբա մլքից մէկ լիտր ցորեն և մէկ լիտր գարի. հովիււր՝ իւրաքանչիւր ոչխարի համար 3 չորորդ լիտր ցորեն և 3 չորորդ լիտր գարի. եգնարածը՝ իւրաքանչիւր եգի համար 2 լիտր ցորեն, 2 լիտր գարի, բաղնիսպանը՝ մարգագլուխ մէկ լիտր ցորեն և մէկ լիտր գարի, իսկ կինը՝ տիկիներին լողացնելու վարձ, իւրաքանչիւրից ամեն անգամ երկու տանի¹⁾ հաց, օրւայ բանւորը, գարնաս և աշնան եղանակներին, երբ գործը սակաւ է, ստանում է՝ մէկ լիտր ցորեն, իսկ ամբանը՝ երկու: Այգեպանի և բոստանչու հետ մասնաւոր պայման է փակւում, այգու տարածութեան, կամ մլքի համեմատ: Յիշեալ բոլոր բանւորներին տրւում է յանձնարարական գիւղի քեալանթարի և ծերերի կողմից, որը կոչւում է «Սարխաթ». և ի գօրու է մինչև մէկ տարի, այսինքն յաջորդ գարնան, սակայն լինում են նաև բեկանուսներ: Երկաթագործի վարձը գիւղատիրոջ հաշւին է:

ՏՆՏԵՍԱԿԱՆ ՎԻՃԱԿ

Ընդհանուր առմամբ Չհարմհալի հայ գիւղացիների վիճակը ողբերգական է, նա չունի բարեկեցիկ կեանք, չարքաշ է, մշտական հարստահարութեան, կողոպուտի մորեխի հասցրած վնասների, անասունների ժանտախտով մահանալու և հողից լաւ արդիւնք չստանալու հետեանքով միշտ աղքատ է ապրել: Այստեղ մի օրինակ տանք չհարմըհալահայ հարստ ընտանիքի սեփականութեան մասին և

1) Տնում թրւած հաց,

մէկ էլ աղքատի. Չհարմհալահայ հարուստն ունի 50—60 գլուխ ոչխար, 1—2 ձի, 2 գոյգ եզ, 3—4 կով, 5—6 էշ, 8—10 հաւ, 2—3 շրիբ այգի, 2—3 հաբբա հողագործութիւն, 3—400 ծառ, 6—7 գորգ, 10—12 լիտր պղնձեղէն, տարեկան 250—300 լիտր ցորենի շահ (տոկոս), 200—250 թուման դրամի տոկոս, հողագործութեան գործիքներ և շնչին զարդեղէն: Իսկ աղքատը մի երկու կտոր փալաս, կամ թաղիք և մի քանի մերկ երեխաներ, որոնց պահում է ամբողջ տարին կիսաքաղց դրութեան մէջ:

ՀԱՐՍԱՀԱՐՈՒԹԻՒՆ ԵՒ ԿՈՂՈՊՈՒՏ

Հարստահարութիւնից և կողոպուտից Չհարմհալի գիւղացին անմասն չի մնացել. տարի չի անցել, որ այս կամ այն գիւղի հօտը կամ նախիրը աւազակները քշած տարած չլինեն. այս կամ այն գիւղի պարիսպը գիշերով ծակած ու գողացած չլինեն ոչխար կամ ուրիշ անասուն, ամառ չի անցել, որ կալերից ու այգիներից շրջակայքի լօտերը և ուրիշ իլիաթներ¹⁾ խլած տարած չլինեն հայ գիւղացու քրտնաթոր աշխատանքը, երբեմն էլ նման դէպքերում մարդկային կորուստներ պատճառել:

Անպակաս է եղել նոյնպէս արբարների բեգառը²⁾. Ինչ բանի կարիք որ ունեցել է գիւղատէրը՝ պահանջել է գիւղացիներից, զանազան մարդիկ խանի կամ հուքումաթի անունը շահագործելով, կեղեքել են գիւղացիներին: Տես հարկերը էջ. —

Յիշատակում եմ միայն Մուշիգան գիւղի գիւղատիրոջ վերաբերմունքը հանդէպ նոյն գիւղի հայ բնակիչներին: Մօտ 50 տարի առաջ յիշեալ գիւղի հայ բանիչները այլևս չեն կարողանում տանել խանի անիրաւութիւններն ու անտեղի տանջանքները և վճռում են չել:

Լուրը հասնում է խանին, նա մարդ է ուղարկում և բռնագրաւում գիւղացիների բոլոր ունեցւածքը սակաւա-

1) Ցեղեր: 2) Ձրի աշխատեցնել:

թիւ ընտանիքներ կարողանում են գիշերով ճողոպրել տանելով իրենց հետ ունեցածի մի շնչին մասը:

ԱՐՏԱՀԱՆՈՒՄ ԵՒ ՆԵՐԱԾՈՒՄ

Չհարմհալի հայերը արտահանում և վաճառում են այն, ինչ որ իրենց տարեկան բերքից կամ այգիներից, տաւարից և ոչխարից գոյանում է. օրինակ՝ տարւայ ընթացքում նրանք կարողանում են վաճառել մի քանի հատ ոչխար ու գառ, գորգ, իւղ, պանիր, ալիւր, ցորեն, գարի և այլ հացահատիկներ:

Ներմուծում են թէյ, շաքար, բրինձ, կտորեղէն, նաւթ (քարիւղ), կօշիկ, գլխարկ, ծխախոտ և ուրիշ մանր-մունր բաներ:

Արտահանում և ներմուծումը կատարւում է խանութպանների ձեռքով, որոնք ներմուծած ապրանքը փոխանակում են գիւղացիների ապրանքի հետ, ապա հաւաքածը տանում քաղաք և վաճառում:

ՇԷՆՔԵՐ ԵՒ ՎԻՃԱԿԸ

Հակառակ այն բանին, որ հողը ձրի է եղել և ով ինչքան տարածութիւն ուզէր կարող էր ազատօրէն գործածէր, գիւղացիներն իրենց շէնքերը շինել են շատ նեղլիկ, ցածր, կողք-կողքի, ծուռ ու մուռ. փողոցներն անճարակ, ոլորապտոյտ և խորդ ու բորդ: Երկյարկանի տներ թիւը շատ է Չհարմհալում, մի քանի գիւղեր խոնաւութեան պատճառով, մի մասն էլ որպէս սովորութիւն, մի խօսքով տների կանոնաւորութիւն և միաձեւութիւն չկայ ամբողջ գաւառում: Կտուրները կից են իրարու, այնպէս որ շատ տեղեր կարելի է շրջել ամբողջ գիւղի կտուրները առանց իջնելու և բարձրանալու:

Տները շինւած են հողից (աղիւսով և ցեխով) ծեփ-

ւած յարդի խառն ցեխով. հին շէնքերն աւելի ցածրիկ ու պատերը հաստ են քան նորերը, պատերի հաստութիւնը միջին հաշուով մէկ մեթր է, իսկ բարձրութիւնը 3—4 մետր իւրաքանչիւր յարկը: Սովորաբար ստորին յարկը ծածկւած է գմբեթով և երկրորդը՝ փայտով: Գերանների վրայ ձողեր են շարում, ձողերի վրայ եղէգ (ղամիշ) եղեգի վրայ փռում են ձէնձոն, ապա ցեխով ծեփում:

Տները կարելի է հաշել 2—3 սենեակներից շինւած, — թոնրատուն, միջիտուն և օթաղ (հիւրասենեակ), պատուհաններից զուրկ են, մանաւանդ թոնրատունն ու մառանը, քայց երդիկներ ունեն, որպէս օդանցք և ծուխը դուրս գնալու համար:

Տների ներսի կողմը զանազան ձևերով է, բայց ամենասովորական ձևն այն է, որ քառակուսի են և պատերի մէջ շուրջանակի քաթա (փեթակաձև) է թողւած՝ ցորեն դարի և ուրիշ հացահատիկներ տեղաւորելու:

Տան մէջտեղումն է թոնիրը, որի վրայ կերակուր են եփում, թէյ պատրաստում, հաց թխում և ձմրանը քուրսի դնում վրան, հաւաքւում շուրջը, ոտքերը քուրսու տակ դնում՝ տաքանալու համար: Տան մի անկիւնում դարսում են ամանեղէնները, միւսում՝ «տեղերի շարչուն», որի վրա դարսում են տեղաշորեր = անկողիններ: Տների մեծ մասը սրահ չունեն:

Ամողջ Ձհարմհալի հայ գիւղերում կան կետեալ աղիւսաշէն շէնքերը. — Մամուռան գիւղի պարսպը, Լիվասիան գիւղի եկեղեցին և բոլոր գիւղերի բազնիսները:

Գոմերը մեծ մասամբ տների ստորին յարկն է, ուր պահում են ոչխար և միւս անասունները. գոմերի մէջ կան ջրհորեր 8—40 մետր խորութեամբ և կողքին մի փոքրիկ աւազան, անասունների ջուր տալու համար:

Մարազը կազմում է շէնքի մի մասը, որտեղ յարդ, սովզա (չոր խոտ) են պահում անասունների ձմեռւայ

պաշարի համար:

Տներից քչերը առանձին բակ ունեն մի մասն էլ հասարակ ցեխից կիսապարսպ ունեն, ոչխար կամ տաւարը հաւաքած պահելու: Ընդհանրապէս բակերը կարելի է բաց հաշել: Գարպասները հասարակ տախտակից դռներ են, կամ «չարչուբ» և ունեն փակ կամ փական:

ՏՆԱՅԻՆ ԻՐԵՐ

Ամենաշատ գործածականը տնային իրերի մէջ պղինձեղէնն է չհարմհալցի հայ գիւղացու մօտ. բոլորն էլ դրեթէ կրում են պարսկերէն անուն, որոնք են՝ մաջիմա (ափսէ), լանգառի, լագան, դագան (կաթսա), տապակ, քեթլի (թէյնիկ), դովրի (պնակ), շամչիկ կամ մաղալա (շերեփ), քաֆգիր (փրփրաքաղ), փիալա (զաւաթ), ջամ (զաւաթ), բադիա (մեծ գաւաթ), օվգերդան (մեծ շերեփ):

Պղնձեղէնից յետոյ փուածքն է՝ խալի, (գորգ), կարպետ, քաչա, կամ նամադ (թաղիք), դոշակ (ներքնակ), լհէբ (վերմակ), մաշտա, ջիջիմ և քաչած կարպետ. Յետոյ գալիս են միւս իրերը՝ խախալ, շադրար (մաղեր), մանդալ (կրակարան), մաղաշ (ունելի), սալակ (զամբիւղ), լովդա (քթոց), կարաս, կճուճ, տաշտ, կուժ, ջրի տիկ, (մորթուց է պատրաստւած), քուրսի, շարչու և այլն:

Հաց թխելու սարք. — սեզան տախտակ, վարդանա, բաթաթ, փոշաման, մեզար (սփռոց), սմավար (ինքնաեռ), փոչ (թէյնիկ), թասնալբաքի (թէյի բաժակ և պնակ), փայտէ և պղնձէ դդայներ, փիհսուզ¹⁾ (ձէթի ճրագ), կաւէ ճրագ, ճրագկալ (կաւից է շինւած), լամպա, սանդուղա (սնդուկ), դուֆլ (կողպէք), քշերք (կշիւ), քշերքի քարեր, լիտր, կէս լիտր. շարէք, կէս շարէք, թուխտ և դահանար, մսխալաքշերք (փոքրիկ պղնձէ, մանր բաներ

1) Ճարպավառ ճրագ:

կշռելու համար), մսխալաքարեր, դանակ. սիխ (շամփուր), մսխաթ, սղոց, ուրագ, դանդղկեան (շաքար կոտորղիկ), սանդ, ծեծիկ, գուշտ քու (միս ծեծողիկ), հողհանիկ (կեռ բահաձև, որով թոնրից մոխիր են հանում), խեճերկաթ (խաչերկաթ), ակիշ և այլն:

Գ Ո Ր Ծ Ի Ք Ն Ե Ր

Հողագործութեան համար Չհարմհալում գործ են անում հետևեալ գործիքները.— վեցկի (արօր), քարդվար (ածուներ կապելու գործիք), բահ, դագմա (բրիշ), լուծ, խոփ, փոկ (կաշուց ոլորած, որ արօրի ծայրը միացնում է լծին) և գործէոր:

Հունձի ժամանակ գործ են անում՝ մանգաղ, դաստխալա (գերանդաձև), բանա (թելից հիւսած ցանցաձև 3 փայտերով խուրձեր կրելու համար) և չւան:

Կալի մէջ գործ են անում՝ շամ (կալսելու գործիք, որը քաշում են եզնիբը), շամքաշ, շղթայից կամ փայտից, մաղ, շաղբար, խօռ կամ թաշա (թաղիքից հիւսած քսակներ), թօռ կամ ոսհ (ցանցաձև յարդ կրելու համար): Հուրսելի, դօղնդա (երկժանի), սեղնդա (եռածանի), բերանակալ (օղակաձև փայտ, կապում են եզի բերանը, որ շատ չուտի), գովուան (ձողիկ եզներ քշելու):

Տնային գործիքներն են՝ ջահրա (ճախարակ), քարման, իլիկ, քրքիտ(ատամնաւոր՝ գորգագործութեան համար), քարգահ ոլորքրիկ, մանլար (գորգագործութեան ձող, սիւն և այլն):

Կ Շ Ի Ռ Ե Ի Չ Ա Փ

Պարսկաստանում ամեն կողմ և ամեն գաւառ ծանօթ է և գործ է անում «ման»ը, կամ բաթմանը, որին հայերն ասում են լիտր: Մանը՝ 1280 մսխալի կամ 6 կի-

լօգրամի. կոտորակն է հետևեալ ձևը. Ա.— մէկ լիտր, 11-կէս լիտր, — 1,4 լիտր, կամ մէկ շարէք՝ 1,8 լիտր կամ կէս շարէք, 1,16 լիտր կամ մէկ թուխտ, — 1,32 լիտր կամ դահնար, — 1,64 լիտր կամ փեհնար, ապա հասնում է մսխալի հաշիւը. մէկ մսխալը պարսկական մէկ ուիայ արծաթ դրամի կշիռն էր, որը հաւասար էր 3 գրամի, դահնարը՝ 4 մսխալի:

Չհարմհալից լիտրի հաշիւը գրում են Այբ ու Բենի տառերի հաշուով, այսպէս Ա. հաւասար է մէկ լիտր, Բ.՝ երկու լիտր, Գ.՝ երեք լիտր և այլն:

Գրամական հաշիւները գրում են թւանշաններով 1, 2, 3, 4: Կա նաև Ղափան (դանթար) բեռներ կամ հակեր կշռելու համար և մսխալաքշեոք՝ մանր բաներ կշռելու համար:

Ամեն տուն կշեռք չունի, բայց ունի իր չափարանները. օրինակ տանտիկինը գիտէ իր պղնձեայ ամանների որ մէկը ինչքան ցորեն, գարի կամ այլ հացահատիկ է տեղաւորում, դրանով էլ չափում տալիս է իր յանախորդին:

«Չար» կամ «Գեազ» երկարութեան և կտորեղէնի չափն է. նոյնպէս ընդհանրացած է Չհարմհալում, ինչպէս նաև ամողջ Պարսկաստանում, որը հաւասար է մէկ մետր և ութ սանտիմետրի: Չափելու համար գործ են անում կիսագեազ կամ «Նիմգաբ», պատրաստում են փայտի ձողից կամ երկաթից. չունեցած պարագայում թղաչափ են անում կամ «գեազ անում»— քթի ծայրից՝ ուսի վրայով մինչև ձեռքի մատների ծայրը հաշւում են մէկ գեազ, իհարկէ նորմալ հասակ, իսկ արտերը կամ գետին չափելիս քայլաչափ են անում: Հեղուկներն ևս չափաբանով է:

Հ Ա Ղ Ո Ր Գ Ա Կ Յ Ո Ի Թ Ի Ի Ն

Չհարմհալը հաղորդակցութիւնից միանգամայն գուրկ

է եղել. ո՛չ պոստային սպասարկութիւն, ո՛չ հեռագիր, ո՛չ հեռախօս, այնպէս որ միանգամայն կտրւած է եղել արտաքին աշխարհից. նոյնիսկ մօտակայ բազմաթիւ: Մի անհրաժեշտ գործի համար գիւղացին պարտաւոր էր վարձել «ղասիդ» (սուրհանդակ) և ուղարկել քաղաք կամ այլ ուր՝ տանելու իր նամակը կամ պատգամը, այն էլ իհարկէ ոտքով. աւելի շտապ ժամանակներում՝ ձիով: Փոխադրութիւնն ամբողջովին կատարւում էր էջերով և ջորիներով: Իշապան կարաւանները Չհարմհալից իսպահան 9—10 օրում էին գնում և վերադառնում. մի խօսքով մի խուլ անկիւն էր ներկայացնում գաւառը. կտրւած ամեն ինչից, մանաւանդ ձմեռային եղանակին: Վերջին երեսնամեակում ինքնաշարժերը մուտք գործեցին գաւառը և փոքր ինչ բարելաւեց դրութիւնը. նմանապէս և հեռագիրը:

Այժմ բոլոր գաւառներում գոյութիւն ունի պոստ—հեռագիր:

ԼՈՒՍԱԻՈՐՈՒԹԻՒՆ ԵՒ ԿՐԹՈՒԹԻՒՆ

Լուսաւորութեան և կրթութեան տեսակէտից դարձեալ զուրկ է եղել Չհարմհալը, կանոնաւոր դպրոց, մտաւորականութիւն, ղեկավար մարմիններ, կրթական միութիւններ և այլ հարկաւոր ու անհրաժեշտ միջոցներ չի ունեցել. ժամանակի կառավարութիւնն էլ այդ ուղղութեամբ բոլորովին անտարբեր է եղել: Ոչ մի լրագիր, կամ թերթ չեն ստացել հայ գաւառացիները մինչև 1918—19 թւականները: Առաջին հայ լրագիրը ստացել է Չհարմհալում 1920 թ., դա էր Թեհրանում լոյս տեսնող «Առաւօտ» թերթը, այն էլ Հ. Յ. Գաշնակցութեան խիստ պայքարի օրերին: Այնուհետև շարունակել է և գրեթէ կանոնաւոր կերպով՝ գանազան նւիրատուների կողմից, կամ ուղղակի բաժանորդագրութեամբ: Այժմ չհարմհալցի ընթերցասէրներից շատերը բաժանորդ են «Արիք» և մի

քանի իրանեան ու արտասահմանեան հայ թերթերի: Բացի այս, ստանում են երկու օրինակ Ֆարսերէն թերթեր: Վերջին քսանհինգ ամեակի ընթացքում մեծ յառաջադիմութիւն ունեցաւ Չհարմհալի երիտասարդութիւնը՝ շնորհիւ իր ընթերցասիրութեան: Կրթասէր ժողովուրդ է նա, եթէ հնարաւորութիւն ունենայ, գոհաբերող է՝ եթէ միջոց ունենայ:

ՄՏԱԻՈՐԱԿԱՆՆԵՐ ԵՒ ՀՈԳԵՒՈՐԱԿԱՆՆԵՐ

Չհարմհալի մտաւորական ոյժը կազմւած է եղել ժամանակակից հոգևորականներից, որոնք ձմեռային եղանակին հաւաքւում էին իրենց շուրջ մի քանի երեսխաներ ու դաստիարակում, սովորեցնելով նրանց ժամագիրք, սաղմոս, ս. գիրք նարեկ և յայսմաւուրք, ուրիշ խօսքով ուղղակի խալիֆայական մեթոդով: Շուրջ 300 տարի չըհարմհալաբնակ հայերը բաւականացել են այս տեսակով:

Քսաներթող դարի սկզբներին հիմնւել են երեք-չորս դպրոցական շէնքեր, որոնց մասին յետագայ էջերում կանդրադառնանք: Անշուշտ դպրոցների հիմնւելուց յետոյ, դաւառ են ուղարկւել ուսուցիչներ և փոքր ի շատէ կանոնաւորել է դասաւանդութիւնը:

1904—5 ուսումնական տարւայ նշանաւոր ուսուցիչներից այստեղ յիշատակենք Սարգիս Յովհաննիսեանը՝ «Սարգիս վարժապետ», որի օգնականն էր օր. Սաչխաթուն էլիասեանը. նանք առաջին անգամ Լիվասիան գիւղի նորակառոյց «Պոպովեան» դպրոցի դռները բանում են հայ մանուկների առաջ: Պարոնք, ըստ պատմութեան, Հայաստանից էր եկել ամբողջ գաւառի ժողովուրդը այսօր էլ գովասանքով է խօսում նրա թափած ջանքերի մասին, նա բացի ուսուցչական պաշտօնը, պատրաստել է տւել դպրոցի համար մի ընդարձակ ծառաստան. ժամանակ առ ժամանակ շրջել է գաւառի հայ գիւղերը, դասախօսու-



Բժ. Կարօ Մինասեանը եւ ծնողները
1925 թ.



Մանասէր Տէր-Սարգսեան եւ ընտանիք
1933 թ.

Թիւններ ունեցել ու լուսաւորել ժողովուրդին: Հիմնել էր նաև մի գրադարան «Պոպովեան» դպրոցին կից մի սենեակում և բաւականաչափ գրքեր հաւաքել ու դասաւորել. գրքերի ու պարբերականների մեծ մասը իր նւիրածն էր, որոնք մինչև 1946 թւականը պահոււմ էին տակաւին գիւղի հոգաբարձուների մօտ. յայտնի չէ նրանց հայրենիք վերադառնալուց յետոյ ինչ եղան, կամ ուր թողեցին: Գրքերից շատերի վրայ գրւած էր՝ «Նւէր Լիվասիան գիւղի գրադարանին Ս. Յովհաննիսեանից»:

Առաջին ներկայացումը Չհարմհալում կազմակերպել են վերոյիշեալ պ. Սարգիսը և օր. Սաչխաթունը Լիվասիան գիւղում:

Այնուհետև, քիչ տարիների բացառութեամբ, շարունակ ուսուցիչ կամ ուսուցչուհիներ են ուղարկւել Չհարմհալի նորաբաց դպրոցների համար՝ Նոր-Չուղայի Համայնական Սորհրդի կարգադրութեամբ, կամ ուղղակի գիւղացիների միջոցներով, երբեմն էլ գիւղերի առաջադէմ աշակերտներից են նշանակել:

Գաւառում կրթութիւն առած ուսուցիչներից յիշատակենք. — պ. Մանասէր Տէր-Սարգսեան, որի մահւան առթիւ «Ալիք» Օրաթերթի 1934 թ. 25 Հոկտեմբերի համարում գրւած էր. — «...Նա գաւառի կրթւած, խելօք, խոհեմ, ազնիւ, հասկացող և յարգւած մարդն էր. Չհարմհալը — հայ և պարսիկ նրան կոչում էր «Չհարմհալի փիլիսոփայ»... Երկու տարի շարունակ յաճախում է Լիվասիան գիւղի «Պոպովեան» դպրոցը և դաստիարակելով ժամանակի նշանաւոր ուսուցիչ Սարգիս Յովհաննիսեանի մօտ, որին համարում էր իր փրկարար հրեշտակը և զարթօնքի ոգին... Ուսուցչութիւն է արել Աղբուլաղի ազգային գըլրոցում տարիներ շարունակ... Չհարմհալի բոլոր գիւղերի ծանրակշիռ և բարդ խնդիրներում ու վէճերում միակ խորհրդատուն էր... Ընկեր Մանասէրի, գիւղի այդ շնոր-

հալի մտաւորականի մահը մեծ և անփոխարինելի կորուստ է դիւզացիութեան համար, որ առանց այն էլ աղքատ է մտաւորական ոյժերով:

Այստեղ նշենք մի քանի ուրիշներ ևս. Պ. Կարապետ Մանսուրեան (նկարը Չ. Գ. Հայ դպրոցների բաժնում): Պ. Մարտիրոս Յարութիւնեան, պ. Օհան Մարգարեան, պ. Աբրահամ Ղարախանեան, պ. Սիմէօն Աւետիսյան, հանգ. Գր. Վէրդեան և ուրիշներ, որոնք տարիներով պաշտօնավարել են դիւզական դպրոցներում:

Վերջին յիսնամեակում Չհարմհալի դպրոցներում պաշտօնավարել են գաւառում կրթւած մի քանի տասնեակ երիտասարդներ, որոնք ամեն ջանք գործ են դրել և զարկ տւել գաւառի լուսաւորման և զարգացման գործին՝ նիւթական սուղ պայմանների տակ, մի շնչին ոռճիկով, երբեմն էլ գրեթէ ձրիաբար:

Հոգևորականութեան թիւը միշտ անպակաս է եղել Չհարմհալում իւրաքանչիւր դիւզ ունեցել է 1—2 երբեմն էլ 3 քահանաներ. 1944 թ. գաւառի ինն դիւզերում կային 10 քահանայ և մէկ վարդապետ:

Ը Մ Բ Ի Շ Ն Ե Ր

Չ գաւառում եղել են մի քանի ուժեղ անձնաւորութիւններ, որպէս բմբիշներ նշենք մի երկուսին:—

Քօնարք դիւզից պ. Մինաս Զօլէլեան. Սարում երեք հոգի գողեր յարձակւում են սրա վրայ հրացաններով: Մինասը հանգիստ կանգնում է մինչև 3 գողերը մօտենում են իրեն, ապա յարձակւում է երեքին էլ բռնում, հրացանները կապում բազուկներին և բերում իր դիւզը (որպէս ամօթանք): գողերից մէկի քոյրը լսում է և մի բեռ արմաւ նւէր է բերում Մինասի համար և զովաբանում: Մէկ բեռ ցորեն մէկ մաջմայի (մեծ ափսէ) մէջ մէկ ձեռքով բարձրացնում է: Մասջիդ-Սուլէյմանում հնդիկ

բմբիշի հետ մրցում է և մրցանակը շահում:

Մանասէր Զոհրաբեան, մամուքայեցի:— Մանասէրը ցորեն է տանում Գեահրի դիւզը, պարսիկի ջրաղացում աղալու. հերթ չեն տալիս, սա էլ ջրաղացի քարը բարձրացնում է և դուրս տանում ջրաղացից. ասում է «ով ներս բերի՝ առաջ նա իր բեռն աղա». ոչ ոք չի կարողանում, ուստի նա կրկին ներս է բերում և աղում իր բեռը:

Երկաթէ հաստ ձողը ձեռքով ծալում է: Բահը չոր գետնի միջ է խփում ձեռքով, որը բաւականի խրում է հողի մէջ:

Եղել է նաև Գէորգ Բաշառեան՝ Սիբաք դիւզից և ուրիշներ:

Աղանուր Յարութիւնեան (Բէյրի), Մամուքա դիւզից, կոփամարտ, որը թէ Հնդկաստանում, թէ Անգլիայում և թէ Պարսկաստանում միշտ առաջինն է հանդիսացնլ և պարզևատուել. եղել է յիշեալ երկրների և ամբողջ հեռաւոր Արևելքի կոփամարտի ախոյեան:

ԱԶԳԱՅԻՆ ՀԱՍՏԱՏՈՒԹԻՒՆՆԵՐ

1945 - 46 թւականներին տակաւին Չհարմհալի հայ դիւզերում գոյութիւն ունէին 9 դպրոցական շէնքեր, 9 եկեղեցի, 9 բազնիս, 11 ջրաղաց և մի բժշկակայան: Բազնիսների, ջրաղացների և եկեղեցիների մասին տեսնել դիւզերի շարքին, իսկ դպրոցները և բժշկակայանը ստորև:

ՉՀԱՐՄՀԱԼ ԳԱՒԱՌԻ ՀԱՅ ԳՊՐՈՅՆԵՐԸ

Չհարմհալ գաւառի հայ դիւզերի հիմնարկութեան օրից 1608—10 թ. սկսած, ամբողջ 300 տարի դպրոցական շէնք գոյութիւն չի ունեցել գաւառում և հայ ժողո-



1914 — 15 թ. Մամուլի գիւղի դպրոցը

վուրդը բաւականացել է իւրաքանչիւր գիւղի համար ունենալ մի երկու տիրացու-քահանայացուներ, որոնք սովորելիս են եղել իրենց գիւղի քահանայ-ուսուցիչների մօտ, վարժելով միայն եկեղեցական փոխասացութիւն և ընթերցւածք ու երգեր, և այդպիսով պահել են Մեսրոպեան պնակիտից բոլոր մշակոյթը: Շատ ուշ ժամանակներում, երբ պահանջը զգալի է դառնում, մասնաւոր անձինք սկսում են սովորել նաև ֆարսերէն գրել-կարդալը պարսիկ մօլլաների մօտ: Շուրջ 50 տարի առաջ Ձհարմրալի հայ գիւղերում եղել են 6—7 հոգի ֆարսերէն կարդացողներ, որոնք ժողովրդի սիրելիներն ու երևելի անհատներն են համարել գաւառում: Չմոռանանք յիշատակել, որ սրանք այն անհատներն են, որոնց համար ֆարսերէն գրել-կարդալը անհրաժեշտութիւն էր կազմում. օրինակ, ժամանակակից քեալանթարների (տանուտէրերի)



Աղբուլաղ գիւղի դպրոցը 1924 թ.

գաւակները, երբ հայրը յաճախ գործ ունէր գիւղատէրերի, գաւառապետների և իրանցի այլ պաշտօնեաների հետ, ստիպւած էր որդուն ֆարսերէն սովորեցնել. սակայն այս պարագան ապարդիւն չի անցնում, շարժւում է գիւղացիների նախանձը և շատերը հետեւում են նրանց օրինակին: Այսպիսով օր աւուր գաւառում աճում է ֆարսերէն սովորողների թիւը: Պէտք է յիշել, որ պարսիկ համագաւառացի տգէտ մարդկանցից հալածւում են հայ պարսկագէտները, այն առարկութեամբ, թէ ինչու այլակրօն մի ազգ պէտք է բերան առնի իրենց լեզուն և գիրը:

Նման ըմբռնումով Ահմադաբադ գիւղի տանուտիրոջ որդուն՝ պատանի Յովսէփին սպանում են հարեան գիւղացի պարսիկները մօտ 50 տարի առաջ և ձգում յիշեալ գիւղին կից ջրհորի մէջ: Նրան հազիւ 5—6 օրց յետոյ գտնում են, հանում դուրս և ամփոփում: Սակայն այս ու նման արգելքներն ու հալածանքները չեն կասեցնում գործը. գաւառի ուսումնաժարաւ հայ ժողովուրդը գնալով աւելի ուժեղ թափով է ընդառաջում գէպի լուսաւորութիւնն ու զարգացումը: Ահա այսպիսով, ընկնելով ու բարձրանալով, Չհարմհալի հայ ժողովուրդը հասնում է մինչև գաւառում կանոնաւոր դպրոցական շէնք ունենալու աստիճանին:

1904—5 թւականներին Չհարմհալում հիմնւում են առաջին հայ դպրոցները. — Լիվասիան գիւղում՝ «Պոպովեան» դպրոցը, Վերին-Քոնարքում՝ «Վաչեան», Սիրաքում՝ «Հայրիկեան» և Մամուքայում՝ «Պօղոս Բալասանեան»: Անտարակոյս գաւառում դպրոցներ հիմնելուց յետոյ, ուղարկւում են ուսուցիչ-ուսուցչուհիներ և սկսւում է որոշ չափով կանոնաւոր պարապմունք: Մինչև դպրոցների հիմնւելը Չհարմհալում իգական սեռը բոլորովին դուրկ է մնացել գրել-կարդալ սովորելուց:

Գաւառում դպրոցներ հիմնելը և ուսուցիչ-ուսուցչուհիներ ու-

ղարկելը Նոր-Չուղայի Առաջնորդարանի կարգադրութեամբ է եղել մինչև շուրջ քառասուն տարի սրանից առաջ. իսկ դրանից յետոյ՝ գաւառացիների և համանուն գաւառի «Ուսումնասիրաց» Միութեան ջանքերով է կառավարել:

Նոր-Չուղայում տպագրւած եկեղ. օրացոյցի յաւելւածում կայ ներքոյ գրւած յիշատակութիւնը Չ. գաւառի հայ դպրոցների վերաբերեալ. —

Սիրաք	գիւղ «Հայրիկեան»	դպրոց	2	ուսուցիչ-ուսուցչուհի
Մամուքա	» «Պօղոս Բալասանեան»	2	»	
Լիվասիան	» «Պոպովեան»	դպրոց	2	»
Քօնարք	» «Վաչեան»		1	»

Վերոյիշեալ չորս գիւղերի դպրոցների կառուցումը օրինակ է հանդիսանում միւս գիւղերին և գիւղացիները իրենց սուղ միջոցներով կառուցում են մի-մի փոքրիկ դպրոցական շէնք իւրաքանչիւր գիւղում. Սրանցով Չհարմհալն ունենում է ինն դպրոցական շէնքեր և աստիճանաբար կանոնաւորւում է դասաւանդութիւնը: 1945 թւին այցելեցի ծննդավայրս՝ Չհարմհալ, այդ ուսումնական տարում գաւառի ինն դպրոցներում կային 15 ուսուցիչ-ուսուցչուհիներ ու օգնականներ, դպրոցներում կար 400 աշակերտ-ուսուցիչներ՝ ներքոյ գրւած ցուցակի համաձայն: Դասաւանդում էին Հայ լեզուն, ֆարսերէն, թւարանութիւն, աշխարհագրութիւն, հայոց պատմութիւն, կրօն և այլ առարկաներ: Տեղն է արձանագրելու, որ Չհարմհալ գաւառի խղճուկ դպրոցների առաջագէտ աշակերտներից շատերը գիւղի դպրոցն աւարտելուց յետոյ, անցել են Նոր-Չուղայի կամ որևէ ուրիշ քաղաքի դպրոց և շարունակել իրենց կրթութիւնը ու ձեռք բերել փայլուն ապագայ և անուն:

Հանգուցեալ Մանասէր Տէր-Սարգսեանի նամակի
հատւածը. — Աղբուլաղ 1 — 12 — 33 թ.

... Ինչ վերաբերում է գիւղիս դպրոցի բացելուն, շատ երկար պատմութիւն ունի, գրեթէ եթէ գործը մնայ հասարակութեան՝ չի կարող պատահի, որ համաձայնութեան գան և մի բան մտածեն: Մեր կարծիքով, մի քանի անդամներս շատ ջիջ ու ջանք ենք թափում այդ առթիւ. կազմում ենք մի միութիւն «Դպրոցասէր» անունն ենք տալիս, բայց ինչքան աշխատում ենք, բացի ուրիշներին նպաստ խնդրելը՝ մեզանից ոչինչ չի գոյանում:

Առաջին պատեհութեամբ մի դիմում գրում ենք պ. Յ. Մաղաթին, Կալկաթա և նրա միջոցով ուրիշ հաստատութիւններին. մինչև օրո ոչ մերժում ենք ստացել և ոչ էլ համակրանք, միայն ըստ ասութեան մեր Մարտիրոս Տէր Մարտիրոսեանի և Տէր Յովակիմ Բարսեղեանի, որ պարոնը միտք ունէր մի բան տալու: Էդպէս մի բան և մենք տեսնում ենք որ ուշանում է, կամ անպատասխան մնում. երեք դիմում ևս գրում ենք երեք պարոնների, առաջինը պ. Դաւիթ Գաւթեան, Թեհրանի դպրոցին 150 հազար ուսկի տուգը, երկրորդը՝ պ. Կրէտը և երրորդը՝ պ. Յ. Յարութիւնեանը չհարմակցի. հիմա տեսնենք ինչ հետեանք է ունենում:

Որոշած էր Կալկաթայի Կրթասիրածի կողմից Տէր Յ. Բարսեղեանը գիւղերը անցնէր ու չեկաւ. չգիտեմ ինչ եղաւ:

Երկար երկար գրէ, ջանիկս, ես էլ պատրաստ եմ երկուտակ պատասխանելու:

Քո՛ Մ. Տէր-Սարգսեան

ՄԱՆՕԹ. = Հնդկաստանից ոչ մի նպաստ չստացւեց
Չհարմակի դպրոցների համար: Ա. քահ

ՎԻՃԱԿԱՅՈՅՑ ԶՀԱՐՄՀԱԼ ԳԱՒԱՌԻ 1944 — 45
ՌԻՍՈՒՄՆԱԿԱՆ ՏԱՐԻԱՅ ՀԱՅ ԳՊՐՈՅՆԵՐԻ

Գիւղ	Ուսուցիչ-ուհի	Բաժանմունք	Աշակ-ուհի
Սիրաք	2	Գ.	45
Հաջիարաղ	2	Ե.	104
Մամուքա	3	Ե.	90
Աղբուլաղ	1	Գ.	35
Սինաղան	2	Ե.	52
Մամուռան	1	Գ.	35
Լիվասիան	2	Գ.	49
Ներքին-Քոնրաք	1	Ե.	32
Վերին-Քոնարք	1	Ե.	38
15			480

1946 թ. Մայր Հայրենիք ներգաղթեց Չհարմակ գաւառի վեց գիւղերի հայ ժողովուրդը, մնացին միայն 3 գիւղեր, հետեւաբար սոյն յաջորդ 1946 — 47 ուս. տարում բաց են եղել միայն 3 դպրոցներ՝ Սիրաք, Հաջիարաղ և Մամուքա գիւղերում:

1947 — 48 ուսումն. տարւոյ վիճակացոյցը

Գիւղ	Ուսուցիչ-ուհի	Բաժանմունք	Աշակերտ-ուհի
Մամուքա	3	Չ.	120
Հաջիարաղ	2	Չ.	80
Սիրաք	2	Գ.	60
7			260

1950 թւականի վիճակացոյցը

Մամուքա	3		85
Հաջիարաղ	1		50
Սիրաք	1		32
5			167

1951 թվականի վիճակագրոյցը

Գիւղի անուն	Աշակերտ-ուհի	Ուսուցիչ-ուհի
Մամուքա	85	3
Հաջիարադ	36	1
Սիրաք	40	1
	<hr/> 160	5

«Ալիփ» 1952 թ. 30 նոյեմբերի սպագրամ

Գիւղի անուն	Շունչ	Աշակերտ-ուհի
Մամուքա	372	85
Հաջիարադ	170	36
Սիրաք	146	36

1953

Մամուքա	375	79
Սիրաք	143	44
Հաջիարադ	175	48

1960

Մամուքա	156	72
Հաջիարադ	60	18
Սիրաք	71	9

ՉՀԱՐՄԱԿԱՆ ԳԱԻԱՌԻ ՀԱՅ ԳՊՐՈՑՆԵՐԻ
ՀԱՄԱՌՈՏ ՊԱՏՄՈՒԹԻՒՆԸ

1. «Պոպովեան» դպրոցը.

1904 թվականին Իրանա-Հնդկաստանի հայոց թեմի առաջնորդական փոխանորդ՝ Տ. Բագրատ Վարդապետ Վարդապարեանի հրահանգով Լիվախի գիւղում հիմնուում է «Պոպովեան» դպրոցը: Պոպովեանը մի ուսանալու բարերար, հոգում է դպրոցի շինութեան ծաղիքը և նրա գոյու-

թիւնն ապահովելու նպատակով՝ այս դպրոցի անւամբ մի որոշ գումար գնում է ժամանակի յայտնի առևտրական թումանեան Տան մօտ. ապագայ տարիների ուսուցչի ու ճիկի և այլ ծախսերի համար: Նա նւիրում է դպրոցին սեղաններ, աթոռներ, նստարաններ և մանկապարտէզի համար հարկաւոր իրեր: Մի խօսքով բաւական յարմար կահաւորում է ունենում դպրոցը և նիւթականով ապահով. սակայն թումանեան Տան անանկանալուց յետոյ՝ յիշեալ դրամից մի շնչին բաժին է հասնում «Պոպովեան» դպրոցին: Այդ գումարով Նոր-Չուղայի Առաջնորդարանի կարգադրութեամբ Փերիա գաւառում գնում են մի փոքրիկ հողամաս, որի հասոյթը, վերջին տարիների արժէքով 200—300 թուման, վճարում էր այս դպրոցին:

«Պոպովեան» դպրոցը ամենագեղեցիկն էր Չհարմհալում, կառուցւած գիւղի հարաւային կողմում, գիւղից փոքր ինչ հեռու: Շէնքի ճակատը աղիւսաշէն էր, փայտածածկ, ունէր չորս դասարաններ, մէկ սենեակ որպէս գրադարան, բեմ, դահլիճ և փայտանոց. ունէր նաև ցանկապատ, ընդարձակ ծառաստան և այլ յարմարութիւններ: Դպրոցի շինութեան ժամանակ գիւղի բնակչութիւնն իր մասնակցութիւնն է ունեցել. տեղ է բանւոր, փայտ, յարդ և ուրիշ պիտոյքներ: Գիւղի ծերունիներից մէկը այսպէս էր պատմում.— Խաչիկն էր այս շէնքի ուստէն, վարձը վանքից էին տալիս, բայց մենք էլ օրական դանդը երկու բանւոր էինք տալիս, երիտասարդներս էլ հասնում և օգնում էինք առանց հերթի սպասելու»:

Չհարմհալ գաւառում հիմնւելիք դպրոցների, ինչպէս նաև սոյն «Պոպովեան» դպրոցի խնամատարութեան գործը ստանձնած է եղել գաւառի հոգևոր այցելու հովիւ՝ Տ. Եղնիկ Վարդապետը: Դպրոցի շինութիւնն աւարտելուց յետոյ մնում է լիւստիանցիների հոգատարութեան ու խնամքին: Բայց հէնց առաջին տարւանից, բացառութեամբ

մի քանի տարիներ, Նոր-Ջուզայի Առաջնորդարանի կողմից նշանակել են ուսուցիչ-ուհիներ և ուղարկել գիւղ: Լիվաոիան գիւղի բնակիչներն այժմս էլ գովեստով են խօսում իրենց առաջին տարւայ ուսուցիչ «Հայաստանցի Սարգիս վարժապետի և Սաչխաթուն վարժուհու» տարած աշխատանքների մասին: Բացի ուսուցչութիւնը, նրանք եղել են Չհարմհալ դաւառի թատրոնի հիմնադիրը: Առաջին անգամ ներկայացում կազմակերպելով՝ հիացմունք են պատճառել դաւառի հայ ժողովրդին: (Գծբախտարար չկարողացանք ստուգել թէ առաջին անգամ ինչ է բեմադրուել Չհարմհալում):

«Պոպովեան» դպրոցը ունեցել է մի ճոխ գրադարան, ժամանակի պահանջների համեմատ, որի գրքերի ու պարբերականներից շատերի վրայ մակագրւած է՝ «Նւէր Լիվաոիան գիւղի դպրոցի գրադարանին, Ս. Յովհաննիսեանից»: Այս բալորով հանդերձ, ցաւ ի սիրտ, պիտի ասել, որ գիւղի ժողովուրդը միանգամայն անտարբեր էր մնացել դէպի իր դպրոցն ու գրադարանը: հարկ եղած խնամք չէր տարել, որի հետևանքով դպրոցի շէնքը խաբխուել ու դժբաղարանի գրքերից մեծ մասը կորել էին, իսկ մնացածն էլ մի անկիւնում թափւած մնացել էր փոշու տակ: 1945 թ. այս գրադարանն ունէր միայն 150 հատոր գիրք քոլորն էլ ոչ լաւ վիճակում: Գիւղացիների Մայր Հայրենիք վերադառնալուց յետոյ (1946 թ.), չգիտենք ինչ եղան այս և միւս գիւղերի գրադարանների գրքերը: որոշ անհատներ իրենց մօտ ունեցածը, մեզ հասած տեղեկութեան համաձայն, թաղել են իրենց գիւղի գերեզմանատնում:

2. «Վաչեան» դպրոց.

Նոյն 1904—5 թւականներին է հիմնւում նաև վերին-Քոնրաք գիւղի «Վաչեան» դպրոցը: Գլխաւոր նւիրատուի՝ բազումբնակ հանգ. Աստուածատուր Վաչեանի տիկ-

նոջ՝ Մարիամ Վաչեանի յիշատակին, դարձեալ Նոր-Ջուզայի Առաջնորդական փոխանորդ Տ. Բագրատ Վարդապետի հրահանգով:

Այս դպրոցը կառուցւած է գիւղի ամենայարմար վայրում, մի սառնորակ աղբիւրի մօտ, շրջապատւած է պարիսպով, որի ներսից ու դրսից գարդարւած սաղարթախիտ ծառերով ու կանաչութեամբ: Ունի 4 դասարան, մէկ դահլիճ, մի փոքրիկ բեմ և խաղավայր: Այս գիւղի բնակիչներն ևս օգնել են դպրոցի շինութեան ժամանակ. սպա խնամքով պահել-պահպանել էին այս փոքրիկ հաստատութիւնը մինչև 1946 թ. երբ հրամեշտ աւին թէ՛ գիւղին և թէ՛ դպրոցին ու մեկնեցին հայրենիք:

«Վաչեան» դպրոցը շուրջ կէս դար, տարեկան 100 աշակերտ-ուհիներ, դաստիարակութեան ու լուսաւորութեան կենտրոնն է հանդիսացել: Այս դպրոցն ունէր մի փոքրիկ գրադարան, սակայն միանգամայն անխնամ վիճակում, կամ աւելի ճիշտ՝ ընտիր գրքերը գիւղացիներից մի քանիսի սեփականութիւնն էր դարձել: Առաջին անգամ բեմադրուել է «Փշուր մը խաց»ը և «Պաշտօնս է խոճփալ»:

3. «Հայրիկեան» դպրոց

Երրորդ տեղը գրաւում է Սիրաք գիւղի «Հայրիկեան» դպրոցը: Ըստ նոյն գիւղի բնակչութեան ասութեան, հիմնւել է 1908 թ. երջանկայիշատակ Սրիմեան Հայրիկի յիշատակին: Գրամագլխի չգոյութեան պատճառով, Բագրատ Վարդապետը հրահանգում է մի հանգանակութիւն կատարել և գոյացած դրամով Սիրաք գիւղում կառուցել մի դպրոց: Հանգանակութեան գլխաւոր օժանդակողները լինում են Նոր-Ջուզայի եկեղեցական վարչութիւնները, որոնց վճարած դրամով հնարաւոր է լինում հիմնել այս դպրոցը: Փոքրիկ, բայց գեղեցիկ շէնք է բաղկացած երեք

սենեակներին, գիւղի հարաւային կողմում. ունի փոքրիկ բակ, սակայն աշակերտութեան համար հնարաւոր է բակին դուրս դպրոցին կից բաց տարածութեան վրայ ևս խաղալ: Ամառային սեզոնին յիշեալ բակը ծառայում է որպէս սրահ ներկայացումների համար, իսկ շէնքի փոքրիկ սրահը՝ որպէս բեմ:

Այս շէնքից միայն մի պահարան է յատկացրած գրադարանին, որտեղ պահւում է մօտ 100 կտոր գիրք բաւական խնամքով: Դպրոցի շէնքը իր փոքրութեամբ ու գեղեցկութեամբ հանդերձ՝ մի տխուր պատկեր է ներկայացնում. բոլորովին խարխուլ, ապակիները կտրատւած ե առաստաղը ծակոտւած: Յաւալի այս վիճակը, անշուշտ, հետեանք է գիւղի բնակիչների անհոգութեան:

4. «Պօղոս Բալասանեան» դպրոց

Մամուքա գիւղի «Պօղոս Բալասանեան» դպրոցը նոյնպէս կառուցւում է հանգանակութեամբ, որին իր լայն մասնակցութիւնն է բերում Նոր-Ձուղայի բնակիչ Պ. Բալասանեանը: Այդ դպրոցը գտնւում է յիշեալ գիւղի հիւսիսային կողմում, հիմնւել է 1907—8 թւականին: Ունէր վեց դասարաններ, բեմ, սրահ, ուսուցչի բնակարան և այլ յարմարութիւններ. առջևում էլ մի փոքրիկ պարտէզ: Մասամբ շէնքի մեծութեան և մասամբ էլ գիւղի ժողովրդի անտարբերութեան հետեանքով՝ այս շէնքը երկար չի մնում, հագիւ 20 տարի է պահպանում իր գոյութիւնը, բայց շարունակ ունենում է իր ուսուցիչ-ուսուցչուհիները և տարեկան 100—120 աշակերտ-ուհիներ: Ամենավաստակաւոր ուսուցիչն է եղել նոր-Ձուղայեցի հանգուցեալ Մկրտիչ Ձոհրաբեանը:

Դասաւանդութիւնն այս դպրոցում հնարաւոր է լինում մինչև 1926—27 թ, որից յետոյ շէնքը բոլորովին աւերակ է դառնում և գիւղի ժողովուրդը ստիպւած է լի-

նում մի նոր դպրոցական շէնք կառուցելու:

Գիւղում գոյութիւն ունեցող երեք միութիւնները՝ «Արշալոյս», «Դարաւածոր» և «Ասլան» միացեալ ոյժերով 1929 թ հիմնում են մի նոր դպրոց իրենց գիւղի համար, այս անգամ գիւղի հարաւային կողմում և աւելի գեղեցիկ մի վայրում:

Նորակառոյց դպրոցն ունի վեց դասարաններ, մի դահլիճ բաւական կոկիկ փոքրիկ բեմով, յատակն ամբողջապէս աղիւսապատ է և շէնքի ներսը գեաճած: Մամուքայի դպրոցի այս շէնքը բաւական լաւ խնամքով է պահւած: Յաճախում են 20—30 աշակերտ-ուհիներ: Ունի 70—90 կտոր ընթերցանութեան գրքեր:

5. Հաջիաբադ գիւղի Հայոց ազգ. դպրոց

Այս երեք դասարաններով փոքրիկ դպրոցը գիւղէ եկեղեցուն կից մի շէնք է. հիմնւել է 1922 թ. գիւղացիների ծախսով և մասամբ գիւղատէր Մանուչէր խան Բախտիարիի օժանդակութեամբ. նա տալ է դպրոցին նաև մի քանի գոյգ դռներ, սեղաններ, աթոռներ և այլն: Բացի այդ, դպրոցի մատեանում արձանագրել է տարեկան 500 ուխտ նպաստ, մի քանի տարի յետոյ՝ աւելացրել է այս գումարի վրայ կրկին 500 ուխտ և կանոնաւոր վճարել է դպրոցին:

Մանուչէր խանը տեսնելով իր հողագործների երեսխաների յառաջադիմութիւնը թէ հայերէն և թէ ֆարսերէն լեզուների մէջ, պատւիրում է գիւղի բնակիչներին կառուցել մի նոր և ընդարձակ դպրոցական շէնք. ընտրում է յարմար տեղ. պատրաստել է տալիս յատկապէս և 20,000 ուխտ աւանդ է թողնում տանուտիրոջ մօտ, որպէսզի յաջորդ գարնանից սկսւի դպրոցի շինութիւնը, բայց գիւղի ժողովրդի անտարբերութեան հետեանքով, երկար ժամանակ ձգձգւում է խնդիրը ու մնում անգործա-

դրելի, մինչև վրայ է հասնում ներգաղթի տարին՝ 1946 թ., երբ Չհարմհալի վեց գիւղերը մեկնեցին Մայր Հայնիք: Մանուշեր խանը յետ է ստանում իր դրամը, որով փակում է նոր դպրոց շինելու խնդիրը:

Հաջիարադի դպրոցն ունէր 80—90 աշակերտ-ուսիներ և 60 կտոր գրքեր: Հաջիարագ, Մամուքա և Սիրաք գիւղերի դպրոցներում նորոգութիւններ է կատարել Չ. Հ. Գ. Ուսումնական Միութիւնը 1954 թւին:

6. Սինագան գիւղի Հայոց ազգ. դպրոց

Կառուցւած է 1927 թ. ունեցել է երեք դասարաններ, փոքրիկ սրահ ու բեմ: Յաճախում էին 45—50 աշակերտ-ուսիներ:

7. Աղբուլաղ գիւղի Հայոց ազգ. դպրոց

Կառուցւած է 1925 թ., ունեցել է երեք դասարաններ և փոքրիկ բեմ: Յաճախում էին 35—40 աշակերտ-ուսիներ:

8. Նեբին Քոնար գիւղի Հայոց ազգ. դպրոց

Կառուցւած է 1924 թ., ունեցել է միայն երկու դասարաններ: Յաճախում էին 35—40 աշակերտ-ուսիներ:

9. Մամուռան գիւղի Հայոց ազգ. դպրոց

Այս գիւղի «Սարգարազա» կոչւած երկու սենեակները ծառայել են որպէս դպրոց, ուր յաճախել են 30—40 աշակերտ-ուսիներ:

ՀԻՒԱՆԳՈՒԹՅՈՒՆ ԵՒ ԲԺՇԿՈՒԹՅՈՒՆ

Մինչև 19-րդ դարի վերջերը չհարմհալցին չգէտէրին է բժիշկ կամ բժշկութիւն. նա բաւականացել է գաւառում գտնուող մի շարք «Չառուաների» (վիրահատներ)

և այս ու այն պառաւի խորհրդատրած զեղերով իր հիւանդութիւնը բուժելու. կամ սուրբքերին դիմելով, մատաղ կտրել ուխտ կատարելով և հիւանդի գլխին Նարեկ ու գորաւոր աղօթքներ կարդալով:

Չհարմհալի հայերի մէջ կան «Չառուանեց» տոհմը և մի քանի «չքեսաթ բանդ»ներ. առաջիկաները կարծէք թէ ժառանգաբար են առաջ տանում Չառուանութիւնը, բայց վերջիններն իրարից են սովորում, աւելի շուտ պինդ սիրտ ունեցողներն էին, որոնք կարող են դիմանալ հէւանդի փշուած ոսկորները կապելիս, կամ դուրս ընկածը տեղը ձգելիս: Այս Չառուանները տեղական բոյսերից ու արմատներից մի քանի տեսակ զեղեր են պատրաստում: Խոտերը հաւաքում են դարնան՝ երբ ծաղիկ կայ վրան:

Խոզի ճարպը, լեղին նմանապէս և կովի լեղին գործ են ածում որպէս զեղ, որոշ ցաւերի, ուռուցքի վրայ «թառհալալ» են դնում, (էջի ցանը խաշում են և կապում վրան): Ծանր հիւանդներին և վեներական վէրքոտ մարդկանց «բաղնիս են կապում» կամ «մուխ են տալիս», քաժ էջի ցանը կրակի վրայ լեցնում, վրան մի վերմակ պահում և հիւանդին դնում տակը որոշ ժամանակով: Մի դէպք է պատահել, վերջին գործողութեան հետեանքով, որ ենթական մահացել է սաստիկ ծխահոտից: Կար նաև արիւն առնելու և ազրուկ կպցնելու սովորութիւն: Մէջքի ցաւի համար «սանջու» էին կատարում. հիւանդին նստեցնում էին, սեղան տախտակը մէջքի մօտ բռնում, ապա կախարդը դուրս էր գնում վազէվազ գալիս, ձեռքի վարդանայով խփում էր սեղան տախտակին ու գոչում՝ «հարգան գեւամիսան»: Ներկաներից մէկը պատասխանում էր «սանջու դաղնդան»: առաջինը սպառնում էր. «բէլա վուռոամ քի ջանին չխարամ հա՛: Սանջուն վախից դուրս էր թռչում հիւանդի քամակից: Սոյն «բժշկութիւնը սովորել են թուրքերից:

Չ. Գ. ՀԱՅՈՅ ԲԺՇԿԱԿԱՅԱՆԸ

Քսանհորդ դարի սկզբներից Նոր-Չուղայի Յովսէփ Պօղոսխանեան հիւանդանոցի յանձնախմբի կարգադրութեամբ երբեմն շրջուն բժիշկներ են գնացել Չհարմհալ և թեթև բժշկական օգնութիւն հասցրել գաւառի ժողովուրդին, այն է՝ աչքացաւի, պատուաստի, ջերմի ու դողցոցի դեղեր մատակարարել հիւանդներին:

Շուրջ քառասուն տարի էլ Չ. գաւառի հայ ժողովուրդը բաւականացել է վերոյիշեալ բժշկական սիստեմով և, վերջապէս, գաւառի երիտասարդութիւնը, մտաւորականները և նրանք ինչ որ փոքր ի շատ հետաքրքրուած էին՝ մտածում են իրենց ծննդավայր գաւառի բժշկական գործը աւելի հաստատուն հիմքերի վրայ գնել: Գաւառում ունենալ մի հիւանդանոց և օդտակար լինել խեղճ ու կրակ գիւղացիութեան: Այս միտքը իրագործելու նպատակով՝ մի խումբ Չուղայաբնակ չհարմհալցիներ 1940 թ. մի քանի խորհրդակցական ժողովներ գումարելուց յետոյ, կազմում են մի միութիւն: Նոյն տարւայ վերջերը այս միութիւնն ունէր մօտ 60 անդամ-ուհիներ, բոլորն էլ չհարմհալցի երիտասարդ ոյժեր: Միութիւնն իր անդամներից ընտրում է մի յանձնախումբ՝ ձեռնարկելու հիւանդանոցի շէնքի կառուցման, կամ գնման և այլ անհրաժեշտ գործերի կարգադրման համար: Յանձնախումբը անմիջապէս մեկնում է գաւառ ընտրելու մի յարմար վայր և սկսելու գործը: Բարեբախտաբար այդ օրերին Չհարմհալի Մամուռան գիւղի տէրը՝ պ. Հեսամ-էլ Մօլքը յայտարարում է թէ Մամուռան գիւղի մօտ գրտնըտղ իր «Ղալան» վաճառում է: Յիշեալ յանձնախումբը ժամանակ չի կորցնում, անմիջապէս գնում է այդ շէնքը, անհրաժեշտ թեթև նորոգութիւններ կատարում, ապա հրարւիրում է նոր-Չուղայեցի բժիշկ Ամիրխան Հայրապետ-

եանին, որպէս գլխաւոր վարիչ բժիշկ. վարձում է օգնականներ, գնում հարկաւոր դեղօրայք և ուղարկում գաւառ: Կատարում է բացման հանդէսը և հիւանդանոցի պաշտօնէութիւնը գործի է անցնում: Սակայն Բժ. Հայրապետեանը երկար չի շարունակում իր պաշտօնը Չհարմհալի հիւանդանոցում, դեռ տարին չլրացած հրաժարւում է. նրա փոխարէն հրաւիրւում է Բժ. Յ. Մանասէրեանին. մի բարեխիղճ, եռանդուն և գործունեայ երիտասարդ, որ նւիրւում է հիւանդանոցի գործին մինչև փակելը, այսինքն՝ ևրբ 1946 թ. Չհարմհալի վեց գիւղերի հայ ժողովուրդը գաղթեց Մայր Հայրենիք ու մնացին միայն հեռաւոր երեք գիւղերը. սրանք ևս յաջորդ տարին պիտի մեկնէին, այդ պատճառով փակեց հիւանդանոցը և մի քանի ամիս յետոյ շէնքը վաճառեց:

Յիշեալ բժշկակայանի անւամբ հիմնւած միութիւնը այնքան էլ լաւ գործունէութիւն չյայտնաբերեց, սակայն հանգանակութիւններ, ձեռնարկներ և այլ շնչին մուտքերը, նմանապէս բժշկակայանից դոյացած դեղագին և այցեգին ունեցաւ որոշ չափով, որով հնարաւոր եղաւ վարիչ յանձնախմբի համար մօտ 5 տարի կառավարել, տարեկան 200,000 ուիալ ծախսելով. այս գումարի մի մասը պարտք էր մնացել, որի համար բժշկակայանի վարչութիւնը դիմեց Չար. գաւ. Ուսումնաս. Միութեան. վերջինս իր տարեկան ընդհ. ժողովում օրակարգի է դնում, որը ընդունւում է: Մի առ ժամանակից յետոյ, յիշեալ միութիւնը որոշում է իր ամբողջ մուտքի 30% յատկացրնել բժշկակայանին: Ժամանակ չանցած խորհրդակցական ժողովներ եւ ունենում՝ միացնել բժշկակայանը Ուսումնասիրաց Միութեան, միասնաբար կառավարելի թէ գաւառի դպրոցները և թէ բժշկայանը: Սակայն, ինչպէս յիշել էինք, վրայ է հասնում ներգաղթը. որով ամեն ինչ փակւում է: Այս բոլորով հանդերձ բժշկակայանն իր

6 տարւայ գոյութեան ընթացքում մեծ օգտակարութիւն ունեցաւ և հարիւրաւոր հիւանդներ բուժեցին այս հաստատութեան մէջ:

Մ Ի Ո Ւ Թ Ի Ի Ն Ն Ե Ր

Ձանազան նպատակներով Չհարմհալի հայ գիւղերում 20-րդ դարի սկզբներից կազմել են միութիւններ ստորև գրւած ցուցակի համաձայն. =

Գիւղի անուն	Միութեան անուն	Հիմն. թւական
Մամուլքա	Գարվազաձոր	1902
>	Չոր-Ասլան	1916
>	Արշալոյս Հ. Յ. Գ.	1919 Յունիս 1
>	Առիւծ	1932 — 42
>	Օժանդակ — Հ. Յ. Գ.	
>	Արարատ	1936 — 42
>	Աշոտ — Հ. Յ. Գ.	1916 Յունւ. 5
Հաջիբաբադ	Առիւծ — Հ. Յ. Գ.	1919 Յունւ. 2
>	Աղքատախնամ	1919 Փետրւ. 2
>	Ծաղիկ (Կանանց)	1922
Աղբուլաղ	Արծիւ	915
>	Փայլակ	1915
Սիրաք	Արծիւ — Հ. Ս. Գ.	1919 Յունւար 1
Ահմադարադ	Ազգային և Զօրավար	1919 Յունւ. 21
Սինագան	Արանց	1919
Ներք. Քոնարք	Արշալոյս	1915 Գեկտ. 31
>	Նոր-Սերունդ	1918 Սեպտ. 10
Վերին Քոնարք	Կայծեր	1911 Յունւ. 18
>	Արծիւ ¹⁾	1914 Փետրւ. 7
>	Ընթերցասիրաց	1918 Գեկտ. 1
Լիվասիան	Նպատակ	
Մամուռան	Շանթեր	1916 Մարտ 2

1) Սկզբնական շրանում կրել «Աշակ. Միութիւն» 1914-ից ստաջ:

Վերոյիշեալ միութիւններից ոչ մէկը երկար կեանք ու գործունէութիւն չունեցաւ. ամենատևականը Մամուլքա գիւղի երեք միութիւններն եղան, որոնք միացեալ ուժերով իրենց գիւղում շինեցին մի նոր դպրոց, եկեղեցու նորօգութիւնը կատարեցին և մի քանի փոքր բարեգործութիւններ արին: Ունեցած շնչին գումարներն ևս զանազան անհատների մօտ, որպէս պարտք, մնաց անպահանջելի:

Մասնաւոր տեղ է դրաւում, սակայն, Չ. Գ. Հայ Ուսումնասիրաց Միութիւնը, որի մասին ստորև գրւած տեղեկութիւններն ունենք:

«Ընդարձակ տարեցոյց»ի 1928 թ. մէջ, Չհարմհալի միութիւնների մասին Տէր-Յովակիմ քահ. Բարսեղեանը գրում է. — «Այնպէս որ Հայաստանում ինչքան սար ու ձոր կայ, Չհարմհալում էլ այդքան կուսակցութիւններ»:

Չ. Գ. ՀԱՅ ՈՒՍՈՒՄՆԱՍԻՐԱՅ ՄԻՈՒԹԻՆ

1930 թ. Մի խումբ չհարմհալցի երիտասարդների նախաձեռնութեամբ, Աբաղանում կազմեց այս միութիւնը:

Սկզբնական շրջանում, անդամների թիւը սահմանափակ լինելով, թեթև օգնութիւն է հասցնում գաւառին, սակայն հետզհետէ աւելանում են մասնաճիւղերը, որով միութիւնը կարողանում է իր ուսերի վրայ առնել գաւառի հայոց դպրոցների ընդհանուր հոգսը. այնպէս որ վերջին տասնամեակում Չ. Գ. հայ դպրոցները կառավարել և հովանաւորել է այս միութիւնը: Գովելի և զնահատանքի արժանի մի գործ է կատարել: Հոգացել է Չ. Գ. հայ դպրոցների նիւթականը, ուղարկել է տեսուչ, ուսուցիչ-ուհիներ, դասագրքեր, գրենական պիտոյքներ և այլն:

1946 թ. ներգաղթի համար վճարել է 110,000 ուիալ, օժանդակել է Չ. Գ. Բժշկակայանին լայն շափով. այսօր

2. Գ. ՈՒՍՈՒՄՆԱԿԱՆ ՄԻՈՒԹԵԱՆ ՀԻՄՆԱԳԻՐՆԵՐԸ



Սիմոն
Ա. Էսիսեան




Մնացական
Մաղարեան



Սիմոն
Իսրայելեան



Սարգիս
Մաղարեան



Մելիքոն
Իսրայելեան



Մարտիրոս
Մկրտումեան

էլ շուրջ 700,000 ուրախ կանխիկ դրամ ունի:

2. Գ. Ուսումնասիրաց Միութիւնը իր մասնաճիւղերը՝ ունէր Մասչետ-Սուլէյման, Հաֆթքէլ, Աղաջարի, Ահվազ, Անդիմէշկ, Նոր-Ջուղա, Թեհրան, Համադան, Բանդար-Շահաբուր և գաւառի բոլոր գիւղերում: Կենտրոնը՝ Աբաղան. 1946 թ. ունէր 220 անդամ-ուհիներ:

1945 թ. սոյն միութիւնը գաւառ ուղարկեց բանասէր պ. Արամ Երեմեանին՝ ուսումնասիրելու և կազմելու Ջհարմհալ գաւառի Ազգագրութիւնը, սակայն յիշեալ պարտնի հետ համաձայնութեան չեկան, որովհետև ձեռագրի ծաւալը շատ մեծ էր և տպագրութեան ծախսը 6000 թուման, ուստի այդ աշխատանքը մնաց անօգտադրօծելի:

Տես միութ. նամակը՝ էջ 4:

Նոր-Ջուղայի մասնաճիւղը գաւառին մօտ լինելով, կենտրոնական վարչութեան կողմից 1944 թ. լիազօրութիւն է գտնում՝ վարելու գաւառի դպրոցների վերաբերեալ բոլոր գործերը. վարում է մինչև 1950 թ., որից յետոյ դարձեալ կենտրոնին է մնում ամեն պատասխանատրութիւն:

Ընթերցողին որոշ չափով գաղափար տալու միութեան գործունէութիւնից, ստորև գրում եմ կենտրոնական վարչութեան 1944—45 տարեշրջանի տեղեկագրի մի մասը, յուսալով ապագայում ևս կարող կը լինեմ աւելացնել նորերը:

Տ Ե Ղ Ե Կ Ա Գ Ի Ր

Ջհարմհալ գաւառի Հայ Ուսումնասիրաց Միութեան և կենտրոնական վարչութեան 1944—45 թ.

Տարեշրջանի գործունէութեան
(Տպագրւած «Ալիք» Օրաթերթի 5 Յունիս 1945 թ.)

Ջհարմ. Գաւ. Հայ Ուսումն. Միութեան 8-րդ Ընդհանուր Ժողովը կայացած 28 Ապրիլ 1944 թ., կայացրեց մի քանի կարևոր որոշումներ, որոնց շուրջ կանդբադառ-

նանք ստորև: Բացի այդ որոշումներից, վարչութիւնս անշուշտ պարտականութիւն ունէր հսկելու միութեան բոլոր մասնաճիւղերի վրայ, ընթացք տալու գաւառի կրթական գործին և օժանդակելու Չհարմհալի հիւանդանոցին:

Նախքան մեր զեկուցումին անցնելը կուզէինք մատնանշել, որ Ուսումնասիրաց Միութիւնը դուրս է եկել իր նեղ սահմաններից, լայն ծաւալ է ստացել ու դարձել հետաքրքրութեան առարկայ: Այս փաստը հետևանք է մասնաճիւղերի տարած աշխատանքներին և Չհարմհալի կըրթասէր յառաջադէմ երիտասարդութեան շնորհիւ:

Յանկալի է որ ամեն չհարմհալցի, մանաւանդ Ուսումնասիրացի ամեն անդամ խորապէս գիտակցելով այդ, վառ պահի լաւ արժանիքների սէրը և բարձր Միութեան և գաւառի պատիւը:

Վարչութիւնս իր տարեշրջանի ամբողջ գործունէութեան տեղութեան ժամանակ եղել է համբարաշխ ու դիտակից իր պարտականութեան, իսկ եթէ այդ գործունէութիւնը եղել է յաջող, քիչ չէ այն մեծ բաժինը, որ սըրտադուղիս կերպով բերել են բոլոր մասնաճիւղերը:

ՈՒՍՈՒՅԶԱԿԱՆ ԿԱԶՄ

Այս խնդրի կապակցութեամբ վարչութիւնս անմիջապէս նամակներ է գրել Ահվազի, Անդիմէշի, Համադանի, Բանդար Շահփուրի և Նոր-Ջուղայի մասնաճիւղերին խնդրելով կարող անհատներ ինկատի ունենալու ուսուցչական պաշտօնով գաւառ անցնելու: Այս մասին նոյնիսկ Նոր-Ջուղայի վարչութիւնը յայտարարեց «Ալիք» օրաթերթում, բայց դժբախտաբար մասնաւոր գործերի աւելի բարձր վարձատրութիւնը թոյլ չտւեց, որ բարձր կըրթութեան տէր ուսուցիչներ անցնեն գաւառ: Մեզ մնում էր մի միջոցի գիմել և անպատճառ բանալ գաւառի դըպ-

րոցները՝ թէկուզ տկար ուժերով: Շնորհիւ Նոր-Ջուղայի մեր մասնաճիւղի ջանքերին, քնտրւեցին ու նշանակեցին տասնչորս ուսուցիչ-ուսիներ, մէկ վերահսկիչ տեսչով ինն հայ դպրոցների համար և գաւառի դպրոցների դասաւանդութիւնը բնականոն ընթացքի մէջ մտաւ: Սոյն կազմը համեմատաբար եղել է շատ աւելի կարող, քան էր նախորդ տարւանը:

Բարձր կրթութեան տէր տեսուչ ևս չճարւեց, եղածների ակնկալութիւնն էլ վեր էր մեր նիւթական կարողութիւնից: Իսկ այդ բացը լրացնելու անհրաժեշտութիւնից դրդւած, Նոր-Ջուղայի մասնաճիւղն իր նախագահ պ. Աւ. Եղգարեանի ուսուցչական փորձառութիւնը նկատի ունենալով, ուղարկեց նրան գաւառ, որպէս Լիվասիան գիւղի ուսուցիչ և վերահսկիչ տեսուչ գաւառի դպրոցների:

Ինկատի ունենալով, որ գաւառի դպրոցների համար չափազանց անհրաժեշտ է ունենալ ժի բարեխիղճ տեսուչ, որի պաշտօնավարութիւնը երկարատե լինի, Պ. Եղգարեանի մէջ գտնելով այդ բարեմասնութիւնը, մենք գրել ենք Նոր-Ջուղայի մեր մասնաճիւղին, խնդրելով նրա հետ պայմանաւորել այդ պաշտօնը վարելու 2—3 տարով:

Չհարմհալ գաւառի ինն հայաբնակ գիւղերը 1944—45 թւի ուսումնական տարեշրջանին ունեցել են տասը ուսուցիչ, չորս ուսուցչուհի, մէկ վերահսկիչ տեսուչ, Աշակերտութեան թիւը եղել է 448: 5030 թուման ոռճիկների դիմաց Ուսումնասիրացը վճարել է 2230 թուման:

Ուղարկել է 500 թուման Նոր-Ջուղայի մասնաճիւղին՝ գրեմական պիտոյքներ գնելու դպրոցների համար: Դարձեալ 500 թուման ուղարկել է այդ դպրոցների կահկարասիների նորոգութեան համար:

ԴԱՍԱԳՐՔԵՐ

Գաւառի տեսուչ պ. Եղգարեանը, 14 Դեկտ. 1944 թ. նա-

մակուլ մեզ յայտնում է. — «Դասագրքերի զգալի պակաս կայ գաւառում, տեսնում ենք մի դասարան ունի 10 — 12 աշակերտ և միայն 2 պատուած, կամ աւելի ճիշտն ասած գործածութիւնից ընկած դասագրքեր»: Այս անմխիթար կացութիւնը վերացնելու դիտումով, անմիջականօրէն նամակներ գրեցինք Թաւրիզ ու Թեհրան մեզ ծանօթ պրիւրներին շուրջ 500 դասագրքի պատւէր տալով: Թեհրանի պատասխանը նշում է թէ 1944—45 թւականի ուսումնական տարին լրանալու պատճառով, առայժմ հնարաւորութիւն չունեն մեր փափագած դասագրքերը հայթայթելու: Ինչ որ կար և կարող էին հայթայթել, ժամանակին յանձնել են տեղական դպրոցին: Կայ միայն «Առաջին ընթերցարանը»...»: Թաւրիզից դեռ պատասխան չի ստացել»:

Քաղաք 1946—47 թ. Ընդհ. Ժողովի զեկուցումից

Յաւ են յայտնում նոր մասնաճիւղեր չունենալու համար. անդամները պակասում են, կենտրոնում ունեն միայն 160 անդամ-ուհիներ. կանանց յանձնախումբը լայն աջակցութիւն է ցոյց տւել

Շահ ունեցել են՝
17 Սեպտեմբեր 1947 թ. թէյասեղանից 24,970 ռիալ
28 փետր. 1948 թ. տարագահանդէսից 50,000 >

Հնդկահայերը մերժել են օգնել գիւղերին, առարկելով՝ ներգաղթելու են միւս գիւղերի հայերն ևս:

Պարոն Ա. Երեմեանը իր 4 Մայիս 1947 թ. բացիկով յայտնում է՝ Չհարմհալի պատմութեան գրքի ծաւալը 1000 էջ է լինելու, իսկ տպագրութեան ծախսը՝ 60,000 ռիալ, ուստի որոշում է չտպագրել նրա աշխատութիւնը և, համաձայն նրանց միջև կնքւած պայմանագրի, յետ ստանալ ձեռագիրը յիշեալ պարոնից:

1949—50 թ. Չեկուցումից

Անդամ-ուհիների թիւը մօտ 290 է. մասնաճիւղերն ունեն 130 անդամ: Նոր-Ջուղայի մասնաճիւղը սոյն տարեշրջանում լիազօրութիւն չունի:

1949 թ. Փետր. 21-ի երեկոյթից մուտք	1884	Ռիալ
Մարտ 17-ի պարահանդէսից	20,000	>
Ապրիլ 21-ի երեկոյթից	3,337	>
Վիճակախաղից	17,120	>
Յուլիս 28-ի պարահանդէսից	14,000	>
Պարսից կրթ. նախարարից նւէր	1,000	>
Սոյն տարեշրջանի ընդհ. մուտքն է	303,897	>
Ելք	99,236	>
Բանքում ունեն	250,463/75	>
Կանխիկ	23,032	>

Մի հասւած «Ալիք» օրաթերթի
1952 թ. Ապրիլ 11 համարից

«... Չհարմհալի Հայ Ուսումնասիրաց Միութիւնը, որին անդամակցում են Իրանի գանազան քաղաքներում և գլխաւորաբար Խուզիստանում վերաբնակւած 500 հայրենակիցներ, երկու տասնամեակից իվեր նւիրւած է նոյն գաւառի գիւղական համայնքների կրթական գործին: Միայն այս տարւայ ընթացքին, ինչպէս տեղեկանում ենք մի մասնաւոր պրիւրից, Չ. Գ. Ուսումն. Միութիւնը վերոյիշեալ գաւառի գիւղական դպրոցներին յատկացրել է 30,000 ռիալ, վճարելով օւսուցիչների ուժիկը և հայթայթելով գրենական պիտոյքներ ու շէնքերի նորոգութեան ծախսերը»:

ՆՈՐ ՏԵՂԵԿՈՒԹԻՒՆՆԵՐ ՈՒՍՈՒՄՆ. ՄԻՈՒԹԻՒՆԻՅ

2. Գ. Հայ Ուս. Միութիւնը 1957 թ. հրատարակեց «Պատմութիւն Զհարմհալ գաւառի Հայ Ուսումնասիրաց Միութեան 1930 — 1955» թ.

Զ Ե Կ Ո Ւ Յ Ա Գ Ի Բ

Զհարմհալ գաւառի Հայ Ուսումնասիրաց Միութեան
24-րդ օրջանի Կէնտրոնական Վարչութեան բարոյական
և նիւթական գործունէութեան
16 Փետրուար 1961—22 Մարտ, 1962 թ.

Աբաղան, 26 Ապրիլ, 1962 թ.

Միութեանս Ծրագիր - Կանոնադրի վերամշակումով,
նրա հիմնական նպատակի վրայ աւելանում է նաև հե-
տեակ երկու կէտերը. —

ա. Սատար հանդիսանալ հայապահպանման և մատաղ
սերնդի հայեցի դաստիարակութեան, նիւթապէս ու բա-
րոյապէս օժանդակելով մասնաճիւղերի տեղի հայ դըպ-
րոցներին:

բ. — Հնարաւորութեան սահմաններում օժանդակել
բացառիկ ընդունակութիւն ունեցող, ծագումով չհարմը-
հալցի և չքաւոր այն ուսանողներին, որոնք ցանկութիւն
և արժանիքներ ունեն հետեւելու բարձրագոյն ուսման և
պաշտօնապէս յանձնառու են լինում ծառայելու՝ հայ մը-
շակոյթին իրենց կրթութիւնը լրացնելուց յետոյ:

Ընդհանուր կանոնների տակ՝ 63-րդ յօդուածով ճշտ-
ւած է. որ Միութիւնը կարող է ունենալ իր կենտրոնա-

տեղին: Այս յօդուածի նպատակն այն է՝ որ Միութեան
հիմնադրամի շահագործումով, ձեռնարկների հասոյթով և
այլ միջոցներով Մասնաճիւղերի համագործակցութեամբ
Միութեան Կենտրոնատեղի Տան Ֆոնտ հիմնել և Կենտ-
րոնատեղի ունենալ թեհրանում հետեւել նպատակներն
հետապնդելու համար. —

1. Միութեան արխիւներն փրկել աստանդական վի-
ճակից:

2. Յարգելի դարձնել Միութիւնը հասարակութեան
առջև:

3. Միութեան հետ կապել խաղերի ու մարզանքների
հետեոյ պատանիներին:

4. Թեհրան եկած երիտասարդութեան հասարակու-
թեան հետ կապելու միջոց տալ, և հասարակական աշխա-
տանքի ասպարէզ բացել նրանց առաջ:

5. Հանդիպումի վայր դարձնել այդ տունը երիտա-
սարդութեան, նրանց յետ պահելով այլասերման վտանգից:

6. Ստեղծել համագաւառացիների մօտ սրտամօտ
միջոցորտ, և նրանց նիւթական գոհողութիւնների վո-
խարէն, տալ հոգեկան բաւարարութիւն:

7. Ժողովների ու ձեռնարկների համար մնայուն տեղ
ապահովել:

8. Զարգացնել անդամներին և երեւան հանել թաղուն
շնորհքներ:

9. Օգտւել արեւստագէտ — մտաւորականներից, ելոյ-
թի առիթ ընծայելով նրանց:

10. Եւ վերջապէս ստեղծելով մի օջախ, նրա շուրջ
համախմբել Հայ ոգու և լեզուի նւիրեալներ և ծառայել
հայապահպանման:

11 Փառարկա աստիճանային քիւր դասարանական կարգով

Գիւղ	1960—61 Նւսումն. տարի				1961—62 Նւսումն. տարի			
	Ընդհ. թիւ	Մանկա-պարտէզ կրթ.	Ս. Բ.	Գ. Գ. Ե Զ	Ընդհ. թիւ	Մանկա-պարտէզ կրթ.	Ս. Բ.	Գ. Գ. Ե Զ.
Մամուլա	52	9	3	9 5 3 9 5 9	36	3	4	5 3 6 3 2 10
Հաջիարաղ	18	—	2	4 4 2 — 1 5	9	—	1	2 1 1 1 3
Սիրաք	8	2	—	3 2 — 1 —	9	1	3	— 2 2 1 —
Ընդհ. թիւ	78	11	5	16 11 5 10 6 14	54	4	8	7 6 9 5 5 10

Ծանօթ. — Ա. Սիրաքից 1960—61-ին և 1961—62-ին, 6 տղաներ, որ յաճախել են մօտիկ գիւղերի պետական դպրոցները, ներառւած չեն այս ցուցակի մէջ:
 Բ. Որոշուած է վերոյիշեալ աշակերտներին նպաստ յատկացնել:

12. Փառարկա ուսուցչական կարգի և ուսուցիչներ

Գիւղ	1960—61 Նւսումն. տարի		1961—62 Նւսումնական տարի	
	Նւսուցչի անուն-ազգանուն	Ռոճիկ ուրախ	Նւսուցչի անուն-ազգանուն	Ռոճիկ ուրախ
Մամուլա	Օր. Մաքրուհի Յովսէփեան	14000	Օր. Համասփիւռ Փուլարեան	23000
>	> Համասփիւռ Փուլարեան	15000	> Քլարա Անդրէասեան	19000
Հաջիարաղ	> Մարօ Տէր Սարգսեան	19000	Պրն. Վրէժ Ղարախանեան	22500
Սիրաք	> Երան Ղարախանեան	5000	Օր. Երան Ղարախանեան	10000
		Գումար	Գումար	74500

15. Մասնաճիւղեր. — Ուրախ ենք արձանագրելու, որ ինչպէս անցեալներու, նոյնպէս և մեր ժամանակաշրջանում, բոլոր մասնաճիւղերը լծած են եղել հաւաքական ժառանգ և տրվումաւտ աշխատանքի, և իւրաքանչիւր մի մասնաճիւղի իր հնարաւորութեան սահմաններում գորովից է հանդիսացել վարչութեան, հետևողական ու սերտ կապ պահպանելով կենտրոնի հետ մեք վրայ դրած պարտականութիւնները ի կատար ածելու բարեացակամ համագործակցութիւններով:

Բոլորն էլ ժամանակին ու անթերի գանձել են ամսավարները, և ամենայն բարեխղճութեամբ կատարել իրենց վրայ դրած բարոյական և նիւթական յանձնարարութիւնները:

Ներկայումս սփռուքահայութիւնն ամենուրեք կառ-
չած իր Ազգային աւանդութիւններին, սովորութիւննե-
րին ու ժառանգած բարձր մշակոյթին, աւելի քան երբէք
իր բոլոր կազմակերպութիւններով և մարմիններով Հայը
հայ պահելու մտահոգութեամբ, աշխատանքի է լծւած ան-
սասան պահելու մեր գոյութեան գրաւականը հանդիսա-
ցող, Լոյսի ու Յոյսի Սրբոյ տաճարներ՝ Հայ Եկեղեցին
ու Գպրոցը:

Նոյն մտահոգութիւններով ու հետևողականութեամբ
1930-ին մի քանի չհարմարացի երիտասարդներ հիմք են
դնում Չհարմար գաւառի Հայ Ուս. Միութեանը, որը 33
տարիներ շարունակ լծւած իր ծննդավայրի կրթա-ուսում-
նական գործին: առանց ընկրկումի և ընդհատումի ծառա-
յել է իր որդեգրած նպատակին և իր շուրջը համախմբե-
լով բազմաթիւ անդամ-ուսիներ, ստեղծել է համագոր-
ծակցութեան ու համերաշխութեան մի ջերմ ու հարա-
զատ միասնութիւն:

Միութիւնը տարիներ շարունակ իր ուսերի վրայ է
ստել աւելի քան 9 հայ գիւղերի ուսումնա-կրթական, և
առողջապահական գործը, որը շարունակում է դեռ: Բայց
հանգամանքների բերումով գաւառը գատարկել է ու այս
օր, միայն երեք գիւղեր են մնացել նրա խնամքին, այն
էլ ցանցառ բնակչութեամբ, որը որպէս գործունէութեան
գլխաւոր ենթահող չի բաւարարում միութեան հետապըն-
դած նպատակին: Հետևաբար.

Հայապահպանման գործին աւելի լայն չափով ծառա-
յելու ցանկութեամբ, վերամշակման է ենթարկւում Միութեան
Մրադիր-Կանոնադիրը՝ ըստ ստեղծւած պայմաննե-
րի, որի վերջնական վաւերացման ու հաստատման հա-
մար 1962-ին գումարում է Միութեան Պատգամաւորա-

կան ժողովը՝ մասնակցութեամբ բոլոր մասնաճիւղերի
(եօթ շրջաններին):

Պատգամաւորական ժողովը համարեա միաձայնու-
թեամբ, վաւերացնում է վերամշակւած ծրագիր-կանոնա-
գիրը, ըստ որի, մնացած երեք գիւղերի ուսումնական
գործին զուգընթաց, այուհետև միութիւնը իր համեստ
միջոցներով և հնարաւորութեամբ ծառայելու է հայապահ-
պանման վեհ գործին: Ու աւելի լայն ծառայով սպասար-
կելու բուն ցանկութեամբ: Պատգմ. ժողովը որոշում է
կայացնում Միութեան Կենտրոնատեղին հաստատել Թեհ-
րանում. ուր կենտրոնացած է իրանահայութեան ճնշիչ
մեծամասնութիւնը:

Հիմնելիք Կենտրոնատեղին, Միութեանը յենարան,
եկամուտի աղբիւր և միութենականների հաւաքավայրը
լինելուց առաւել, դառնալու է հայկականութիւն ներշնչ-
ող մի համեստ, բայց հարազատ ու մտերմիկ մի օջախ,
յատկապէս երիտասարդ սերնդի համար, որին հնարաւո-
րութիւն և առիթ է տրւելու իրեն հետաքրքրող նսրոյթ-
ների, խաղերի, մարզանքների, դասախօսութեանց, ըն-
թերցանութեանց և այլ ձեռնարկների շնորհիւ աւելի ևս
կապել Հայ Մշակոյթին ու Հայ կեանքին:

Գործնականի անցնելով Պատգմ. ժողովը նկատի առ-
նելով միութեան նիւթական համատ միջոցները, չորս
հարիւր հազար ուսուցիչի մի յատկացում է կատարում, որ-
պէս կենտրոնատեղիի Ֆոնդի հիմնադրամ, որի լրացման
համար համապատասխան կոչով գործի է հրաւիրում բոլոր
մասնաճիւղերին: Ապա յանձնարարում ընտրել համապա-
տասխան մի մարմին Թեհրանում:

1962-ի Ապրիլին ընտրւում է Միութեան Կենտրո-
նատեղիի Ծինարարական յանձնախումբը հետևեալ կազմով՝
Պրն. Սուքիաս Կարապետեան (նախագահ)

> Բարդուղ Բարդուղեան (փոխ նախագահ)

- » Մարտիրոս Արղայեան (քարտուղար)
- > Սիմէոն Բարուսեան (գանձապահ)
- > Սիմէոն Աւետիսեան (Կենտ. վարչ. ներկայաց.)
- > Մնացական Մաղաթեան (մասնաճիւղի վարչութեան ներկայացուցիչ)
- > Ամովս Աջաբեան
- > Մկրտիչ Մարտիրոսեան
- » Յովհաննէս Տ. Սարգսեան
- > Անգրանիկ Անդրէասեան
- > Հայկազ Ստեփանեան

Փոնդի ապահովութեան համար Կենտ. վարչութիւնը և Շին. Յանձնախումբը ցայժմ սահմանափակել են միայն ու միայն միութեան անդամ-ուսիւնների նւիրատուութիւններով, Թեհրանի մասնաճիւղի աշխատանքները թողնելով Շին. Յանձնախումբին, իսկ մնացեալ վեց մասնաճիւղերի գործը՝ Կենտրոնական վարչութեան:

Նւիրատուութիւնների աշխատանքները սկսել են 1962-ի Օգոստոսից և ընթացքի մէջ են: Այս աշխատանքին համընթացք Շին. Յանձնախումբն զբաղւել է նաև յարմար մի հողամաս գնելու գործով, որը լիապէս յաջողւել է և արդէն իսկ գնւած է 920 քառ. մետր տարածութեամբ մի հողամաս հայաբնակ շրջանում, Թախտէ Թաւուս պողոտային կից:

Մինչ այժմ միայն Թեհրանում մեր միութենականներից շատերը սիրով ու զնահատելի նւիրումով ընդառաջել են միութեան կոչներին և արձանագրել իրենց յանձնառութիւնները, որով յայտնում ենք մեր սրտագին գընահատանքն ու շնորհակալութիւնները:

Լիալոյս ենք, որ հայապահպանմանը նախանձախընդիր իւրաքանչիւր հայ, նկատի առնելով միութեան ընդհանուրին, մասնաւորապէս հայ մատաղ սերնդին ծա-

աւելու իր այս յոժարակամ պատրաստակամութիւնը, իր բարոյական և նիւթական աջակցութեամբ կը քաջալերի ու կը խրախուսի ոկուած գործը:

Չարմ. Ուսուստասիրաց Միութեան
Շինարարական Յանձնախմբի
Նախագահ՝ ՍՈՒՔԻԱՍ ԿԱՐԱՊԵՏԵԱՆ
Քարտուղար՝ ՄԱՐՏԻՐՈՍ ԱՐԳԱԼԵԱՆ

ԲՆՈՒԹԵԱՆ ՊԱՏԱՀԱՐՆԵՐ

Բնութեան պատահարները յաճախակի կրկնւել են Չհարմհալ գաւառում և հայերը գաւառ հասնելու օրից ենթակայ են եղել այդ պատահարներին: Մեր ժամանակի ծերունիները միայն յիշում են 1870 թ. սովը, մի քանի անգամների երաշտը և անասունների ժանտախտը ու պատմում են մանրամասնութիւններ, սոսկալի պատկերներ և տխրալի գէպքեր: «Օխտը տարի անձրև չեկաւ, ցորեն չէր ճարւում, մարդիկ իրարու ձեռքից հացը խլում ու փախչում էին, շատերը քաղցից մեռան, ամեն անասունի միս, հալալ թէ հարամ, ուտում էին, բանջարեղէնն էլ պակասել էր ու անասունները անկեր էին մնացել»: Վերոյիշեալ տարիների սրտաճմլիկ պատկերը տակաւին խեղճ գաւառացիների աչքի առջևն է, որի համար էլ դեռ նա երգում է Ֆարսերէն լեզուով մի երգ. — «Մալ բօրօ քե բար նաղհարդի...» — Տարի գնա, էլ յետ չգաս...»

Գժբախտ ժողովուրդը համբերութեամբ տարել է այսպիսի սոսկալի օրեր առանց արտաքին օգնութեան, յետոյ աստիճանաբար բարեփոխւել է նրանց կեանքը ու կրկին գարկ են տւել իրենց հողագործական միակ աշխատանքին:

Այստեղ աւելացնենք միայն վերջին մի քանի սև տարիների պատկերը: 1946 թւականին ցուրտը փչացը-

նում է Չհարմհալի հունձքը: 1917 թ. սարսափելի մորեխ է գալիս և ուտում հացահատիկները, այգիները, կանաչութիւն ու բուսականութիւն: Աշնանը մորեխը «քո» (ձագ) է դնում, իսկ յաջորդ գարնան ձագն է երևում, որ իր բազմութեամբ սևացնում է դաշտ ու ձոր և ուտում ամբողջ բուսականութիւնը, որի պատճառով գաւառի ժողովուրդի դրութիւնն աւելի է վատթարանում: Գործող ձեռքերը դիմում են պանդուխտութեան, մնում են միայն ծերեր, կանայք և երեխաներ: Սաստկաշունչ ձմեռւայ հետ իրենց սև օրերն են քարշ տալիս ու սպասում դարիբնե-րի վերադարձին ու մի կտոր հացի: Տնեղէն, տաւար և ուրիշ պիտանի առարկաները բոլորը ծախել՝ ու լիտրը 35 — 40 ուիւլով հացահատիկ գնել, ոմանք էլ իրենց այգիները գրաւ դրել ու մի քանի լիտր պարտքով ցորեն վերցրել: Տարբերութիւն չէին դնում հացահատիկների ընտրութեան մէջ, թշուա սովահարները գնում և ուտում էին ինչ էլ որ գտնէին, մինչև անգամ դառն սերմերը օրերով շրում պահում էին, ապա եփում ուտում, իսկ գարնան կերակրում էին գլխաւորապէս վայրի բանջարեղէններով:

Օտարութիւն գնացողներից շատերը գարնանը վերադարձան հիւանդ: Խուզիտանի և Բասըայի շրջանում եղողներից ոմանք մեռան սաստիկ խօլերայից, մի մասն էլ անսովոր այդ շրջանի կլիմային, դարձան հիւանդ ու սկար, բերելով իրենց հետ մի շնչին դրամ, իրենց ընտանիքի մի քանի շարաթւայ հացը: Գիւղերում էլ եղան սովամահներ, սակայն ժողովուրդը «մի կերպ ապրեց» մինչև նոր հունձքի ձեռք գալը:

Սովի ժամանակ որոշ չափով օգնեցին գիւղատէրերը: տալիս էին «մուսադա» (նպաստ), որպէսզի առատ տարի-ներում գանձեն հողագործներից:

1918 թ. Չհարմհալում երևում է անասունների ժան-

տախտը (գոլմարգին) ոչնչացնում է անասուններին և միանգամայն քայքայում գիւղացիների տնտեսական վիճակը: Յաջորդ տարին բաւական լաւ հունձք են ունե-նում, սակայն ցորենի արժէքը ընկնում է, որի պատճա-ռով էլ խեղճ գիւղացին չի կարողանում հատուցանել սո-վի և «գոլմարգո» տարիների մնացած պարտքերը, որոնք իրենց տոկոսով օր աւուր աւելի են ծանրաբեռնում խեղճ գիւղացու ուսերը:

Չհարմհալ գաւառի ժամանակի գրագէտներից մի քա-նիսը երգեր են յօրինել սովի, ժանտախտի և իրենց կը-րած այդ օրերի տառապանքների մասին. հրատարակում ենք միայն պ. Արշալոյս Տէր-Յովհաննիսեանի շարագրա-ծը, միւսները գրեթէ նոյն բովանդակութեամբ էին և առանձին արժէք չեն ներկայացնում:

Ս Ո Վ

Հազար ինն հարիւր տասնվեց թւին
Սաստիկ հարաւծներ տիրեց մեր երկրին,
Երկինք չուէց անձրև ու քամին,
Գետինն էլ կտրեց իր բոյսն ու բարին:

Յամքեց գետեր, աղբիւրի շրեր,
Չորացաւ ցանած սերմերի բոյսեր,
Ծաղկից զրկւած մնացին սարեր:
Օ՛հ, դարձաւ մոխիր մարգեր, արօտներ:

Մտածում ենք վատ հետևանքը,
Նայելով դէպի Չարիս ու Ֆալաքը. (բախտի անիւ)
Տեսանք մարախին, իր արշաւանքը
Եւ ապագայէն խիստ հալածանքը:

Նրա բազմութեամբ օդը բռնւեց,
սար ու ձոր համայն, դաշտը ծածկւեց,

Որտեղ սր նստեց՝ էլ չը շարժեց,
Մինչ բոլոր բերքից գետինը մաքրեց:

Մարդուն տեսնելիս դաշտում կամ հանդում,
Անվախ, աներկիւղ վրայ են թափւում,
Բաց տեղը մարմնի արագ կծոտում,
Հացը սեղանից խլում են ուտում:

Օհ, այդ տեսնելիս՝ սարսափ է տիրում.
Խեղճ մարդը անբախտ օրերն է սզում,
Թէ ի՞նչ պիտ տեսնէ իր թշուա կեանքում:
Աշխարհ տակն ու վրայ, կամ իրարանցում:

Իսպառ չքացաւ ուտելու պաշար,
Չենեցին եզ, կով, ոչխար շարիշար,
Հարուստներ ընկան աղքատների շար:
Աւելի դառն, սաստիկ շարաշար:

Մարդիկ շարժեցին յերկրէ ի յերկիր,
Հաց որոնելու եղան ուխտագիր,
Շատեր գնացին դէպի Գեարմասիր.
Օհ, որքան կորան առանց վերնագիր:

Ի՞նչ պիտի անէ տնանկ եղածը,
Որ վերջացրել է իր ունեցածը,
Չի կարող գործել ձեռքի եկածը,
Մուրալ կամաչի, կըսկսի լացը:

Սովը սաստկացաւ ահռելի կերպով,
Պաւար ցորենը ծախւեց այս գնով,
Ահա մի հարիւր վաթսուն թումանով.
Այն էլ չէր ճարւում ոչ մի տեղ լտրով:
էլ հաց չմտաւ շատերի բերան,
Քանի ամիսներ միայն խոտ կերան,
Ոմանք վհատւած ու թափառական,
Ծանր ցաւերով իջան գերեզման:

Պարոն Արշալոյս Տէր-Յովհաննիսեանի գեղարեստը:— Սույն առիճը նկարել է 1925 թ.
շրջանում, որին աշտարակի բնակիչները հարգանքով անվանում են Պարոն Արշալոյս:
Չնայած որ պ. Արշալոյսը կանոնադր չէր, սակայն յայտնի է իր նկարներով, արհեստով և տրեւտով:
Ա. քահ.



Սովը վերջացաւ, մահը չքացաւ,
Բերքը շատացաւ, կեանքը զօրացաւ,
Չարը հեռացաւ սէրը բազմացաւ,
Նեղութիւնն անցաւ, լայնը մօտեցաւ»:

Մի խումբ չհարմհալցի գիտակից երիտասարդներ,
որոնց գլխաւորում էին՝ պ. Մ. Տէր-Սարգսեանը, պ. Ար-
շալոյս Տէր-Յովհաննիսեանը և պ. Ծատուր Սարգսեանը
նման ցաւալի երկոյթների առաջն առնելու համար 1919
թ. կոչ են ուղղում գաւառի բոլոր գիւղերին՝ գաւառի ա-
նունով կազմելու մի համայնական վարչութիւն

Ահա այդ կոչը.

«..... գիւղի Արժանապատիւ քահանաներին,
Մեծապատիւ Քեալանթարներին և
Յարգելի հասարակութեան

Մենք, տեսնելով ու զգալով, թէ քաղաք և թէ գա-
ւառի ամեն տեղ տեսակ-տեսակ կարգեր ու կանոններ
կան, թէ իրենց պաշտպանութեան և թէ բոլոր ազգային
խնդիրների վերաբերեալ գործերի համար: Եւ ինկատի ու-
նենալով այն հանգամանքը, որ միայն Չհարմհալն է, որ
աննախանձելի դրութեան մէջ է գտնուում. ամենայն մա-
սամբ, թող մի փոքր սթափւենք և իմանանք թէ մարդ-
կային սերնդի մէջ մենք ո՞ր աստիճանի ենք ընկած և
ի՞նչ նողկալի դրութեան մէջ ենք:

Այն, ինչ որ մարդկայն մտքերից վեր է և մեր ձեռ-
քը չի հասնի՝ այն ոչինչ, թող գոնեայ մեր ձեռքի եկածն
անենք: Ահա թէ ինչ է ցոյց տալիս մեր ցանկութիւնը:

Մեր նպատակն այն է, որ կազմւի մի միութիւն
ամբողջ Չհարմհալում և նոյն միութիւնը գործի ազգա-
յին՝ հարկ եղած դէպքերում: Իհարկէ իբր ուժերի ներածին
չափ և ըստ արժանեացն:

Ա. — Դիմում անել այն ժամանակ, երբ մարդիկ նեղ

վիճակի մէջ են գտնուում և սովամահ լինում:

Բ. — Հող տանել եկեղեցական հաշիւներին:

Գ. — Աշխատել որ Չհարմհալի դպրոցները փակ չմնան:

Դ. — Մտածել բժշկի մասին և այլն»:

Սոյն դիմումը մնաց անհետեանք և երազ Չհարմհալի
ժողովրդրի համար. երբէք «Համայնական վարչութիւնը»
չկազմւեց շնորհիւ գաւառացիների անհամբարաշխութեան:

ԲՆՈՒԹԵԱՆ ԵՐԵՒՈՅԹՆԵՐ

Լուսինը տղա է, նա չէ վախնում, շրջում է գիշե-
րը. իսկ արևը աղջիկ է, մօր տւած մի բռու ասեղներով
ծակում է իրեն նայողի աչքերը, ասում է Չ. Գ. Հայ ժո-
ղովուրդը: Արևի կամ լուսնի խաւարումները վերադրում
են «չարքեր»ին, որոնք մեծ խմբերով հաւաքւում են, դէմ
են ընկնում արևին կամ լուսնին և խանգարում լոյսը:

Լուսնի վրայի բծերը՝ դիմագիծն է ցոյց տալիս: Ա-
մեն մի «պոչ քաշող» աստղի հետ մեռնում է մի մարդ:
Գիտաւոր գողը երկնակամարում մի շարք աստղեր են:
Գիտաւոր աստղը պատերազմ է նշանակում: Կայծակ լու-
փած մարդու գաւակները վէրքեր բժշկելու գօրութիւն են
ստանում: Նրանք չախմախով ու չախմախքարով (գայլա-
խազ) կայծ են արձակում գանազան վէրքերի վրայ, ու-
րով ժամանակի ընթացքում «բժշկւում են վէրքերը»:

Երկիրը գունդ է, մի եզան պողի վրայ է հենւած,
երբ եզը յողնածութիւնից ուզում է փոխի գունդը՝ մի
պողից միւս պողը, առաջանում է երկրաշարժ:

Ա Շ Ո Ւ Ղ Ն Ե Ր Ը

ա. Առող Յարմուցողի. — Չհարմհալի Հայ աշուղներից
ամենատաղանդաւորն ու հոշակաւորն է Աշուղ Յարութիւն

օղիին (Յովհաննէս Յարութիւնեան), որը մի յատուկ տեղ է գրաւում հայ աշուղների պատմութեան մէջ:

Նա ծնւել է Չհարմհալի Ասաղաբազ գիւղում 1760 թ. Մի առ ժամանակից յետոյ ծնողների հետ անցել են Ահմադաբադ գիւղը և զբաղւել հողագործութեամբ: Չմեռային եղանակներին նա յաճախել է գիւղի խալիֆայական դպրոցը՝ ժամանակի քահանաներին աշակերտելով, սակայն որպէս մի տաղանդաւոր և աշխատասէր աշակերտ, միշտ առաջնակարգ տեղ է ունեցել իր դասընկերների մէջ: Այսքանով վերջանում է նրա դպրոցական կեանքը:

Յարութիւնը դեռ պատանի հասակից, սիրել է աշուղական արւեստը. աշակերտել է ժամանակակից վարպետների մօտ և շուտով հմտացել՝ անդիր տնելով բաւական թւով երգեր ու սօհրաթներ: Նա երազում տեսնում է Ս. Կարապետին և վճռում է գնալ ուխտի, որպէսզի աշուղական շնորհք ստանայ ու այդպէս էլ անում է: Նախ գնում է Ս. Էջմիածին, ապա Ս. Կարապետ, որտեղ կատարւում է իր փափագը և կրկին երազում Ս. Կարապետը մի բեռ կորեկ տալիս, որ շալակած բարձրանայ սարը: Թէ ինչքան է տեղում նրա Ս. Էջմիածին և Ս. Կարապետ գնալն ու վերադարձը՝ յայտնի չէ, միայն ծերունիների պատմութեան համաձայն, այսքանը գիտենք, որ նա Ահմադաբազից մեկնում է աշնան կէսերին և վերադառնում է գարնան վերջերին, իր հետ բերելով սաղաֆէ խաչեր, որոնք նւէր է տալիս իր ազգականներին ու բարեկամներին: Այնուհետև շարունակում է իր արւեստը, ձեռք առնում շունգուրը, Երգեր է յօրինում և սկսում է շրջել գիւղից-գիւղ, քաղաքից-քաղաք և դաւառից-դաւառ: Նա մրցում է շատ աշուղների հետ և միշտ յաղթող հանդիսանում: Մրցել է նաև սանգիրարանցի տաղանդաւոր երգիչ - քահանայ՝ Տէր-Կարապետ Օհանեանի հետ և մրցանակը շահել, սակայն զղջացել է իր կռպիտ պատասխան-

ների համար և ներողութիւն խնդրել - «Ոչալաթում վար իւզնդան» խօսքերով, քանի որ նա՝ Տէր-Կարապետը քահանայ էր:

Նա ունի մի դաֆթար, որի մէջ նա հաւաքել ու պահել է իր երգերը, թէ հայերէն և թէ թուրքերէն: Այս տետրակը այժմ գտնւում է նրա թոռ՝ Յարութիւն Աշուղեանի մօտ¹⁾, Մամուքա գիւղում: Նրա երգերից յայտնւում է, որ ծանօթ է եղել պարսից բանաստեղծների գործերին՝ Սաադիի, Հաֆեզի, Ֆէրուզի և ուրիշների:

Յարթուն օղիին ապրել է 80 տարի և վախճանւել է Մամուքա գիւղում: Մահւանից առաջ նա գգում է, որ մահը մօտենում է, կանչում է իր եղբայրներին և հարազատներին, ձեռք է առնում շունգուրը, նւագում է և երգելով իր վերջին օրհնութիւնը տալիս իր հարազատներին, որից յետոյ կնքում է իր մահկանացուն: Նրա գերեզմանը Մամուքա գիւղի հին հանգստարանի արեւմտեան կողմում է, որի վրայ դրւած է մի անտաշ տապանաքար:

բ. Աւուղ Ալլահվերդի. - Ծնւել է Չհարմհալի Լիվասիան գիւղում 1820 թ.: Գրել-կարդալ սովորել է իրենց գիւղի քահանայի մօտ և աշակերտել ժամանակի յայտնի աշուղ Յարութուն օղլու մօտ. սովորում է աշուղական արւեստը: Գնում է Ս. Կարապետ ուխտի, որ իր մուրագին հասնի. վերադառնում է հայրենի գիւղը և ամուսնանում:

Աշուղական արւեստով նա շրջում է գանազան քաղաքներ, գնում է մինչև կովկաս, Բաղդադ, Բասրա և այլ տեղեր ու կրկին վերադառնում է: Աշուղը ակնատես է լինում 1866 թ. երկրաշարժին, 1880 թ. թանգութեան և երգի նիւթ դարձնում այդ զէպքերը, որոնք կան իր երգերի շարքում:

1) 1946 թ. հրատարակեց պ. Կարօ Աշուղեանը իր ծախսով:

Վախճանում է 90-ական թվականներին, մարմինն ամփոփւած է Վերին-Քոնարք գիւղի հանգստարանում:

Նա ունի մի դաֆթար գրւած իր ձեռագրով, բաղկացած է 36 քառածաւալ թղթից և պարունակում է 38 հայերէն երգեր և 21 թուրքերէն:

Այս դաֆթարը գտնւում է բանասէր պր. Ա. Երեմեանի մօտ: (Տես պ. Ա. Երեմեանի «Պարսկահայ նորագոյն աշուղներ» էջ 27):

գ. Առող Աւետի Գորգանցեան.— Ծնւել է 1860-ական թվականներին Փերիա գաւառում: Երիտասարդ տարիքում նա իր ընտանիքը փոխադրում է Չհարմհալի Հաշիբբադ գիւղը և գրազում հողագործութեամբ: Աշուղական արւեստը սովորել է այս ու այն ժամանակակից վարպետների մօտ: 1913 թ. աշնանը երեք հոգի իր համագիւղացիների հետ ճանապարհւում է Ս. Կարապետ ուխտի. նախ գնում են Ս. Էջմիածին, ընկերներից երկուսը վերադառնում են այնտեղից, ինքն ու միւս ընկերը՝ Յակոբ Ամբարչեանը (յետագայում Եսայի վարդապետ) գրնում են Ս. Կարապետ և Ս. Երուսաղեմ: Աշուղ Աւետիքը մի կարճ ժամանակ մնում է այնտեղ, ուր և կնքում է իր մահկանացուն:

Նա գուրկ էր կրթութիւնից, բայց գիտէր բաւական թւով հայերէն և թուրքերէն երգեր ու պատմութիւններ (սօհրաթներ): Հմուտ նւագող էր որով և ուրախացնում էր իր շրջապատողներին և ունկնդիրներին:

դ. Առող Մասքէոս Նորաւեան.— Ծնւել է Չհարմհալ գաւառի Լիվասիան գիւղում 1875 թ.: Պատանի հասակից նա իր գւարճախօսութիւններով ուրախացնում է գիւղի խնջոյքներն ու հանդէսները, հաջող ձայնով երգում է հայերէն ու թուրքերէն երգեր: Ապա ուշադրութիւն է դարձնում շունդուր սովորելուն, ժամանակի այս

կամ այն վարպետների մօտ վարժւում է նւագելու արւեստը. թէև բոլորովին անդրադէտ, բայց տաղանդաւոր մի երգիչ է դառնում: Քսան տարեկան հասակից մինչև մահը նա անբաժան է մնում իր սագից և շրջում է գանազան գաւառներ ու քաղաքներ, ինչպէս նաև Բախտիարի, Ղաշղայի, Լարիքի, Բօյրահմադի և այլ վրանաբնակ ցեղերի մէջ մի խօսքով շրջում է գրեթէ ամբողջ Պարսկաստանը և ամեն տեղ իր սագով ու երգով ուրախացրել է:

Աշուղ Մատթէոսը առաջին կնոջից ունեցաւ միայն մի արու գաւակ:

Ահա թէ ինչ էի գրել նրա մահւան պատճառով «Ալիք» օրաթերթում, 9 մարտ 1945 թ.:

ԱՇՈՒՂ Մ. ՆՈՐԱՎԵԱՆ

1944 թ. Սեպտ. 7-ին իր մահկանացուն կնքեց Չհարմհալի վերջին աշուղ Մատթէոս Նորաւեանը, իր ծնընդավայր՝ Լիվասիան գիւղում:

Հանգուցեալը միանգամայն գուրկ էր կրթութիւնից, սակայն բնատուր տաղանդի շնորհիւ՝ անգիր գիտէր բաւական թւով երգեր, հէքիաթներ կամ սօհրաթներ. «Քեօր օղլի», «Թհար-Միրզա», «Բայեթ-Միրզա», «Աշուղ-Ղարիբ», «Շեհրի-Մեհրի», «Արաբ-ուզանգի» և այլն: Լեզուն սահուն էր և իր ազդեցիկ եղանակի պատճառով էլ, որ «մէջլիսում» աշուղ Մատթէոսը «սօհրաթ էր ասում», ամբողջ հանդիսականները լարւած ուշադրութեամբ էին լսում քաղցրահնչիւն շունդուրի և երգի միախառն ելեւէջները:

Ամբողջ 50 տարի շարունակ հանգուցեայն իր անբաժան սագով շրջել է գիւղից գիւղ, քաղաքից քաղաք, նոյնիսկ Բախտիարի, Բօէյրահմադի, Ղաշղայի և այլ ցեղերի մէջ ու ամեն տեղ գւարճացրել իր «սօհրաթներով», Խորթութիւն ու խտրութիւն չկար նրա հոգում, որ տու-

նը որ մտնէր, թէ հայի, թէ պարսիկի և թէ այլ ցեղի, միևնոյնն էր իր համար, բոլորին հարազատ, բոլորին սիրելի:

Աշուղը միշտ զգում էր իր մէջ մի պակաս, այն է՝ կրթութիւնից միանգամայն գուրկ լինելը և նոյնիսկ գըրել-կարդալ չգիտնալը. այս պատճառով էլ վճռում է իր սուղ միջոցներով, ամեն ջանք գործ դնել ու իր մինուճար գաւակին կրթել քաղաքի դպրոցում և հէնց փոքր հասակից նրան տանում է Նոր-Ջուղա և դպրոց տալիս: Միսթարական այն է, իր կենդանութեան օրով, աչքը բաց, տեսաւ որդուն դպրոցն աւարտած ու գործի մտած:

Հանգուցեալը իր մահւան ժամանակ կտակել է, իր ընկեր սազը հէնց իր հայրենի տան պատին կախած թողնել մինչև իր որդին օտարութիւնից վերադառնայ եւ իր ձեռքով պատից իջեցնէ:

Հանգիստ իր աճուսին:

Ա. Եղգարեան

ԹԱՏՐՈՍ ԵՒ ԵՐԱԺՇՏՈՒԹԻՒՆ

Չհարմհալում առաջին անգամ 1905 թ. Լիվաթիան գիւղի նշանաւոր ուսուցիչ՝ Սարգիս Յովհաննիսեանը և ուսուցչուհի՝ օր. Սաչխաթուն էլիազեանը կազմակերպում են մի ներկայացում. դժբախտաբար ժամանակի աշակերտները, որոնք մասնակցել են այդ ներկայացմանը, շեն յիշում թէ ինչ անուան էր կրում այդ, միայն այսքանն են պատմում թէ բեմը ներկայացնում էր մի լեռան ստորոտ, որտեղից բխում էր մի աղբիւր և այդ աղբիւրի մօտ նստած հայ օրիորդը երգում էր «Պարզիւր աղբիւր, խանի տղին ջուր տանեմ»:

Մրանից յետոյ միւս գիւղերն էլ հետևում են սրանց օրինակին և ամեն տարի ներկայացումներ կազմակեր-

պում: Հետզհետէ սիրող-ուհիների թիւը աւելանում է Չհարմհալում և յաճախակի թատրոններ ունենում,

Երաժշտական արւեստը մուտք չի գործել Չհարմհալում. ոչ մի ձայնագրագէտ չի եղել գաւառում, ամբողջ երգիչները մէկը միւսից սովորել է բերանացի. ոչ հայկական նոտաներ (խաղեր) և ոչ էլ եւրոպական նոտաներ: Հոգևոր երգերն էլ եկեղեցիներում երգում էին շարականի վրայ առանց ձայնանիշները ճանաչելու:

Երաժշտական գործիքներից գործածական են՝ դհօլ, գուռնան, շուսդուրը, հաֆարանդը (սրինգ) և թմբուկը:

ԺՈՂՈՎՐԳԱԿԱՆ ԲԱՆԱՀԻՍՈՒԹԻՒՆ

Չհարմհալ գաւառի հայ ժողովրդի մէջ այնքան էլ զարգացած չէ ժողովրդական բանահիւստութիւնը. պատճառը պարզ է, որ դարեր շարունակ կտրւած հայրենի հողից ապրել է մի մռայլ կեանք և որը հնարաւորութիւն չի տւել նրան օտար, հորիզոնների տակ իր մշակոյթով, մանաւանդ բանահիւստութեամբ զբաղելու:

Ունենք փշրանքներ, որոնք հրատարակում ենք ստորև:

Ա Ո Ւ Ա Ծ Ն Ե Ր

Յինչուզ շուշանը զարդարելի, ժամերը կտրձակելի.

Կատւի խաղը՝ մկան մահը.

Կուժ քի ասեմ՝ փարչ դու լսէ.

Ես տղա, դու աղա, բա մեր աղունը ո՞վ աղա.

Պարաքը տալով, մեղքը լալով.

Ծուռ կանգրե, շիտակ խօսա (շիտակ գիվան արա).

Թան չէ, թացան չէ, ամեն մարդու բան չէ.

Գողը գողից գողացաւ, Աստուած վերեւ գարմացաւ.

Պառաւը մեռաւ՝ տեղս լէնացաւ.

Ես եմ ջաղացից զալիս, դու ես ասում փաստա չկայ.

Էշ հեծնելը մէ անում ունի, ցած գալը՝ երկու.

Շատ դատողին շալ շարիկ, քիչ դատողին գառ շարիկ.
Կուս քահանայ, տուն սատանայ.
Յինչուզ երեխէն չլայ, մէրը ծիծ չի տայ.
Յիրուշի հացով փոր չի կշտանայ.
Կերթայ սրի եարէն, չի երթայ լեզւի եարէն.
Օնչով իր թանին թթու չի ասի.
Աստու պահած գառը դելը չի տանի.
Օձի խածածը ալա չւանից կը վախենայ.
Ասուած թէ ազոբւին լսի, վարթիվորին ձուն կուզայ.
Օձը դաղցից կը փախչի, դաղձը օձի բնի առաջ կըբուսնի.
Շիտակ խօսողի գտակը ծակ է.
Եզը վեր ընգաւ՝ դանակաւորը շատացաւ.
Զին ու ջորին կուեցին՝ էշը մէջտեղից գնաց.
Ծուռն ախոսը մենձ եզից է.
Աղւէսը բնի առջևը թոզ կանի.
Լաւ է ասեն գէշ, քան թէ ասեն էշ.
Մի ձեռը ծափ չի տայ.
Երես տաս, աստառ էլ կուզի.
Գանակը օսկոռին է հասի.
Անտէրի տէրն Ասուած է.
Կակուղ լեզուն օձը բնից կը հանի.
Ամեն ամպ գոռալուն՝ անձրև չի գայ.
Գիժը մէ քար գձեց հորը, հարուր խեյօք չկարացան հանէին.
Կրակին բզբզգես մուխը կը շատանայ.
Էշն ինչ գիտի մուշկն ինչ է.
Սևին սապոնն ինչ կօնի, խևին խրատը.
Էծն իրա մկըկալով գարուն կը հասնի.
Ուրաքն իրա կոթը չի տաշի.
Եզն իրա համար քիսին չի վարի.
Քեզի մէ ասեղ տուր՝ դրկիցիդ մէ մախաթ.
Ամեն մարդ կրակն իր բաղջի տակն է քաշում.
Աղւըսի դունչը հաղողին չհասաւ՝ ասաւ նառաս է.

Տէրտէրն համիշա ձէթով գաթա չի ուտի.
Կովը մեռաւ, խաբը վերջացաւ.
Քամու բերածը՝ քամին կը տանի.
Եքքա քարով նշանին չես կարա տայ.
Մէ ձեռքով երկու ձմերուկ չես կարա բոնես.
Ըխտի խաղը կարմնջին գուքայ.
Հօր ուշուկը տղի հմար օխնանք է.
Արած լաւութունը չի կորչի.
Պաշը տէրը կը գորաւորի.
Մանեն ման արած, պատին կախ արած.
Ճրագն իրա տակը լուս չի տայ.
Հացը տնիցը վեր կալ՝ հնգերդ գեշից.
Գեառոտ էժը վիբի աղբրից ջուր կը լսմի.
Կտըւած հացը էլ իրար չի կպչի.
Գարտակ կարասը մենձ ձէն կը հանի.
Տան տիրոջն օրշնեա տէր չկայ.
Յինչուկ չգայ յեղինը, չի յիշւի յառչինը.
Տէրդ մեռնի քաղցած գէլ, էշն էլ կերար՝ քուռակն էլ.
Ծուռը բեռը մանդգիլ չի հասնի.
Մեծ քարը չափելու նշան է.
Լաւութիւն արա՝ քցի ծովը,
ծովը չիմանայ՝ Ասուած կը հասկանայ.
Որդին էրթայ՝ հէրը հետը, դազը էրթայ տէրը հետը.
Քեզի կը տանեմ ծովը՝ ծարաւ յետ կը բերամ:

Օ Ր Հ Ն Ա Ն Ք Ն Ե Ր

Ասուած քեզի շատ պահի: Ասուած քեզի դայիմ ձեռով պահի: Ասուած քեզի երգար ումբր տայ: Շատ ապրես: Մլես, ծաղկես: Զօրանաս, ծնունդդ օխնած: Ասուած քեզի օշնի: Օշնւես դու: Զեռդ համիշայ լիքն ըլնի:

Աստուած քեզի զւաթ տայ: Ձեռդ դալար մնայ: Օղորմի
հորդ: Օղորմի մօրդ: Հացդ տաք ըլնի: Չուրդ՝ սառը: Լաւ
դովրան ունենաս: Մենձ անուժի տիրանաս: Աստուած քու
հախկը տայ: Ուժքդ շատ ըլնի: Ինչ անեմ չուեննաս:

Կանայք իրարու.— Յաճկի լուսով ապրես: Շէն կենաս:
Ախպրտանքդ ապրեն: Խէր տեսնես: Ազիզդ ապրի: Բա-
րով կապես խիզանիդ կարմիր-կանանչը: Քի բարի հօքի:
Յեզիդ օրը խէր ըլնի: Վողդ քարի շառնի: Ծախկած տուն
ըլնես: Բագ ու դուռը լիքն ըլնի: Օնչուժ մուխտաջ չըլ-
նես: Աստուած խիզանիդ շատ պահի: Տէրդ գլխիդ ըլնի:

Ան պսակներին.— Բարով կապեն կարմիրդ: Թագ ու
պսակի արժանանաս: Օխտը տղի հէր ըլնես: Վաղ օր չը
տեսնես: Աջ երթաս՝ աջի, ձախ երթաս՝ աջի: Աստուած
քու մաթլաքը տայ: Աստուած օշնութիւնը քու վրայ ըլնի:
Լաւ դովրան ունենաս: Ծախկած ծառ ըլնես:

Երեխաներին (փաղաքշական).— Չանիդ մեռնեմ:
Չուրբանդ երթամ: Գլխովդ ման գամ: Բօյիդ զուրբան:
Ազիզ գառս: Դարդդ տանեմ: Անուժիդ մեռնեմ: Աչքերիդ
մեռնեմ: Վողիդ տակը մեռնեմ: Սաղազդ էրթամ: Յաճկիս
լուսը: Սրգիս լալա: Ղադէդ ու բալէդ առնեմ: սրտիս
ճրագ:

Ա Ն Է Մ Ք Ն Ե Ր
(Տղամարդիկ)

Խէր շտեսնես դու: Անթճես: Ոչ խէր ու խօշի քա-
շես: Աչքդ դուս գայ: Դարդ ու բալէս բզիդ: Ղադաբալէս
ծծիդ: Աստուած քու ջուղաքը տայ: Անասուն: Չանդ դուս
գայ: Հացդ հարամ ըլնի: Լեղի ուտես: Գետինը մտնես:
Հայւան: Իշու կտոր: Իշու գլուխ: Հացդ ջէյրանի կըռնակ
ըլնի: Յէդ էդնէն չհասնես: Բօյդ գետինը մտնի: Իշու քու-
ռակ: Շան լակոտ: Շան բերած: Լակոտ հարամ գաղայ: Տաւար

աւանակ: Շան ցնգնած: յաճկը քօռանայ: Սաղ-սաղ թա-
ղեմ: Շան թուլա:

Կանայք միմեանց.— Յաճկը քօռանայ: Լաչիկը սև
կարւի: Լաչիկը քամուն տանի: Սև լաչիկ դցես: Սև գայ
գլխիդ: Ծամդ ու մազդ կտրւի: Յայգնդի երես շտեսնես:
Յաճկը բնից դուս գայ: Պիպիկը քօռանայ: Մուր ու լեղի
ուտես: Յաւ ուտես: Գունդուրմա դարդ հանես: Գուղուն
դարդ հանես: Յաւով մեռնես: Անուժ քարին գրւի: Գու-
բեգօր ըլնես: Գեղին դանակ ուտես: Կարմիր դուլուլ ու-
տես: Խէր ու խօշի չքաշես: Ծամդ խուզեմ: Նամակաւոր
դարիքիդ երեսը շտեսնես:

Աղջիկներն իրարու.— Քօղդ սև կարւի: Պսակդ սև
ըլնի: Պամքրիդ քամուն տանի: Անանուժ: Մազք կտրւի:
Սև գայ գլխիդ: Մազդ խուզւի: Պլուկես դու: Լոճկես դու:

Ե Ր Գ Ո Ւ Մ Ն Ե Ր
(Տղամարդիկ)

Աստուած վկայ: Խիզանիս յարեք: Տէրտէրի օծումը:
Տէրտէրի կարքը: Իմ յարե: Սուրբ ժամը: Գառ պատա-
րագը: Ճշմարիտ: Քու յարե: Աստուան ալեան է: Սուրբ
խաչը: Էս շում ու դարիբը: Էն քրիստոսը: Ս. խաչը
վկայ: Տէրտէրի կարգը վկայ: Վալլա:

Կանայք.— Իրա յարե: Տղիս յարե: Էս տաճար թուն-
դիրը վկայ: Հացան հրեշտակը վկայ: Գառնեբուս յարե:
Մէր Մայրաժը վկայ: Քրիստոսը: Վիրկիս Աստուածը: Սուրբ
մասը: Սուքը Օվանէսը: Էն խաչը: Սուրբ Կարապետը:
Էն ժամը: Սուրբ յեգեղեցին: Սուրբ աւետարանը: Տէր-
տէրի ձեռքի կարքը: Ս. գանգաձէնը: Աստու յարե: Ախ-
պօյս յարե: Յինչուք լուս չքաշեմ: Խէր շտեսնեմ ազեր
սուտ ասեմ: Քօռանամ ազէր սուտ ասեմ:

Հ Ա Ն Ե Լ Ո Ի Կ Ն Ե Ր

Յերգան ազիք, ծերը ծագիկ. — Ազուհացի եօթն շաբաթ-
աայ պասը և Ջատիկ, կամ ճրագի պատրոյգը, որի ծայրը
վառուում է:

Երկու ախպէր էն սարի յէդե իրար չեն տեսնում. — Արև:
Օրը բեմ գուլայ, ձեռ շտաս՝ չիլայ. — Սազ:

Յերգո՛քից վեր ընգնի չի կոտրւի, ջուրն ընգնի կը
կոտրւի. — Թուղթ և ձիւնը:

Օխտն օր դատեմ, մէկ օր ուտեմ — Կիրակի:

Անջուր չաղաց, անկրակ բաղաջ. — Մեղր:

Յինչուզ յիրիգուն հողի հետ խաղիս է, քշերը տանը
օսկու պէս փայլում է. — Խոփ:

Հինգ ախպէր տուն շինեցին, ախէրը անծածկ թողե-
ցին. — Ճաղեր ու գուլպա:

Ալ եզնիք, պալ եզնիք, կանգրած պաշարած եզնիք. —
Պատ:

Մութը մարաք՝ լիքը տաշեղ. — Բերան և ատամներ:
Ունդուլ է, մունդուլ է, ջուլտ յանգաջը կունդուլ է,

համ գիլ է, համ թուլ է. Գորտ:
Էլին էլին, դրին սէլին, տարան-բերին, յարունը
գեղը բաժանեցին, օսկոռը տունը թաղեցին. Խնոցի:

Ձխկի-չխկի մկրատ եմ, յամեն ինչու հասրաթ եմ. —
Գրամ:

Իստի պուպուզ, խնդի պուպուզ, քեայանթարի յառ-
չը պուպուզ. — Գլխան, դալխան:

Էն ինչն է որ ամէն բանի պէտք է. — Անուն:

Չորս ախպէր են, ինչ վագում են իրար ետևից չեն
հասնում. — Ջրհորի անիւր:

Քեզի զրկեմ կունդուլ մսէ քարի, օխտը ծակ վրէն
շարի, մահնին գտիր ու ետ արի. — Գլուխ:

Չորսը հողին, ութը կողին, երկու բզիչ, մէկ աքմ-
ալմբիչ. — Շունը:

Էն ինչն է աշխարք բլշի վրէն չի կոտրւի, երկու
սարի մէջ ընկնի կը կոտրւի. — Ոջիլ:

Կապոյտ խալին փռած է, ոսկին վրէն շաբած է. —
Երկինք և աստղեր:

Պատի կճուճ, համով ապուր. — Ընկոյգ:
Կաշին քանդես էրծաթէ, էրծթի մէջ օսկի է. — Չու:

Բոյոր, բոյոր մէջը ծակ, էշ ես՝ թէ շասես գտակ. —
Գլխարկ:

Ե Ր Գ Ե Ր

Մէ տղայ ունեմ նազ անի,	Ախչիգս
Մօնթերու ճալւեր ունի,	Ախչիգս ախչա ունի,
Տէրտէրի քաքուլ ունի,	Համամի բօխչա ունի,
Թեւլ-թեւ քամուն շտանի:	Ջառով սանդուղչա ունի,
	Մայթու գնայ՝ տուն ունի:

ԳՕԼԱ ԵՄ

Գօլս եմ գօլգօլս ես,	Համամ գնացած ախչիկ,
Նօղլամանիս զուլարն ես,	Փայ ու բաժինքով ախչիկ,
Եաղութիս փշրանքն ես,	Վօղներդ վլացած ախչիկ,
Ալմագիս գլխանքն ես,	Ջուրար ջհագով ախչիկ:
Սովգագեարիս ձաքն ես,	
Ղալամքարիս թագն ես,	Ովսանա
Գու իմ սիրուն տղէն ես,	Ովսանա ջան, Ովսանա,
Գու իմ օսկէ ջղլէն ես:	Յուրախ գաղիկ լուսանայ,
	Հէրդ գայ Հնդստանա,
	Բեռներ բերի՝ քաթան ա:

ԴԱՆ ԱՐԱ

Դան արա, գանդան արա,	Ախպէր, ախպէր ջան ախպէր,
Ղօչ գառը քի մատաղ արա,	Մէջկ գօլստան ախպէր,
Օսկոռը քի սայեա արա,	Կապա կարեմ՝ կարճ գուքայ,
Մէջը նստէ գիւան արա:	Գուզմա շարեմ՝ խաչ գուքայ,

Կարմիր կովանդ ի՞նչ արիւր,
Մասի տակը դու՛մ արիւր,
Շերեփ-շերեփ կթեցինք,
Գդալ-գդալ բամենցինք,
Յամմեն ծառին մին փշատ
Իմ ախարտանց ու՛մ բրը շատ:

Ազիգ, ազիգ

Ազիգ, ազիգ, տուն արի,
Չաքմէքդ շարւադարի
Ղայլանդ շաղ արի,
Թանրաքուդ վարթի արի
Ջուրդ գօլաբի արի,
Կթակդ դանդի արի,
Տուն արի ազիգ, տուն արի:

Վիբել ընենք կսուրք

Վերե ըլնենք կտուրք, տեսնեք
Վով է գալիս, վով է գալիս,
Յիրեք ձիաւոր է գալիս,
Վո՞յն է սիրուն, վո՞յն է
սիրուն,
- Նարինջ ձիաւորն է սիրուն,
Վո՞յն է սիրուն, վո՞յն է
սիրուն,
- Ճերմագ գդակուորն է սիրուն,
Վո՞յն է սիրուն, վո՞յն է
սիրուն,
- Կանաչ կապաւորն է սիրուն,

Ախպօրս հաւենիք

Ախպօրս հաշնիք սագով է,
Հայսին բերինք՝ նագով է,

Հայսի նագը քաշեցինք,
Գլխին թրմա քաշեցինք:

Կսուր-կսուր վարեցինք

Կտուր-կտուր վարեցինք,
Մէ սիրուն ախշիկ ճարեցինք
Գնացինք, տեսանք քնած էր,
Վայթն երեսին փռած էր,
Գաթէն ծոցը փխլած էր,
Նուրը ջերը փնջնած էր,
Խնձորը ձեռը խածած էր,
Աբէրը՛մ խալին փռած էր,
Ախշիգը վրէն նստած էր,
Օսկէ ջամը կոռած էր,
Էրծթէ նուներ շարած էր,
Ախշիկը թուխ էր կծեցինք,
Խնձորը փուխ էր կծեցինք:

Ես ախշիկ եմ քել եմ մանում
Ես ախշիկ եմ թել եմ մանում
Յուշ ու միտքս քեզ եմ
անում,

Պատիկ տղայ, մի նեղանայ,
էդ հանաքին չեմ դիմանայ:

Լուսացաւ

Լուսացաւ, լուսն է բարի,
Սեղան տարանք սուրբ
Նագարին,
Ղուրբան իմ ախպօր
բազարին:

Հարաւի քամուն

Հարաֆի քամուն գալիս է,
Ջուրտ դոնամէջ տալիս է,
Խանու՛մ խաթուն դուռը բաց,
Վարթան խանդ գալիս է:

Չառով կապէն

Չառով կապէն հաքել ես:
Թրմա շալը կապել ես,
Չաղցի կտուր կանգնել ես,
Սիրուն եարիդ մաշել ես:

Ես Եղնագարն եմ,
Գուքան բազարն եմ,
Գիւլ լալագարն եմ,
Սրբուհի հէյրան,
Ալագեօզ ջէյրան,
Առնում ես ասա,
Չես առնում ասա:

Ես Եղնագարն եմ,
Հօրդ աղաշ՝ եմ,
Աղբօրդ համեաշն եմ,
Մօրդ դարդաշն եմ,

Ախշի հանաք ես անում,
Սիրտս էլ չի դիմանում,
Ինչքան տանջես հերիք է,
Ինչ ես խելահան անում:

Գետի ջուրը լամ տալէն
Երկու խնձոր ծափ տալէն,
Կարմիր կովը մսացու,
Կանաչ խառէն քիսայու,

Ես քու նանին հաշնացու,
Գու իմ նանին փեսացու:

Ես ախշիկ եմ նագան եմ,
Կը նշանւեմ սուլթան ու
խան եմ,

Եփ պսակւեմ՝ քօռ տրիժան եմ:

Քամուն գալիս հով ու հալին,
Նանը դուրբան էրնած կալին,
Չեռիդ մանգաղ կապուտ
բիստի,

Ղովդէն ձեռդ արի խտի:

Տղէս մեծըցաւ

Տղէս մեծըցաւ,
Իրան ճանչցաւ,
Խելքը բոլորեց

Առաւօտ լուսացաւ,
Տղէս վերկացաւ,
Նստեց, վլացեց,
Քաքուլը սանգրեց:
Աստծուն զոհացաւ
Վագեց ժամադուռ,
Հաքաւ գառ շաբիկ,
Կտնդնեց դէմ տաճար,
Քաղցր ձէնովը՝
Երգեց շարական:

Մէ տղիս տէր-տէր շինեմ,
Մէգիս վայթապետ կըշինեմ,

Այա մողին,
Չաթուն պողին,
Խիզանս կերան խորխոզին,
. . . . լոտի բողզին*):

Ա Ղ Օ Ք Ք Ն Ե Ր

(Եկեղեցու զանգակների ձայնը լսելիս)

Օրհնեալ է Աստուած, որհնեալ է սուրբ գանգաձէնք:
Երզրբպագանեմ լուս գերեզմանին
Քրիստոս եկաւ վեք աշխարհ, աւերեց զժոխք, շինեց զբախտ,
Կաթնով ախպուր, քարէ տաճար,
Ես ունեմ Աստծուն վճար,
Աստուած անի իմ հոգուն ճար.
Մեղա՛, մեղա՛յ, հազար մեղայ:

Ես սուրբ կուս Մէր Մայրամ Աստուածածին.
Ուրախ սրտով փափագ գամ,
Պարգերես ջաղար տամ,
Տէր մեր Յիսուս Քրիստոս, ամեն:

Կամ

Ես սուրբ գանգնձէն, քու ձէնը հասնի Աստծուն,
Աստծու լուս օղորմութունը գայ յերգիր աշխարհի վրայ,
Օրհնեալ է Աստուած:

*) Վերջինիս համար պատմում են թէ չհարմհալի մի հայԱւ. Շանդեանը գողանում է լոտի երինջ կովը, մորթում ու տալիս երեխաները ուտում են: Լոտը գտնում է զոգ հային, բայց հայն ուրանում է և ասում. — «Եթէ կուզես մեր ժամով երզում կուտամ, որ քո կովը ես չեմ գողացի»: Նա էլ հաւանութիւն է տալիս: Գընում են եկեղեցի, հայը ծնրաղնում է և ասում յիշեալ երզումը, Լոտը կարծում է թէ հայն իսկապէս անկեղծ է երզում, թողնում է ու հեռանում, ասելով «Քիսա բաս է»:

Քնելու ժամանակ

Ես շում ու զարիբի Աստուած,
Ես մէր Մայրամ Աստուածածին,
Աշխարհի խէր խաղաղութիւն,
Իմ մեղքերուն թողութիւն:
Չարն ինձանից հեռանայ,
Հարգից չունեմ բարութիւն,
Իմ հոքուն արքայութիւն,
Մայրամ Աստուածածին կուս Մայրամ,
Գու բարեխօս էլի քու միածին որթուն:

Առա օտեան լացելուց եւ «Հայր մեր» ասելուց յետոյ.

Բարի լուսի տուող Տէր, Քեզ ունեմ յոյս, Գու չկորցնես,
Գու աչօղում տաս իմ գործին, աշխարհի խաղաղութիւն
տաս ու իմ մեխկին թողութիւն: «Չգործս ձեռաց
մերոց ուղիղ արա» Սաղմոս:

Չար աչքի աղօթքներ

Երուսաղեմ մէ գօլ կայ

Գօլի մէջը մէ ծառ կայ,
Ծառի վրայ մէ ճուխկ կայ, ճխկի վրայ մէ բուն կայ,
Բնի մէջը մէ ձու կայ, Չւի մէջը մէ ձաք կայ
Չաքը թե առաւ թռաւ, Աստուած տեսաւ գարմացաւ.
Օրհնեալ է Տէր մեր Յիսուս Քրիստոս, ամեն:

Կամ

Աշխարումը մէ ծով կայ, ծովի մէջը մէ գօլ կայ,
Գօլի մէջը մէ ձուկ կայ, յաճկեր ունի արագի,
Մագեր ունի գրողի, օցը կթի, օցը մէրի,
Չար նիաթին չար փուշ պատի, չար աչքը տրաքի:

Կամ

Յուսին, Յուսին,
Ի սուրբ կուսին
Մայրամ գնաց,
Որդին ուսին.

Էրևած եմ,
Խորևած եմ.

Առ դանակը,
Կտրէ շար յաճկը:

Չար աչկը շար փուշ պատի, շար նիաթը տրաքի:

Ծանօթ. — «Չար յաճկի» աղօթքը պէտք է սովորեն կանայք՝ տղամարդկանցից, իսկ տղամարդիկ՝ կանանցից: Ոչ ոք չգիտէ բացատրութիւնը թէ ինչու, կամ որտեղից է այս սովորութիւնն սկսել:

(Ա. Բ.)

Աչքի հատի աղօղի

Հաւն ի թառը,
Հատն ի շուրը,
Հալի հատը,
Ընդնի շուրը:

Հաւն ի թառը,
Հատն ի շուրը,
Ընկնի աստղը
Հալի հատը:

Ծանօթ. — Մի քանի աղջիկներ հրաւիրուած են հիւանդի գլխին աղօթելու, դնում են մի աման շուր հիւանդի առջև և շրջապատում են նրան՝ մի բոցավառ ցախ ձեռք առած, աղջիկները հերթով արտասանում են վերոյիշեալ մի քանի խօսքերը և կրակը տարուբերում են հիւանդի գլխի շուրջ: Հաւատում են որ վերջին երկու խօսքերը ասելիս աչքի հատը (սպիտակ թաղանթը) ընկնում է ջրի մէջ:

Ա. ք.

Չարմահալ գաւառի գրեթէ ամեն մի գիւղ ունէր իր աղօթող կիւնը, կամ տղամարդը, որոնք շնչին վարձատրութեամբ աղօթում էին հիւանդների վրայ: Սրանք սովորում էին տղամարդը՝ կնոջից և կիւնը՝ աղօթք գիտցող տղամարդից: Հայ զբրացներ ու կախարդներ հայ գիւղերում երկու կամ երեք հոգի աւել չկային, որոնց մասին գանազան բաներ էին պատմում. օր. Լիվասիան գիւղում «Շէշանգօշտի» (վեց մատ ունեցող) Մանասէրը «Չարուով գարին վեր էր հանում պատը, նմանապէս և

որդին՝ Մկրտիչը: Մամուքցի Կարապետը կարողանում էր քարերը կուեցնել խոյի նման և այլ նման կախարդութիւններ:

«Ախտարք»ներ գոյութիւն ունէին շատ մարդկանց մօտ, մինչև անգամ հոգևորականների տներում, սակայն ամեն մարդ կախարդելու «շնորհք» չէր ստացել:

Վար ու ցանքի աղօղի

Անուսն ի Աստուան, Տէր Աստուած դու տաս բարաքաթ, տաս աճումն, որ բոլոր յերգնային թռչուններն ու յերգրային սողուններն ուտեն, բազմեն, շատընան ու էտոնց էւելնորթը մեզի, մենք ուտենք ու փառք տանք քեզի:

Անուսն ի Աստուան,

Գու տաս աջողում.

Էս մի բուռը անցվօրականին,

Էս մէկն էլ թռչուններուն,

Էս էլ աղքատներուն,

Ըլուն թռչուն, կէրէք իմ ցանքից կշտացէք:

Ու իմ ցանածին բարաքաթ տւէք:

Խ Ա Ղ Ե Ր Ո Ւ Ե Ր Գ Ե Ր

Ընտրում են երկու հոգի «Սանլար». գոյգ-գոյգ ձեռք ձեռքի ջընած «դուս» են գալիս, ափերի մէջ գաղած մի-մի փայտի, կամ քարի կտոր և դիմում են սանլարին ասելով.

— Սանլար, սանլար,

— Ով դա քի մանլար,

Վով քար, վով փէտ:

Սանլարներից մէկն ասում է քար, միւսը՝ փայտ: Նրանք ափերը բաց են անում. իւրաքանչիւր սանլար տա-

նում է իր մօտ նրան, որի ափի միջի առարկայի անու-
նըն է տւել. այսպիսով իւրաքանչիւր կողմ ընտրում է
իր մարդիկը. ապա «Ֆառ» (վիճակ) են գձում, որին որ
Ֆառն ընկաւ, նա իր ընկերներին միջից կը նշանակէ մի
«զմբա», բոլորն էլ մի ձեռքով իր հակառակ կողմի ոտքի
մատները ծայրից բռնած՝ ցատկելով պիտի յաղթեն դի-
մացիներին և ճանապարհ բանան որ դմբէն գնայ հասնէ
նշանակած կէտին: Եթէ դմբէն այս խաղը երեք անգամ
յաջողեց, նշանակում՝ է յաղթեցին: Պարտած կողմը պար-
տաւոր է շալակով տանել յաղթողներին մինչև այն կէ-
տը, ուր դմբէն էր գնում: Կրկին շարունակում են խա-
ղը մինչև յոգնելը: Եթէ դմբէն չի յաջողում, «զմբու-
թիւնը» անցնում է հակառակ կողմին:

Ընտանիքներում, կամ խմբակներում չհարմաւայցի-
ները խաղում են նաև նարդի, քարտի գանազան խաղե-
րը, տող, դամա, (վերջին երկուսը քարերով և փոքրիկ
փայտի կտորներով՝ գետնի վրայ գծած գծերով):

Լ n c s ա կ

Վերոյիշեալ ձևով ընտրում են իրենց մարդիկը:
Ձոյգ-զոյգ, ձեռ-ձեքի բռնած սկսում են հալածել դիմացի
զոյգերին, մինչև բաժանեն մէկին միւսից. երբ բաժա-
նում են մէջքին խփում են մի քանի անգամ և ասում՝
«էրած է» ու հեռացնում են շրջանից: Այսպէս մինչև
բոլոր հակառակ կողմի խաղացողները յաղթւեն և կրկին
սկսեն խաղը:

Ք o | f o | ա բ ա ր

(Գլխարկ փախցնել)

Նոյնպէս ընտրում են մարդիկը: Փառ են գձում, որ
կողմին որ Ֆառն ընկաւ՝ պիտի պառկեն. ձեռքերի ու
ծնկների վրայ պառկում են գետին, աշխատում են ոտքի

ծայրով խփել հակառակորդին, որ իր գլխարկը չխլէ, երբ
մէկին խփեցին, նրանց խումբը յաղթւած է:

Լ ա խ ս

Խաղը վերոյիշեալ ձևով է, բայց խաղացողը աշխա-
տում է ընկերոջ ձեռքի «լախտը» խլել: Գետնի վրայ
լայն շրջագիծ են քաշում ու լախտաւորները այդ գծի
ներսը կանգնած՝ ջանանում են ոտքով խփել հակառակոր-
դին, իսկ հակառակորդը, եթէ յաջողում է խլել նրա ձեռ-
քի լախտը (թոկ) դրանով մի քանի լաւ հարւած է հաս-
ցընում և գծից դուրս անում: Երբ բոլորին էլ գծից
դուրս են քշում, միւս կողմը անցնում է գծի մէջ ու
կրկնում են խաղը:

Ա p n e r մ ա

Այս խաղին մասնակցողների թիւը որոշ չէ. կարող
են խաղալ երկու հոգի, կամ աւելի, մինչև տասն-քսան հո-
գի: Փառ են գձում, վիճակը որ մէկին որ ընկաւ, ձեռ-
քերը ծնկներին դրած կեռացած պիտի մնայ, իսկ միւսներ-
ը թռչեն նրա վրայով: Իւրաքանչիւր մի շրջան վեր-
ջանալուց յետոյ, մէկ քայլ հեռանում է տեղից, մինչև
բաւական դժւարանում է թռչելը. խաղացողներից որ մէ-
կը որ չկարողացաւ մի ոտիւնով թռչի՝ նա կը պառկի:
Խաղը կը շարունակւի կրկին:

Նուրին - Նուրին

Երաշտ տարիներում, երբ անձրևի կարիքը շատ է
գիւղացիների համար, մի խումբ երեխաներ հաւաքւում
են, մի ցախաւել վերցնում, երկու բազուկների տեղ ձո-
ղեր են դնում և շոր հագցնում տիկնիկի նման. գլխին էլ
լաշիկ դրած, ապա մանուկներից երկու հոգի բռնում են

Նուրի-Նուրինի թևերից շրջագայում են դռնեղուռ ասելով.

Նուրին-Նուրին եկել է
Աջբա հուրին եկել է,
Շալէ շապիկ հագել է,
Քօլքէ գօտիք կապել է,
Եղ բերէք պոռտին քսենք,
Ալուր բերէք՝ գլխին ածենք
Մեր Նուրինի փայլ տւէք,
Ուտենք, խմենք, քէֆ անենք:

Տանեցիները շուր են անում Նուրինի գլխին, մի փոքր ալիւր մէկ հաս ձու, կամ իւղ տալիս երեխաներին: Վերջինները շրջագայութիւնը վերջացնելուց յետոյ՝ իրենց հաւաքածը կերակուր են եփում և ուտում: Երևի Աստուած էլ խղճում է ու անձրև տալիս իրենց արտերին:

Տէր - Օվանէս

Երկու պարագլուխներ ձեռքերը կամուրջ շինած կանգնում են, միւսները շարքով այդ «կամուրջի» տակից անցնելով ասում են.

- Տէր Օվանէս:
- Կամուրջ կազմողները պատասխանում են:
- Պատուք ու կէս:
- Չուռնով երթամ թէ գափով.
- Գափով.

«Գափ, գափ, գափ» ասելով շարանը անցնում է. պտուէլուց ձեռքերը խաչածեղում են ու մէկը միւսի յետևում կանգնում. պարագլուխը ասում է.

- Յաճդ լուս, օր տղայ ես բերի,
- Յաճկի լուսով ապրես,
- Բարով կապես կարմիրը,
- Արի էրթանք գազի,
- Չւան չուանեմ,

- Չւան կուտամ:
- Չուր չուանեմ,
- Հաց չուանեմ,
- Չուրդ ածա չանախդ,
- Հաց կուտամ,
- Չւանս կարճ է,
- Ղաթը չուանեմ,
- Քաշէ յինչուդ յերգննայ:
- Ղաթը կուտամ,

Սկսում են քաշել շարքի կանգնողներին, մինչև որ խաչածեղում ձեռքերից մէկը բացւի և կտրւեն իրարից:

Յարեւ - Յարեւ

Անձրևային եղանակներին, երբ երեխաները տանը երկար մնալուց ձանձրանում են, դուրս են վազում, խումբ կազմում և երգում են.

- Յարե, յարե դուս արի, Ոմորը քացախել է,
- Հէրն ու մէրդ էկել են, Պառաւը սատակել է,
- Թուր ու թֆանք բէրել են, Թոնդիրը խշկւել է,
- Գօմշի օար կոտրել են, Էրէխէն էլ լացել է:

Հ Ա Ի Ա Տ Ք

Չհարմհալի հայ ժողովուրդը դաւանանքով Լուսաւորչական է առանց բացառութեան և պատկանում է Հայաստանեայց Առաքելական Եկեղեցուն: Ամենայն սրբութեամբ պահպանել է իր մայրենի լեզւի հետ և իր դաւանանքը: Ձերմեռանդ քրիստոնեաներ են: Տէրունական և սրբոց տօները հանդիսաւորութեամբ տօնում են և երբեմն էլ այս կամ այն սրբի անուանով մատաղ կարում: Եւս օրերին անպատճառ պիտի ներկայ լինեն ժամերգութեան: Ուխտի են գնում զանազան սրբերի անուանով կառուցւած ուխտատեղիները, երբեմն էլ աւելի հեռաւոր վայրեր՝ Նոր-Չուղա, Ս. Էջմիածին, Ս. Կարապետ և այլուր: Քրիստոնէական օտար դաւանանքներ չեն կարողացել մուտք

գործել Չհարմհալ և փորձողները հալածել են:

Ամենափոքրիկ գիւղն անգամ ունեցել է իր եկեղեցին և ծխատէր քահանան. ամէն առաւօտ և երեկոյ պարտադիր էր ժամասացութիւնը: Եկեղեցիներում պահոււմ են սրբոց մասունքներ, խաչեր, աչքաուլունք, Լեզու, Ծուռնկ, Կպրիանոս, Նարեկ գիրք. ուխտաւորներին գոհացում տալու, օրինակ, եթէ երեխան ուշ է ոտք ելնում, կամ ոտքերը տկար են, նրա համար մայրը ուխտ է խոստանում այս կամ այն սրբի ոտը ու հէնց այդ սրբավայրից կամ եկեղեցուց վերցնում է մի Ծուռնկ-ոտք-նոյնպէս եթէ լեզուն չի բացոււմ, լեզու են վերցնում, եթէ ընդհանուր տկարութիւն է՝ խաչ են վերցնում:

Կպրիանոսը գրում էին «Նորընծա»ները քառասունքի ժամանակ, երկար բարակ երիզանման թղթի վրայ, ըսկիզբը մի սրբի նկար կամ աւետարանիչի, յետոյ բժշկութեան աւետարան ու աղօթքներ է գրւած. այս երիզը փաթուժ էին անում և մի «եաբլուղի» մէջ դնում, հիւանդների թեին կապելու:


Ուխտաւորը, երբ իր «խորհուրդը» կատարւում է, սրբավայրից վերցրած խաչը կամ լեզուն կամ թաշկինակը դարձնում է գոյգ և վերադարձնում պատկան սրբավայրին: Այստեղ աւելացնենք Իրանա-Հնդկաստանի թեմի առաջնորդ՝ Տ. Սահակ Արքեպիսկոպոս Այվատեանի Կանոնադիրը, որի պատճէն մնում է Ս. Ամենափրկչեան վանքում:

«Ա. հսկել Չհարմհալ գաւառի գիւղերի եկեղեցիների բարեկարգութեան և բարելաւութեան վրայ և առանց զանցառութեան ու թերացման կատարել ս. եկեղեցու ժամերգութիւնը:

Բ. Քահանաները պարտին առանց զանցառութեան մի մատեանի մէջ արձանագրել ամեն մի ծնունդ, մկրտութիւն, պսակ և մահ:



Տէր Սիմեոն Բահ. Եղգարեան



Տէր Յուսիկ ֆահ. Տ. Սարգսեան

Գ. Քահանաները պէտք է աշալուրջ լինեն և հսկեն երեցփոխների վրայ, որ եկեղեցական հաշիւները ճշտութեամբ և կանոնաւորապէս արձանագրեն:

Դ. Պսակադիր քահանան մինչև որ գործակալից թոյլտրուութիւն չստանայ, իրաւունք չունի պսակելու:

Ե. Գործակալ քահանաները իրաւունք ունեն գիւղերում պատահած անախորժ խնդիրները քննելու և վճիռ արձակելու:

Զ. Պէտք է հոգ տանեն բոլոր քահանաները գիւղերում գտնուող ազգային դպրոցների բարգաւաճման գործին:

Է. Գործակալները պարտին իրենց պաշտօնը արժանաւորապէս կատարել և չթերանալ»:

Տ Օ Ն Ե Ր

Ա. Նոր Տարի (Յունուար 1)

Տարեմուտ օրը, կամ մի օր առաջ, տանտիկինը «Տարի» (անխմոր հաց) է թխում, որի մէջ ածուժ են չա-



Եսայի Վարդապետ Ս. Մարչեան

միչ, ընկոյգ կամ նուշ և երեսին «դօշաք» քսում: Պատ-
րաստում են նաև նօխուղէ քֆտա (սիսեոից) և չիբ են
եփում, որպէսզի նոր-տարի շնորհաւորողներին հիւրասի-
րեն: Տարեհացի մէջ մէկ հատ պղինձէ արծաթէ դրամ են
դնում: «Տարի» ի միջի դրամը գտնողը այդ տարւայ բախ-
տաւորն է համարւում:

Առաւօտեան ժամերգութիւնը վերջանալուց յետոյ,
քահանան, տանուտէրը և ծերունիները խմբով գնում են
նախ տէրտէրի տունը, տէրտէրի աջը համբուրում, միւս
անդամների հետ ձեռք սեղմում ասելով՝ «շնորհաւոր ընի
ձեր նոր տարին, ուրախ գատիկ հասնէք» և այլ բարե-
մաղթութիւններ անում: Տանեցիք հիւրասիրում են վե-
րոյիչեալ «պասովէն» կերակուրներով ու թէյով: Յետոյ
խումբը գնում է տանուտիրոջ տունը, այստեղ էլ միւս-
ներին հերթաբար շնորհաւորում են նոր տարին:

Կանայք ևս իրենց հերթին գնում են շնորհաւորելու
ազգականների ու բարեկամների նոր տարին:

Նոր տարուց մի օր առաջ դպրոցները փակում են
մինչև «Ութօրէքը վերջանայ»:

Բ. ԾՆՈՒՆԴ. «ՁՐՕՒՆԷՔ»

Թաթախ երեկոյեան բոլոր տներում եփւում է փլա-
ւը: Խոստովանքի գանգի ձէնը լսելուն պէս ծոմ պահող-
ները շտապում են եկեղեցի. միւսներն էլ հետզհետէ գը-
նում են աղօթքի, մնում են մինչև յաւարտ Պատարագին,
ճաշակւում են ու վերադառնում իրենց տները. պաս են
բանում, սակայն մսեղէն չեն ուտում, որովհետև «Նա-
ւակատիք» է:

Կերակրից յետոյ, երեխաները մի-մի թոկի ծայրից
թաշկինակ կապած շրջում են կտուրից-կտուր, թաշկինա-
կը կախում են երդիկից և երգում. —

Յնձացէք, ուրախացէք,

Պարկը բացէք,

Մէ բուռ ածէք:

Յալելուիա՛, յալելուիա՛:

Տնեցիք մի բուռ աղանձ, փշատ կամ շամիչ, երբեմն
էլ մի քանի շայի մանր դրամ կապում են թաշկինակի
ծայրին: Կտեր կանգնողները քաշում են վեր ու վազում
մի ուրիշ հարեանի երդիկը:

Չհարմհալում Ծննդեան և Յարութեան տօներին կար
մի գովելի սովորութիւն — այն էր՝ գիւղի տանուտէրը և
ծերունիները նաօրօք հաշիւ կը տեսնէին թէ իրենց գիւ-
շում քանի չքաւոր ընտանիքներ կային և կհոգային նը-
րանց «Ազիզ օրւայ» իւղ ու բրինձք, ալիւր և այլ բաներ:

Միւս օրը «Յնձում» է, Խաչը պիտի գձեն շուրը,
միւսոն թափեն, և այլ արարողութիւններ լինեն եկեղե-
ցում: Առաւօտեան ժամի 2-ին, լուսաբացից շատ առաջ,
եկեղեցու գանգակները ղօզանջում են: Հսկումն է, բոլորը
շտապում են եկեղեցի: Եկեղեցում նորահարսները, աղ-
ջիկներն ու փոքրիկները մի-մի վառած մոմ ձեռքերին
կանգնում են վերջին շարքում. հարուստները «թուփ»
են վառում իրենց նորահարսների առջև. — թուփը թափում
են մոմից, մի քանի ճիւղեր ունի ջահանման. «բուրջ»
ևս ասում են:

Շարունակւում է ժամերգութիւնը մինչև խաչը ջրից
հանելու ժամանակը: Քահանան քարոզը վերջացնում է
առանձին բարեմաղթութիւններով. նախ հոգևոր դասին,
սկսած Ս. Էջմիածնից, Վեհապետ Հայրապետի, պատրիարք-
ների, եպիսկոպոս և բոլոր հոգևորականաց: Երկրորդ բա-
րեմաղթութիւնը՝ թագաւորաց, իշխանաց և ազնւակա-
նաց, իսկ երրորդը՝ հասարակաց: Վերջում յայտարարում
է՝ «Համեցէք, ով որ խորհուրդ ունի, թող մօտ գայ խաչ-
քաւոր դառնայ»: Խաչքաւորին ժամաշապիկ են հագցնում,

բարձրանում է բեմ և քահանան խաչը դնում է նրա գիրկը: Ժողովուրդը մօտենում է ու համբուրում խաչը, խումում են մի փոքր մեռոնաշուր և դուրս գալիս եկեղեցու բակը:

Քահանան շուրջառով և տիրացուները ժամաշապիկով, խաչքառորն էլ խաչը գրկած «Արեղականն արդարութեան» շարականը երգելով, գնում են խաչքառորենց տունը, այստեղ դիմաւորում է կարմիր կամ սպիտակ քողով ծածկըւած «Սանամէրը» համբուրում է խաչը և քառորից վերցնում ու նստում իր տեղը: Քահանան ու տիրացուները այստեղ երգում են «Լուսի լուսոյ» շարականից մի երեք տուն, վերջացնում, քահանան «Պահպանիչ» է ասում. բարեմաղթութիւն անում, շնորհաւորում են Ծընունդ և Մկրտութիւն Քրիստոսի, ապա նստում են թէյ վայելելու, կամ ճաշ ուտելու:

Գ. Ս. Ս Ա Ր Գ Ի Ս

(Առաջաւորաց պատ)

Սուրբ Սարգիսը յարգւած ու սիրւած մի սուրբ է Չհարմհալի հայերի համար, որովհետեւ նա «Ատենահաս» է. դրա համար էլ ս. Սարգսի պատը բոլորն էլ պահում են, շատերը «միաժամ» են պահում, այսինքն օրական միայն մէկ ճաշ են ուտում, այն էլ պատովէն, ամբողջ առաջաւորաց շաբաթապահքի ընթացքում: Մարդիկ էլ կան որ ամբողջ հինգ օր ոչինչ չեն ուտում. երկուշաբթի առաւօտից մինչև ուրբաթ կէսօրին, որ կէսօրեայ ժամն արձակելի, տուն գնան ու «փոխինդ» ուտեն:

Նախկինում գարոցականներին էլ խոտիւ արգելւած էր պատ ուտելը և օրական ծոմ չպահելը մինչև կէսօր: Թեղճ փոքրիկները առաւօտեան անսւաղ պիտի եկեղեցի դնային, այստեղից «Մոնթանոց», դասերը վերջացնելուց յետոյ, մօտ կէս օր, կրկին եկեղեցի, որից յետոյ թոյլա-

տըրւում էր գնալ ճաշի: Ամբողջ հինգ օր Ս. Սարգիս շաբաթապտոհոց օրերը, կէսօրին կատարում էին ժամերգութիւն և հաց բաժանում: Չալաքին (անխմոր հաց) թխում և եկեղեցի էին բերում նրանք, ովքեր «խորհուրդ» ունենային:

Միևնոյն օրերում գիւղացիները պատրաստում էին «զեղու մատաղ»ի համար. ընտրւում են երեք-չորս հոգուց բաղկացած մի յանձնախումբ, սրանք շրջում էին գիւղի տները և հաւաքում ցորեն, գարի, դրամ կամ ուրիշ հացահատիկներ. այս հաւաքածուով դնում են մսացու կով, ոչխար կամ այծ և ուրբաթ կէսօրին զոհում են եկեղեցու բակում: Կտրած մատաղների միսը՝ գիւղի ընտանիքների թւի հաւասար բաժին են դնում. ապա եկեղեցու գանգակները հնչեցնում, որպէսզի բոլորը լսեն և գան իրենց բաժին մատաղը տանեն: Եթէ գիւղում հարևան գիւղերից եկած հիւրեր կան, նրանք ևս իրենց հաւասար բաժին են ստանում: Մասնաւոր անձինք զոհում են մի-մի աքլոր:

Ս. Սարգսի անուանով շինւած եկեղեցիներում Շաբաթ օրը բաւականաչափ ուխտաւորներ են լինում: Չհարմհալի հայերը հաւատում են, որ Ս. Սարգիսը այդ գիշեր սպիտակ ձին նստած շրջում է ամենքի տները ու ալիւրին «բարաքաթ» տալիս: Շատերը այդ գիշեր մի պնակով ալիւր են: զնում իրենց փեթակի վրայ, որ նրա ձիու թաքի հետքը կարողանան տեսնել յաջորդ առաւօտեան: Աղջիկները «աղի բլիթ» են ուտում և քնում, քնած ժամանակ իրենց ջուր տւող տղան՝ դառնալու է իր նշանածը:

Բ Ա Ր Ե Կ Ե Ն Գ Ա Ն

Բարեկենդանը, կամ ըստ Չհարմհալի բարբառի «Բարեգէնդաք»ը, սկսւում է Ս. Սարգսի տօնից անմիջապէս յետոյ: 15 օր բարեկենդան է: Այս ժամանակամիջոցում

հիւրասիրութիւններ են ունենում հերթաբար, ուտում խմում, քէֆ են անում մինչև աղուհացի սկսելը:

Բարեկենդանի պարապ օրերին կազմակերպում են զանազան խաղեր, մեծերը առանձին, փոքրերն էլ առանձին, բաւական զարճալի օրեր են ունենում:

Բռն բարեկենդանի Շաբաթ և Կիրակի օրերը սովորութիւն է, բոլորն էլ իրենց ննջեցեալների համար «պաշտում» են կատարում, որովհետև ամբողջ աղուհացւայ ընթացքին Հանգստեան շարական չի երգում և հոգեհանգիստ չի կատարում, հետևաբար ննջեցեալներն ևս պաս են մնալու:

Բարեկենդանի վերջին օրերում Չհարմհալի ունևորները իրենց գործածելիք իւղից, բրինձից, ալիւրից և մօից բաժին են ուղարկում աղքատներին: Մինչև բարեկենդանի վերջին օրը՝ Կիրակի, պէտք է վերջացնեն բոլոր իւղալից ու մսալից կերակուրները և հանդիստ խըղճով «պաս բռնեն»:

«Մ Ե Ն Չ Պ Ա Ս»

Աղուհացի առաջին օրը, Երկուշաբթի, բոլոր հասակաւորները եկեղեցի են գնում, աղօթում և լսում ճաշուն՝ «Լացարուք»ը: Ժամասացութիւնը վերջանալուց յետոյ, հերթով գնում են քահանայի տուն պաս շնորհաւորելու, ապա՝ տանտիրոջ և ժողովրդի: Իսկ կանայք լւանում են իրենց տնային բոլոր իրեղենները, որովհետև այսօր կարգացել է «Լացարուք – սրբեցարուք»ը և ճենճահոտը իրենց տանից պիտի հեռանայ:

«Արի, արի, թթու մախոխ,

Կորի գնա ճենճերահոտ»:

Չահել հարսներն ու աղջիկները, կուժերը ուսած գրնում են ազբիւրից ջուր բերելու, վերադարձին միմի փունջ կանաչ խոտ ձեռներին տուն են հասնում և շնոր-

հաւորում են իրենց ծնողների, կեսուր-կեսրայրի և մեծերի պասը:

Չհարմհալում մրոացւած է արդէն նախրաթողի պաս, հորթաթողի պաս, սակայն յիշում է «Գարեիշի պասը», որ արդէն գարին հասնելու վրայ է և շուտով կը հնձեն:

Աղուհացւայ ընթացքում Չհարմհալի բոլոր եկեղեցիներում կատարում է առաւօտեան իններորդ ժամի և երեկոյեան խաղաղական ժամերգութիւնները: Երբեմն էլ հսկում են կատարում:

Միջինքի կիրակին առանձին արարողութիւն չունի:

ԼՈՒՍԱԻՈՐԻՉ

Լուսաւորիչ Գրիգորի երկու տօներն էլ հանդիսաւորապէս տօնում են, Պատարագ է մատուցում, բոլորը եկեղեցի են գնում և այդ օրը սուրբ պահում:

Ծ Ա Ղ Կ Ա Չ Ա Ր Գ

Ծաղկագարդ կամ «Զառգարթար»ը Չհարմհալում մեծ հանդէսով են տօնում: Լուսաբացից շատ վաղ եկեղեցու զանգակները ղօղանջում են և ժողովուրդը շտապում է ժամ: Հսկումն է, դարձեալ նորահարսները, աղջիկները և մանուկերը մի-մի մոմ կամ «բուրջ» վառած կանգնում են եկեղեցու վերջին շարքերում՝ մինչև ժամասացութեան վերջանալը:

Երբ եկեղեցում բաժանում է «ծառգարթարը», երեսխաները մի կամ մի քանի ճիւղ ձեռքերում բռնած դուրս են գնում եկեղեցուց և սկսում են շրջել գիւղի տները՝ ծառգարթար հաւաքելու: Ամեն մի տուն մտնելիս երգում են.—

— Ծառգարթար, ծառին գարթար.

Սև եզին՝ սև սամաթել,

Կարմիր եզին՝ նօղուլ ու կոճակ,

Հնգերս ընկաւ ծովն ու ծառաւ:

Ապրի ձեր դաքւօրցուն,

իմ փայ ծառգարթարը տւէք:

Տանեցիները մի բուռ չամիչ, փշատ, աղանձ, կամ
աւրիչ «եմիչ» են տալիս ու ճանապարհ ձգում: Այսպէս
հերթով շրջագայում են բոլոր տները, երգում ու բաժին
ստանում:

ՏԵԱՌՆԸՆԴԱՌԱՋ

Երեկոյեան ժամերգութիւնը կատարւում է եկեղե-
ցիներում իսկ Տըրնդէզը՝ բակում, որտեղ նախապէս հա-
ւաքած են լինում խարոյկի համար վառելանիւթի մի
դէզ: Քահանան տալիս է նորապսակների ձեռքը մի վա-
ռած մոմ, նրանք էլ շրջան կազմած դէզի շուրջը սպա-
սում են «Կեցո»ին: Սկսելուն պէս, ամեն կողմից, ձեռքե-
րի վառած մոմերով վառում են խարոյկը: Քահանան ու
տիրացուները երգում են «Քրիստոս փառաց թագաւորն»
իսկ ջահելներն թռչում են կրակի գլխից: Կրակի մոխրից
տանում են իրենց տները և ածում ալիւրի փեթակի, գո-
մի, հաւաբնի ու շտեմարանի շէմքերին, որ Աստծու բա-
րաքաթը անպակաս լինի: Եթէ բոցավառ ցախ, կամ մո-
մի լոյս բերել են եկեղեցուց՝ դրանով էլ վառում են
ճրագները:

Հաւատացած են, որ խարոյկի ծուխը որ կողմից գնայ՝
տարւայ այդ կողմի բերքը անփնաս և առատ կը լինի:

Ա Ի Ա Գ Շ Ա Բ Ա Թ

Աւագ շաբաթւայ բոլոր ժամասացութիւններին ուն-
կընդրում է Չհարմհալի հայը քիչ բացառութեամբ, մա-
նաւանդ Դոնաբացէքի, Աւագ հինգշաբթի: Ոտնալւայի և
Խաւարում գիշերը:

Ա Ի Ա Գ Հ Ի Ն Գ Շ Ա Բ Թ Ի

Առաւօտեան ժամի տասին պատարագ է մատուցւում
եկեղեցիներում: ապաշխարողները խոստովանում ու ճա-
շակութիւն են ստանում:

Երեկոյեան, Ոտնալւայի ժամանակ, կրկին գնում են
եկեղեցի: տանտիկինը իր հետ տանում է թարմ կարագ,
մի քանի հատ հաւկիթ, մի քանի հատ մոմ և մի փոքր
խուսկ: վերջին երկուսը եկեղեցում պործածելու, կարա-
գը՝ ժողովրդին բաժանելու, իսկ հաւկիթները՝ քահանայի
զատկաբաժին:

Եկեղեցու բեմի վրայ սպիտակ սփռոցի վրայ դրւած
է կոնքը՝ հինգ վեց հատ մոմերով լուսաւորւած, ջրի սա-
փորը, մի փոքր բամբակ, դենջակը, հաւաքած կարագից
մի փոքրիկ պնակով և աթոռը, որի վրայ պէտք է նստեն
աշակերտները և լւացւի իրենց ոտները: Աշակերտները
ժամաշապիկ հագած, պատրաստ կանգնած են սեղանի աջ
ու ձախ կողմերում:

«Ջրօրհնեաց կանոն»ը վերջանալուց յետոյ՝ քահա-
նան կապում է դենջակը, նստում աթոռի առջև ու հեր-
թով լւանում աշակերտների ոտքերը: Գպիրները երգում
են «Այսօր անճառ» շարականը:

Մինչև քաներորդ դարի սկիզբները սովորութիւն էր
լւանալ գիւղի ծերերի ոտքերը և ոչ աշակերտութեանը:

Արարողութիւնը վերջանալուց յետոյ, քահանան կար-
գում է աւետարանը դէպի տրեմուտժ, վերջանալուց յե-
տոյ դարձնում են դէպի արևելք, երգում է «Կեցեն»,
ասում է պահպանիչը, ապա իջեցնում են: Ժողովուրդը
մօտենում է համբուրում քահանայի ձեռքի աւետարանն
ու խաչը, ստանում մի փոքր կարագ, երեսն ու ձեռքերը
շիւելու, որպէսզի այդ տարին երջանիկ լինի իրենց համար:

Երեկոյեան ժամի 9-ին ծանր շողանջում են եկեղեցու զանգակները, ժողովուրդը հաւաքում է եկեղեցի, «Սաղմոս քաղում»։ — Ութ կանոն սաղմոսը բաժանում են մի քանի հոգու, որ ամբողջապէս քաղեն (կարգան)։ Երբ վերջանում է ամբողջ 150 գլուխ Սաղմոսը, քահանան օրհնում է ժամը և սկսում է ծանր, աւելի ճիշտ օղբաձայն ժամերգութիւնը։ Յետոյ կատարում են Խաչելութեան կարգը և վերջում կարգում են Աւագ Ուրբաթի «կտակը»։ Ժամասացութիւնը տևում է մինչև առաւօտեան ժամի մէկից երկուսը. որովհետև «կատարումն ամենայն գրելոց» է։

Աւագ Ուրբաթ օրը կանայք լացք չեն անի, բաղնիս չեն գնայ, որովհետև «Ձուրր մեռելներինն է» այդ օրը։

Չ Ա Տ Ի Կ

Թէ «Թաթախ» երեկոյեան և թէ Չատիկ առաւօտեան ժամերգութիւնը այնքան էլ տարբերութիւն չունի Մընընդեան տօնից. նոյն նախատօնակը և հանդիսաւոր Պատարագն է մատուցում։ Կերակրեղէնաց պատրաստութիւնըն էլ գրեթէ նոյնն է, փլաւ, ձկնեղէն, ձեւեղէն, բայց ոչ մսեղէն։ Աւելանում է ձու ներկելը։ Ամբողջ աղուհացի ընթացքում, պահքի պատճառով հաւաքւած հաւկիթները ներկում են զանազան գոյներով. գլխաւորապէս՝ կարմիր։ Թաթախ երեկոյեան, երբ եկեղեցուց վերադառնում են տուն, իւրաքանչիւրը մի հատ կաւկիթով պաս է բանում, ապա ընթրում։

Կիրակի առաւօտեան եկեղեցին արձակելուց յետոյ իրարու շնորհաւորում են. — «Չեզ և մեզ մեծ աւետիք, Քրիստոս յարեաւ ի մեռելոց». կամ շնորհաւոր սուրբ յարութիւնն Քրիստոսի», որին պատասխանում են. — «Օրհնեալ է յարութիւնն Քրիստոսի»։

Երիտասարդները և պատանիները հաւաքւում են գիւղի հրապարակում և ձու խաղում, իսկ ջահել աղջիկներն ու հարսները քիչ հեռւում «Շարբողջա» պարում։ Մինչև երեք օր գործի չեն գնում։

Սոյն խաղերը կրկնում են կանաչ-կարմիր Կիրակի օրը (կրկնագատիկ)։ Չատիկը ամենամեծ տօնն է Չհարմհալի հայ ժողովրդի համար։ Մինչև Համբարձում երեկոյեան զանգերը խփելուց յետոյ կանայք որևէ գործ չեն անում «հաւկուր է»։

Հ Ա Մ Բ Ա Ր Ձ Ո Ւ Մ

Համբարձման նախօրեակին, Չորեքշաբթի երեկոյեան դէմ, Չհարմհալի հայ աղջիկներն ու հարսների գիւղից խումբ-խումբ դուրս են գնում մօտակայ աղբիւրի կամ բլուրի վրայ, փոքր ինչ գրօնում, պարում, ծաղիկ քաղում և վերադառնում իրենց բնակարանները։

Հինգշաբթի առաւօտեան, մինչև Պատարագի արձակելը, տանտիկիներն արդէն պատրաստել են զանազան անուշահամ կերակուրներ, փլաւ, կարագ, գաթա, քամած մածուն, թէյի սարք և ինչ որ հարկաւոր է Համբարձման տօնի սեղանը ճոխացնելու համար։ Միւս կողմից էլ երիտասարդները թամբում են ձիերը, համետում էշերը և «քաշած-խուրջիներ» ձգում վրան։ Կերակրեղէնները և այլ հարկաւոր բաներ լցնում են խուրջիներին մէջ, փոքրիկներին և կանանց նստեցնում վրան ու «Սար են գնում»։ Մօտակայ բարձր սարերից մէկի վրայ, մի կաթնահամ աղբիւրի մօտ իջնում, տեղաւորւում են խումբ-խումբ։ Փոքրիկ վրաններ են սարքում արևի ջերմութիւնից պաշտպանելու համար, մածունը և կարագը դնում են աղբիւրի պող ջրի մէջ և «սմալարը գձում» և սկսում են թէյ վայելել։

Չահելները՝ հարս, աղջիկ, տղայ բարձրանում են սա-

րի գագաթը ծաղիկ փնջում, լօլօզ, խավրձիլ, պուսս և այլ բոյսեր քաղում և վերադառնում են աղբիւր:

Բացում են սեղանները (սփռոցները) շարում վրան «Աստու տւած նազ ու նահմաթը», հրաւիրում են իրենց ազիզ բարեկամներին, կենացներ խմում, օրհնութիւններ ու բարեմազթութիւններ ասում, ապա ճաշում:

Ճաշից և թէյից յետոյ հասակաւոր կանայք «փեսատես» են դնում, որը փոխարինւում է «հարսատես»ով, տանում են մի կտոր շաքար, մի փոքր նուշ ու շամիչ կամ ուրիշ քաղցրեղէն: Փեսացուն կանգնում է տեղից, գոնքանշը իր տարած քաղցրեղէնը լցնում է նրա գրպանը, համբուրում է թուշը, խնամոնց հետ մի բաժակ թէյ խմում և վերադառնում է: Նմանապէս տեղի է ունենում Համբարձման «հարսնատես»:

Երեկնապահին, երբ արևը թեքում է և օդը զովանում, սկսում է խաղերը՝ դհուլ-գուռնայով և ձիարշաւը, պարերը, երգել ու գւարճանալը: Երգում են ջան գիւլում և վիճակի երգեր: Վիճակահանութիւն չկայ Չհարմհալում: Մայրամուտին վերադառնում են գիւղ: Այս դաշտահանդէսին չեն մասնակցում ծերերը, պառաւներն ու քահանաները. նրանք մնում են գիւղում:

Միւս տօները առանձին ծիսակատարութիւն, կամ հանդիսաւորութիւն չունեն, բացի Վարդավառի ջուր սըր-սըկելու սովորութիւնը և Աստուածածնի Վերափոխման օրը՝ Սաղորդահնէքը:

Այստեղ աւելացնենք Վերին Քօնարքցի պ. Ղազար Գէորգեանի «Համբարձումը գիւղի» գրւածքից մի հատւած. —

Համբարձման տօնին լոյսը չծագած

Ամենքի տան մէջ նոր կեանք է մտած.

Ելնում են ուրախ ջահել տղաներ
Վագում, համետում իրենց գրաստներ:

Հարուստ թէ աղքատ՝ օր առաջ եփած
իրենց կերակուր. կապած կապկպած,
Բերում են բառնում ու վրան նստում,
Շարքեր են կազմում ու ճամբայ ընկնում:

Գնում են ուրախ, ասում, ծիծաղում,
Հանաքներ ա՛նում, անվերջ քրքջում.

Եւ շատ անգամ էլ ծանօթ ընկերներ
Գրկում են իրար, քաղում համբոյրներ:

Կէսօրւայ ճաշին սեղան բաց արած,
Նստում են մէկ տեղ, իրենց հետ բերած
Պէս-պէս կերակուր իւղալից, անուշ,
Քաղցր հալւաններ, գաթէք կարմրաթուշ:

Ճաշը լրացած, կերած, կշտացած,
Տղայ ու աղջիկ մէկ խօսքի կանգնած,
Գնում են, խնդրում, գուռնաչառն բերում,
Սագով, թմբուկով խաղիւս են, պարում:

Երբ երեկոյեան արևը կամաց,
Ուզում է իջնել սարիցը դէպ ցած,
Ողջ խումբը նորից էշերը նստած,
Գառնում է դէպ գիւղ յողմած ու դաղբած:

Վերին Քօնարք
31—1—36

Ղազար Գէորգեան

Ն Շ Ա Ն Ա Դ Ր Ո Ւ Թ Ի Ի Ն

Մինչև քսաներորդ դարի սկզբներին Չհարմհալում, ինչպէս նաև պարսկահայ միւս գաւառներում, արգելւած է եղել տղայ և աղջիկ իրարու ծանօթ լինեն, կամ նախապէս իրարու տեսած, սիրած լինեն և նշանեն. այս

բանը բոլորովին վերապահեաժ էր ծնողներին: Որևէ աղ-
ջիկ, որին տղայի ծնողները հաւան էին՝ նա տղայի բախ-
տըն էր, տղան իրաւունք չուներ ծնողների ընտրութեան
դէմ լինելու կամ առարկելու. մի խօսքով բաց աչքով,
բայց կոյր-կոյր ամուսնանում էին: Նոյնպէս էլ աղջկայ
իրաւունքը իր ծնողներինն էր. որևէ մէկի հետ ամուսնա-
ցընելը իրենց քմահաճոյքն էր, որը մեծ դժբախտութիւն-
ների պատճառ էր դառնում: Շատ դժբախտ դէպքերի ա-
կանատես ենք եղել, կամ լսել ենք շատերից, որոնց յի-
շատակելն այստեղ աւելորդ ենք համարում. միայն նը-
շենք, որ այդ ձևով ամուսնացողներից դեռ առաջին տա-
րին չբոլոցած, լքել են կին, ծնողներ, տուն տեղ ու
միանգամ ընդմիշտ հեռացել:

Հագիւ 40 — 50 տարի է, ինչ սովորութիւն է դարձել
տղայ աղջիկ իրարու տեսնելը, հաւանելը և նշանելը:

Այժմ անցնենք Չհարմհալ գաւառի այժմեան սովոր-
րական ծեսին: Երբ տղան և աղջիկը իրարու սիրում են
ու «խօսք տալիս», յայտնում են իրենց ծնողներին: Տը-
ղայի ծնողները իրենց մօտ բարեկամներից, կամ ազգա-
կաններից մէկին ուղարկում են աղջկանց տուն «խնա-
մախօս»: Գնացողը ներկայանում է հետեւեալ ձևով. — Հաս-
նում է տեղ, սովորական բարեից յետոյ՝ նստում, փոքր
ինչ զրուցում և «խօսք է բանում»: «Խնամի Գրիգոր, կամ
քաւոր, — ասում է նա, — ես առաջի անգամ չէ օր էկել եմ
ձեր տունը, բայց էս անգամ, Տիրոջ կամքով, մէ ուրիշ
նպատակի հմար է. էկել եմ խնդրեմ, ձեր բոլորի հա-
ւանութեամբ և Աստու օգնութեամբ մէ ծաղիկ քաղենք
ձեր բաղից»: Տանտէրն արդէն գիտէ իր հիւրի գալու նը-
պատակը, բայց հէնց առաջին անգամ խօսք չեն տալիս,
այլ պատասխանում են. — «Շատ լաւ կը մտածենք և ձեզ
լուր կը տանք. եթէ նեղութիւն չի լինի համեցէք մեզ
մօտ միւս կիրակի օր» կամ մի ուրիշ օր են նշանակում:

Մի փոքր զրուցելուց յետոյ, հիւրը մնաք բարե է ասում
և հեռանում: Եթէ աղջկայ ծնողները և աղջիկը սկզբից
չեն սիրում տղային, հէնց առաջին անգամ պատասխա-
նում են նրան այսպէս. — «Աստուած ձեր տղին պահի ձեզ
հմար, մեր աղջկան էլ մեր հմար»:

Երբեմն էլ պատահում է այս գնալ-գալը երկար ժա-
մանակ շարունակում է ու յաջող կամ անյաջող ար-
դիւնքի հասնում:

Որոշած օրը խնամախօս գնացողը կրկին գնում է
աղջկանց տուն, անշուշտ նրանք էլ նախօրօք խորհրդակ-
ցում են իրենց ազգականների ու բարեկամների հետ: Այն
տեղ հաւաքեաժ են լինում աղջկայ մօտիկ ազգականները:
Խնամախօսը կրկնում է խնդիրը և սպասում պատասխա-
նի. Բազմականները նայում են աղջկայ ծնողներին, կամ
մեծ պապին ու մամին (եթէ ունի) տեսնեն ինչ են պա-
տասխանում: Նրանք, հիւրերին յարգելու համար ասում
են. — «Ճիշտ է, աղջիկը մերն է, բայց ըխտիարը (իրա-
ւունքը) այսօր մեր տան մէջ եզող բոլորինդ է: Ներկա-
ներն էլ, իրենց հերթին ասում են. — «Ըխտիարը մեծ
պապինն ու մամինն է, հօրն ու մօրն է»: Այսպէս մի
քանի անգամ «ըխտիար» անելուց յետոյ, ի վերջոյ իրա-
ւունքը տրւում է մէկին, որպէսզի խնամախօս եկողին
մի պատասխան տայ. նա, որին տրւել է «ըխտիարը»,
ասում է «Շատ լաւ, հիմա որ իրաւունքը տւեցիք ինձ,
ես էլ բոլորիդ կօզմից խնամուեն ասում եմ՝ շնորհաւոր
լինի, աչքներդ լուս, Աստու օրհնութիւնը իրենց վրայ
լինի, հզար տարեկան դառնան»: Խնամախօս եկողը գըր-
պանից հանում է իր հետ բերած մի կտոր շաքարը, որի
վրայ կարմիր կանաչ թելով կապած է մի կանաչ աղնով
մատանի. դնում է մէջտեղ. բերում են աղջկան, խնա-
մին վեր է կենում տեղից, մատանին դնում է նրա մա-
տը, որպէս «բէլլա», ճակատը համրուրում և օրհնում է:

կտորում են շաքարը, կէսի վրայ նոյնպէս կարմիր - կաթել կապում ու վերադարձնում են խնամոնց՝ ի նշան համաձայնութեան: Շաքարի միւս կէտով իրենք թէյ են խմում հիւրերի հետ միասին և ուրախանում: Սա կոչւում է «բալէ առնել» (խոստում):

Տղայենց տունը անհամբեր ոպասում են խնամախօս գնացողի վերադարձին: Նա գալիս է, խնամոնց յետ ուղարկած շաքարի կտորը մէջտեղ դնում, աչքալոյս տալիս. բոլորն էլ ուրախանում են, բերած շաքարով թէյ են խմում և շնորհաւորում:

Յաջորդ օրւանից բոլոր ազգական-բարեկամները և դրացիները գալիս են շնորհաւորանքի:

Կայ նաև «հաս և չհաս» արենակցական և խնամիական արգելքներ:

ԽՆԱՄԱՊԱՏԻԻ ԿԱՄ ՓԵՍԱՏԵՍ

Խնամոնց խոստումն առնելուց մէկ շաբաթ յետոյ, տղայի ծնողները պատրաստութիւն են տեսնում «խնամապատիւ անելու»: Պատրաստում են կերակուրներ, թէյ, քաղցրեղէն, պտուղ և այլ բաներ: Նշանակած օրը աղջկայ ծնողները, իրենց բոլոր բարեկամների ու ազգականների հետ միասին գալիս են: Քիչ յետոյ տղայի բարեկամներից մէկը ներկաներից խնդրում է, որ իրաւունք տան փեսացուն ներկայանայ. «ձեռ պաչի»: Երբ արտօնութիւն են գրտնում, փեսացուն գուրս է գալիս, նախ քահանայի և տանուտիրոջ ձեռքն է համբուրում, յետոյ աներոջ և միւս հիւրերի: Նրանք էլ փեսացուի երեսն են համբուրում և օրհնում: Սկսւում է ուտել-խմելը: Ճաշից կամ ընթրիքից յետոյ առաջ են բերում խնամոնց բերած «թաբաղը»: Թաբաղի մէջ կայ՝ մի գլուխ շաքար, մի քանի գոյգ գուլպայ, թաշկինակներ և ուրիշ ընծաներ: Անցնում է առաջ աղջկայ մեծ մամը, կամ մի պատուաւոր հիւր և

սկսում է բաժանել իւրաքանչիւրին «իր պատւի լայեղ» մի բան: Խնամիքն էլ շնորհակալ են լինում, աչքալուս տալիս և գնում են: Իսկ կանանց դասը, որ մի առանձին սենեակում է, թէյից առաջ բերում են փեսացուին, մէջտեղ կանգնեցնում: Նախ զոքանչն է վեր կենում տեղից, ճակատը համբուրում, իր բերած մետաքս թաշկինակը կապում է վզից, մի կտոր շաքար դնում ծոցը, քաղցրեղէն կամ չամիչ ածում գրպանը, կրկին համբուրում ու գնում է տեղը նստում: Ապա միւսները հերթով հետևում են նրան. իրենց բերած «շիրիսին» ածում են փեսացուի գրպանը:

Կանանց խմբին ևս բաժանւում է նւէր, որոնք ըստանալուց ց'տոյ շնորհաւորում են և գնում: Եթէ խնամիքը ուրիշ գիւղից են եկել, մի երկու օր հիւր են մընում խնամոնց մօտ ապա մեկնում:

Անցեալում հարսնացուն սկեսուր-կեսրայրի, տագերների և նրանց մօտաւոր ազգականների ու քաւորի հետ «լայ» է եղել, չի խօսել նշանած օրւանից մինչև մի քանի տարի պսակելուց յետոյ, կամ մինչև մահը:

Հ Ա Ր Ս Ա Տ Ե Ս

Այնքան էլ տարբերութիւն չունի հարսատեսի սովորութիւնը փեսատեսից, այստեղ միայն աւելանում է «բելգահը», որը պատրաստում է տղայի մայրը: Մի մեծ մատուցարանի մէջ դնում են մի գլուխ շաքար, որի վերայ կանաչ-կարմիր թելով կապած է լինում հարսնացուի մատանին և մի շարան կանթած արծաթ դրամ: Շաքարի շուրջը դնում են 6 — 12 հատ դաթայ, երկու պնակ քաղցրեղէն, մոտ մէկ լիտր կանաչ չամիչ, նուշ և ուրիշ մըրգեղէն, 20 — 40 հատ ներկած հաւկիթ, մի պնակ հալւայ: Մատուցարանը սաւանում են մետաքս թաշկինակով: Բերում են նաև մօտիկ ազգականները մի-մի փրքրիկ «փայ»,

առանձին-առանձին մատուցարանների մէջ: Երբ բոլորը պատրաստ է, կանանց թափորը շարժւում է դէպի խնամոնց տունը: հարուստները՝ դեօլ գուռնայով, տղամարդկանց խումբն էլ միացած, երգելով ու պարելով:

Երբ հասնում են խնամոնց դուռը, խնամիքը բոլորը դուրս են գալիս ընդառաջ, ձեռք սեղմում ու ներս հրաւիրում նրանց: միւս կողմից էլ փաքարը (գգիր) փող է կանչում» — 1-5 ուիալ նւէր է տալիս իւրաքանչիւր մէկին: Նա դրամը ափի մէջ առած ձեռքը բարձրացնում է օդի մէջ և ձայնում. — «Շէն կենայ խնամին մէ լաւ օսկի»: դրամը դնում է պարոզի ափի մէջ, կամ լաչիկի ծայրին կապում: Ապա բոլոր մատուցարանները վերցնում են պարոզների գլխից ու ներս տանում: Թէյ են խմում, թէյից յետոյ խնամիքը խնդրում են որ հարսին դուրս բերեն: Հարսնաքուրը, կամ մօտիկ ազգականը բռնած հարսնացուի բազկից բերում է: Սկեսուրը վեր է կենում ճակատը համբուրում, վզից կախում է բերած վզնոցը, քաջցրեղէն ածում գրպանը ու գնում նստում է իր տեղը: Միւս բարեկամներն էլ իրենց բերած քաջցրեղէններն ու նւէրներն են տալիս նոյն ձևով: Յետոյ հարսնացուին տանում են տղամարդկանց մէջլիսը: Առաջ սկեսուրը բարձրանում է տեղից, համբուրում է և փող կապում — 2-10 թուման դնում է պնակի մէջ, որը հարսնաքուրը պատրաստ ունի իր ձեռքում: ապա բոլոր տղամարդիկն էլ 1-2 թուման նւիրում են: Այ բոլոր դրամները հարսնացուն կանթում է և աւելացնում է իր վզնոցի վրայ: Վզնոցը շարում են ուլունքներով երկու-երեք հատ ուլունք են դնում և մէկ արծաթ դրամ՝ մինչև շարանը լրանայ, Բայց մէջտեղում դնում էին «Շաղերով 5 ուիալանոց»: Վզնոցը լինում էր երեք — վեց շարք: Հարսատեսք վերջանալուց յետոյ, ճաշում էին, թէյ էին խմում ու վերադառնում:

Փ Ա Յ Տ Ա Ն Ե Լ

Տարւայ գլխաւոր տօներին, այն է՝ Ծնունդ, Բարեկենդան, Զատիկ, Համբարձում, Վարդավառ և Աստուածածին, սկեսուրը հարսի համար «փայ» է ուղարկում: Փայը բաղկացած է լինում մի քանի դաթայից, մի քիչ քաղցրեղէն, կամ չամիչ և մի պնակ հալւայ: Փոքրիկ մատուցարանի մէջ դրած, երեսին թաշկինակ քաշած ուղարկում են հարսնացուին:

Հարսնացուի մայրն էլ, փոխադարձաբար, նման տօներին փեսացուի համար է ուղարկում:

Սօսեցեալները առ նւազը մնում են վեց ամիս, ապա պսակում են: Երբեմն էլ տևում է մինչև երկու տարի: Կար նաև մանկութիւնից նշանելու սովորութիւնը. բայց արդէն վերացել է:

Հ Ա Ր Ս Ա Ն Ի Ք

Զհարմհալի հարսանիքները մեծ մասամբ տեղի են ունենում աշնան վերջերին և ձմեռը, երբ գիւղացիութիւնը իր դաշտային ամեն աշխատանքները վեջացրած հանգիստ է առնում:

Հարսանիքից մէկ շաբաթ առաջ տղայի և աղջկայ ծնողները «չիթի» (հրաւիրատու) են ուղարկում հարեւան գիւղերի իրենց բարեկամներին, որի մէջ, անշուշտ, նշանակած է պսակի օրը և թւականը: Հրաւիրեալները գալիս են մի օր հարսանիքից առաջ. երեկոյեան սկսում է «գօղեր»: Մորթում են մսացուն, պատրաստում են իւղ, բրինձ և այլ հարկաւոր իրեր: Նախօրօք «նախշում» են հարսանքատունը. տան սև առաստաղի վրայ և որմերին ալիւրով զանազան ծաղիկներ, թռչուններ և թփեր են նկարում: Տան մուտքի հանդիման, վերի պատից կախում են մի մեծ գորգ կամ «քաշած կարպետ», որի վերի երկու ծայրերին կախում են մի-մի հաց, որ թագաւորն

ու թագուհին շուրջով լինեն», Գետնին զնուժ են մի բարձ
որ թագաւորը և հարսը կանգնեն վրան:



Հարսանիքը Չհարմհայում

Նոյն օրը փեսացուն քաւորի և փեսաախբօր հետ գը-
նում են գիւղի նոր ննջեցեալ ունեցողների տունը, ձեռք
համքուրում և իրաւունք խնդրում ամուսնանալու:

Բարկախտեմ. — Փեսացուի ծնողների կողմից մէկ-եր-
կու հոգի ուղարկւում է հարսնացուի ծնողների մօտ չբար-
կակարէք»ի: Փնացողները սովորական հարց ու բարկից
յետոյ՝ խօսք են բանում, թէ նախ իրաւունք տան խնա-
միքը հարսանիքի պատրաստութիւն տեսնեն, երկրորդ՝
ազկկայ ծնողները ինչ պահանջ: կամ առաջարկ ունեն:
Նրանք էլ նայած աղայի տնտեսական կարողութեան, ա-
սում են, օրինակ, 5 լիտր բրինձ, մէկ ոչխար՝ մորթելու
համար, 2 քեալլա (գլուխ) շաքար, 10 լիտր շիրինի
(քաղցրեղէն, չամիչ, փշատ, կամ նօխունչի — բոված սի-
սեռ) և մի 50 թուման գրամ: Փոքր ինչ սակարկութիւ-



Կանայք հարսանիքում պարելիս

նից յետոյ, համաձայնութեան են գալիս, որոշում է քա-
նակը և զալացողները վերադառնում են:

Չողվի իրիկու և. — Հարսանիքատէրը երեկոյեան «կանչ»
է ուղարկում: Երկու երիտասարդներ շրջում են գիւղի
բոլոր տները և հրաւիրում հետեեալ ձևով. «Ոնամի կամ
քաւոր Մատթէոսն ասում է համեցէք, այս իրիկուն արիք
միասին գողվանենք»: Տան մեծաւորը պատասխանում
է. — «Աչքներդ լուս, Ասուած շնհաւոր անի, բարով կապենք
կարմիրդ, բարով միւսների կանչը ման գաս. բարի է, կը
զանք»: Երաւիրողը բարի գիշեր է ասում և անցնում է
միւս տները:

Թագաւորի և հարսնացուի մայրերը արդէն ցերեկով
անձամբ շրջել են և հրաւիրել կանանց՝ նոյն փոխադարձ
օրհնութիւններով ու բարեմաղթութիւններով:

Երեկոյեան հաւաքում են ջահելները, երեխաներն
ու մօտիկ ազգականները և ընթրում են, ապա նւագում
գիւղի սազը. պարում են մինչև մի երկու ժամ, ուրա-
խանում և զնում են հանգստանալու:

Գափառահամաձայն. — Թագաւորի և հարսի բաղնիս տանելը: — Առաւօտեան վաղ խաչեղբայրը գալիս և խնդրում է «Գաւառորին համամ տանի»: Երբ իրաւունք է գտնում ծնողներից, կամ մեծաւորներից, թագաւորին, փեսայից-բօրը և մի քանի հոգի էլ հասակակիցներ վերցնում է իր հետ և գնում են գիւղի բաղնիսը. լողանալուց յետոյ գրնում են խաչեղբօրանց տուն, այնտեղ թէյ են խմում և ճաշում: Գալիս է սափրիչը, սափրում է նախ թագաւորին, յետոյ՝ միւսներին. սափրելու ժամանակ նւէր է պահանջում թագաւորից, նա էլ մէկ կամ երկու թուման վճարում է:

Թագաւորենց տանը, թագաւորի հազուստները դնում են մի ափսէի մէջ մի փոքր չամիչ, կամ փշատ էլ ներքևում, դնում են մի ջահել աղջկայ կամ հարսի գլխին. փշում է սագ ու դափը. հարսներն ու աղջիկները պարելով գնում են քաւորենց տուն. երիտասարդները խմբովին բարձր ձայնում են. —

«Գաւառորի երեսը պարզ,

Տղամարթիքն ապրած,

Գաստ-բըդաստ,

Գուշմանը սաստ,

Զին վազգուկ,

Թուրը կտրուկ,

Երկնքին ցօղ գետնէն պտուղ... հօ՛յ շօբօ՛շ հօ՛յ շօբօ՛շ...

Հասնում են խաչեղբօրանց տուն. հազուստ բերող աղջկան կապում են մէկ ուրախ, կամ աւելի դրամ և առնում են փեսայի հազուստները նրա գլխից, ներս են տանում տուն և հազնում թագաւորին: Գլխարկի վրայ կապում են խոչաձև մի մետաքսեայ թաշկինակ, ի նշան թագի: Փշում են սագ ու դափը, թագաւորը տանից դուրս է գալիս ու կանգնում. նրա աջ կողմում՝ խաչքաւորը, իսկ ձախ կողմը՝ փեսայի պէրն է կանգնում: Սկսւում է

«Գաւառատեսը». բոլոր բարեկամ կանայք ձեռքերին պատրաստ ունեն մի ափսէի մէջ՝ երեք կտոր դանդ, երեք թէյի պնակ չամիչ կամ քաղցրեղէն. թագաւորի ճակատը համբուրում են, մի կտոր դանդ դնում ծոցը, մի պնակ չամիչ ածում գրպանը, երբեմն էլ մի փոքրիկ թաշկինակ կապում վզին ու հեռանում, հերթը տալով ուրիշներին: Այստեղ «տեսնում են» միայն խաչեղբօրանց մօտիկ բարեկամները, միւսները գնում են թագաւորենց տուն:

Թափօրը շարժւում է դէպի թագաւորենց տուն կրկին երգելով, պարելով և սագ ու դափ անելով. Հասնում են դաւառորենց դուռ. այստեղ լրացնում են «Գաւառատեսը», ուղքեր որ խաչքաւորենց տանը չեն «տեսել» այստեղ իրենց դանդն ու չամիչը բերում նւիրում են: Վերջանալուց ու նւազը դադարելուց յետոյ, թագաւորը, խաչեղբայրը և փեսայիցները մտնում են տուն ու կանգնում «փարդի առջև». իսկ թափօրը սագանդարին ու դափաշուս առած գնում են հարսին «համամից դուրս բերեն»:

Հարսը նմանապէս իր ազգականների մօտ է լինում. թափօրը հասնում է այնտեղ, հազնում են, գլխին կարմիր քօղ գձում և տանից դուրս բերում, Հարսատեսը այնքան էլ տարբերութիւն չունի «դաւառատես»-ից. միայն թագաւորի մետաքս թաշկինակի փոխարէն՝ հարսին նւիրում են լաչիկ:

Իջնում են բակ ձին պատրաստ է, վրան էլ մի նախշուն «խուրջին քաշած» և բաշը դարդարած մի չափայ թաշկինակով: Հարսին նստեցնում են, զգիւրը բռնում է սանձը, դանդաղ շարժւում են դէպի հօրանց տուն՝ նւագելով, պարելով ու «շօբօշ» ձայնելով: Գարպասի մօտ իջեցնում են ձիուց. այստեղ էլի շտրունակւում է «լաչիկ կանչել»ը: Բարեկամները մի կամ մի քանի ուրախ դրամ տալիս են զգիւրին, նա էլ ափի մէջ առած, ձեռքը բարձր բռնած կանչում է. — «Շեն կենայ (օրինակի համար) Մի-

նաս Օվանէսի, մի լաւ լաշիկ է բերել հարսին»։ Վերջա-
նում է, ներս են տանում հարսին ու կանգնեցնում
«փարդի առջև»։

ՆՇԱՆ ՏԱՆԵԼ, ՆՇԱՆ ՕՐՀՆԵԼ ԵՒ ՇԻՐԻՆԻ ԲՍԺԱՆԵԼ

Միևնոյն օրը կատարւում է նշան տանել ու բերելը։
Նշանը պատրաստում են մի մեծ ափսէի մէջ, կենտրո-
նում մի դանդ, որի վրայ կապած են հարս ու թագաւորի
մատանիքը՝ մեաաքսէ կանաչ կարմիր թելով։

Տղայի ծնողները իրաւունք են խնդրում խնամինե-
ներից և նւագով, պարելով ու «Դաքւորի երեսը պարզ»
կանչելով նշանը տանում են խնամոնց տուն։ Դռան առջև
«փող են կապում» նրան, որի գլխին դրած է նշանը ապա
վերցրում ներս են տանում ու դնում են բազմականների
առաջ։ Քահանան իրաւունք է հարցնում և սկսում նշան
օրհնել։ Նշանօրհնէքը վերջանում է քահանայի պահպանի-
չով։ Բոլորը աչքալուսանք են տալիս, նոր գոյգեքը փո-
խանակում են մատանիները, յետոյ բաժանում են շիրի-
նին։ Բոլոր ներկաներին տալիս են մի-մի թէյի պնակ
չամիչ կամ փշատ, կամ մի ուրիշ միքո։ Շիրինին տղայի
հաշիւն է։

Աղջկայ ծնողները վերադարձնում են խնամոնց նշա-
նը նոյն ձևով. այնտեղ ևս շիրինի են բաժանում, բայց
նշան օրհնել չկայ։

Ծաղկի իրիկուն, որը կոչւում է նաև Դաքւոր լու-
սացած իրիկուն։ Սովորական ձևով հրաւիրում են գիւղի
բոլոր հասարակութեան թագաւորենց տուն, նաև լանգառի
մէզար և գդալ։ Քաւորենց տանից բերում են «քաւորա-
ծաղիկ»ը, որը թագաւորի կողմից ուղարկած մի դուխ
դանդն է՝ այժմ գուգւած։ Ափսէն դնում են պարողներից
մէկի գլխին, շօրօշ կանչելով, պարելով, դափ ու զուռնայի
նւագով դնում են թագաւորենց տուն։ Նոյն ձևով է նաև

փեսաախպօր ծաղիկը։ Երբ հասնում են դռան առջև, զգի-
րը վերցնում է ափսեները, փող կապում բերողներին՝
թագաւորի կողմից ու ներս է տանում, դնում բազմկան-
ների առաջ և իրաւունք խնդրում ծաղիկ կանչելու։ Իրա-
ւունքը տրւում է. առաջին հերթին բարձրացնում է
խաչեղբօր ուղարկածը և բարձր ձայնով ասում. — «Շէն
կենայ քաւորը, մի լաւ ծաղիկ է բերի թագաւորին»։
Յետոյ՝ փեսաախպօր բերածը, նմանապէս քահանայի, տա-
նաւորից և հասարակութեան։ Բացի խաչեղբայրը, փե-
սաախպօրը թագաւորի աներանք, միւսները բոլորն էլ
տալիս են մէկ կամ մի քանի թուման դրամ, որ զգիրը
«կանչելուց» յետոյ ածում է մօտը դրած պնակի մէջ.
վերջում յանձնում են թագաւորի ծնողներին. եթէ ծը-
նողներ չունի՝ խնամակալին, կամ մօտիկ ազգականին։
Ափսեների տակում լինում է մի երկու բուռ շամիչ. այդ
էլ զգիրը տանում է իր «խիզան»ին։

Ծաղիկը կանչելուց անմիջապէս յետոյ, ընթրում են.
քահանան օրհնում է սեզանը, նւագում են «հացի սագը»։
Այս բոլոր արարողութեան ժամանակ թագաւորը, խաչ-
եղբայրը և փեսաախպէրը կանգնած են լինում «փարդի
առաջ», բայց աշուղի սօհբաթն սկսելուց առաջ, իրա-
ւունք են տալիս դնան ընթրեն, մի փոքր էլ հանգըս-
տանան։

Մէջտեղ է գալիս աշուղը իր չունգուրով, աչքալու-
սենք տալիս և խնդրում հանդիսականներից մի «սօհբաթ»
ասի, «չամիաթին» ուրախացնի։ Իրաւունքը տրւում է.
նա ձեռքում բռնած չունգուրը, նախ մի «երիշխամա» է
ասում (խրատա-բարոյական մի ոտանաւոր), ապա՝ «սօհ-
բաթը։ Սօհբաթները գլխաւորապէս լինում են՝ «Աշուղ-
Ղարիբ», «Ռեհան-Սարգաբ», «Պան-Չօբան», «Թահար-Միր-
զա», «Արբաբ-Սեզանդի» կամ ուրիշներ։ Վերջացնելուց
յետոյ՝ Աշուղ Յարութիւն Օղլու յօրինած «յառաջ խնդ-

րեմ աստըծանէ, որ ձեզ օգնական ըլնենայ, փեսայի և հարսի վրայ Աստըծու շնորհ ըլնենայ» երգով: Վերջում աշուղը շունգուրը մօտեցնում փեսային, քաւորին, փեսա-ախպորը և յետոյ բազմականներին, որպէսզի ստանայ իր նւէրը: նրանք էլ մի քանի ուրախ դրամ են նւիրում: Իսկ թագաւորի կողմից ստանում է իր վարձատրութիւնը:

Սօհրաթից յետոյ, հասակաւորները գնում են հանգըստանալու և ջահեկները մնում են «ծառ գովելու»: Նւագում ու պարում են մինչև լուսաբաց, երբ թագաւորի մայրը բերում է «ծառը»: Մի փոքրիկ մատուցարանի մէջ մի քիչ չամիչ, մի կտոր դանդ, կամ մի երկու հատ սերկեիլ է դրած, դնում են մէջտեղ, հասակաւորը կամ պատուաւոր հիւրը ծանր եղանակով մեններգում է. —

«Օրհնեալ է Ասուած, օրհնեալ է Յիսուս, օրհնեալ է Քրիստոս: Գաջուր ի՞նչ բերենք քէ նման:

Քո կանաչ յարկի նման,

էն սուսան սմբուլը, որ բացւել է,

Բացւել է քու կանաչ յարկի նման»:

Կրկնում են երեք անգամ, յետոյ լամբովին թնդացընում են—Սուրբ Կարապետայ օրհնութիւնով, օրհնութիւնով, ծառս ի ծաղկեցաւ. ծառ ծաղկեցաւ, ճիւղք բազմեցաւ կանաչ ու կարմիր:

Այսպէս երգում են ըզլոր սրբերի անուանով և յետոյ մեծաւորը կրկին մեններգում է. — «Գնացէք բերէք սերով սեղան, ծառ գովողին փայ է պիտի»: Սրանով վերջանում է. ափսէի միջի չամիչը բաժանում ներկաներին, թէյ և նախաճաշ են տալիս:

Պ Ս Ա Կ Ի Օ Ր

Լուսաբաց է արդէն, կանայք շաղախել են հինէն մի փոքրիկ գաւաթի մէջ, գաւաթը դրել են փոքրիկ ափսէի մէջ և մի հատ մոմ վառել կողքին: Փշում են սագ ու

դափը: հինայի մատուցարանը դնում են մի հարսի կամ աղջկայ գլխի և շօքօշ կանչելով ու պարելով գնում են հարսենց տուն: Տան դուռն: փող են կապում հինա պարացնողին, հինէն գլխից վերցնում և ներս են տանում: Հարսը կանգնած է փարդայի առաջ, խնամիքը նրա ծնողներից «ուսխաթ» են հարցնում, իրաւունքն ստանալուց յետոյ, թագաւորի քոյրը, կամ մօտ ազգականներից մէկը, հինէն ձեռին մօտենում է հարսին, ճակատը համբուրում է և գաւաթի հինայից, իր մատների ծայրով, խաշաձե քսում է հարսի երկու ափերի մէջ, յետոյ հարսը իր ձեռքով առնում է գաւաթի հինայից և շփում ձեռքերը. ապա՝ ներկայ եղող հարս-աղջիկները վերջացնում են գաւաթի հինան՝ քսելով իրենք ձեռքերին:

Փոխադարձաբար աղջկանց կողմից հինա են տանում թագաւորին նոյն ձևով:

Առաւօտեան պատրաստում են թագաւորին տանել աներանց տուն «ձեռ ձեռ» տալու հարսնացուի հետ: Տանից դուրս է գալիս թագաւորը, աջ կողքին է խաչեղբայրը, ձախ կողքին՝ փեսաախպերը, կայնում են իրենց դուռան մօտ, փշում է գուռնան և դափը, կանայք մօտենում են կարմիրը կապելու: Մայրը առնում է «կարմիր»ը ձեռքում պարում է, յետոյ գալիս մօտիկ, երեք անգամ կարմիրը շրջում է թագաւորի վզի շուրջ, համբուրում և տալիս է մի ուրիշին. նա էլ նմանապէս. մի քանի ձեռք անցնում է կարմիրը մինչև մէկին վիճակում է կապելը: Վերջինս կարմիրի վերին ծայրի կէտը անց է կացնում թագաւորի աջ ուսազլխի հագուստի մէջ: Վերջանում է այստեղի արարողութիւնը. թափօրը շարժւում է դէպի խնամոնց տուն, նւագով, պարելով և շօքօշ կանչելով. նրանց հետ տանում են նաև հարսի պսակի հագուստները. այստեղ կրկին փող են կապում հագուստներ բերող աղջրկան և գլխից վեր առնում շրթերի մատուցարանը:

Քահանան պատրաստ է «Հանդերձ օրհնելու» կարգը կատարելու: Բերում են հարս ու փեսային. աղջկայ հայրը բռնած նրա բազկից յանձնում է սկեսրարին հետեեալ խօսքերով. — «Մնամի, էսքան տարի (օրինակի համար Անուշը) իմ աղջիկն է եղել, հիմի երկուսինս է դառնում, թէ ես լաւ չեմ կարողացել պահել, յոյս ունեմ դուք աւելի երջանիկ կը պահէք: Աստուած ձեր սէրն անպակաս անի, Հայր Արրահամու օրհնութիւնն իրենց վրայ լինի»: Վերջացնում է իր օրհնութիւնները և աղջկայ ձեռքը յանձնում է սկեսրարին: Նա էլ իր հերթին բաւական օրհնութիւն ու բարեմաղթութիւններ է անում, ապա հարս ու թագաւորը շքում են, քահանան կարգը վերջացնում է, ձեռք-ձեռքի տալիս, մի քանի խրատական խօսքեր ասում և առաջարկում է եկեղեցի գնան: Հագցնում են հարսի հագուստները, գլխին դնում են սպիտակ քօղ, վերայից էլ կարմիր «պամբիրի» (մեծ քառակուսի թաղկինակ): Տանից դուրս են բերում հարս ու թագաւորին. այստեղ էլ կապում են «կանաչը» ճիշտ կարմրի ձևով. ապա պարելով ու շօբօշ կանչելով, նաև «Արդ հրամանաւն Աստածային» սագի նւագով գնում են եկեղեցի: Եկեղեցու բակում դադարեցնում են նւագը, հարս ու թագաւորը մտնում են եկեղեցի: Պսակի արարողութիւնը վերջանալուց յետոյ, հարս ու թագաւորին տանում են տուն՝ սագի նւագով և «Արեգական» երգելով: Երբեմն էլ աղջկայ ծնողները փափագ են յայտնում պսակից յետոյ հարս ու թագաւորին և բոլոր հանդիսականներին հրաւիրել իրենց տուն, ճաշ տալ յետոյ ճամբել: Պսակը կատարում է թոյլատրւած օրերը միայն, ըստ եկեղեցական կանոնի, կամ օրացոյցի:

Սովորութիւն է նաև, երբ հարս ու թագաւորը տան դարպասից մտնելու ժամանակ ոչխար են զոհում նրանց առջև և մի պնակ քաղցրեղէն (նօղլ) են թափում նրանց

գլխին և այդ պնակը դնում հարսի ոտքի տակ, որ կոտրի, ի նշան յաջողութեան:

Հաւագլուխ. — Պսակից յետոյ, երբ ճաշում են, ըսկըսում են զուռնան, երիտասարդներն էլ՝ դուռնաբազի խաղը: Այստեղ թագաւորի բարեկամները մի մի հատ հաւ կամ աքլոր են բերում հաւագլխի համար. զգիրը բռնում է հաւի ոտներից ու բարձր պահում: Առաջին խփողը թագաւորն է, առնում է թուրը, մօտենում է և մի հարւածով խփում թոցնում է հաւի գլուխը. նրան հետեւում են խաչեղբայրն ու փեսախպէրը, յետոյ ուրիշները: Երբեմն էլ թագաւորը խփում է ոչխարի գլուխ, կամ գառան՝ նոյն ձևով, բայց ոչխարը պառկած են պահում գետնի վրայ:

Հարսի իրիկում. — Գարձեալ թագաւորի կողմից հրաւեր են ուղարկում գիւղի բոլոր ժողովրդին. այդ գիշեր աւելի ճիշտ երիտասարդներին: Գնում են այնտեղ ընթրում, նւագում, երգում, պարում են ու մի քանի ժամից յետոյ գնում են հանգստանալու:

Հիւրերի մեկնումը. — Հաւագլխի ժամանակ մորթած բոլոր հաւերը նոյն գիշեր եփում են և միւս առաւօտեան հետու գիւղերից ձկած «կանչւորներին» կերակրում ու ճանապարհ ձգում. սրանով վերջացած է համարում հարսանիքը: Հարս ու փեսան առադաստ են մտնում:

Խ Ն Ա Մ Ա Պ Ա Տ Ի Ի

Հարսանիքից երեք-չորս օր յետոյ տղայի ծնողները խնամոնց հրաւիրում են իրենց տուն. երբ բոլորը գալիս են թագաւորի հայրը հրաւիրեալներից իրաւունք է հարցնում, որ հարս ու թագաւորը գան դուրս «ձեռ պաշեն»: Նախ գալիս է փեսան, բոլորի ձեռքը համբուրում ու գրնում: Բերում են հարսին թևից բռնած, մի չափա աղ-


լուխ էլ ձախ ձեռքով բռնած իր բերանին: Նա «ծաղկի» է տալիս բազմականներին,—գլուխը խոնարհում է ի նշան բարևի. հիւրերը համբուրում են նրա ճակատը, մի քանի ուրիշ ձեռքով են հարսնաքրոջ ձեռքի պնակի մէջ, սրան ասում են «երեստեսնուկ»:

Ճաշից յետոյ բերում են մի մեծ «մաշիմա», որի մէջ շարել են զանազան նւէրներ. գալիս է տանտիկինը և բաշխում խնամիներին, իրենց պատւին «լայեղ»: Նըբանք շնորհակալութիւն են յայտնում և հեռանում:

Աղջկայ ծնողները խնամապատիւը փոխարինում են մի քանի օր յետոյ՝ նոյն ձևով: Նորապսակ հարսին տանում են հօրանց տուն անաշիկայ Զատիկից մի քանի օր անաշի:

ԾՆՈՒՆԴ ԵՒ ՄԿՐՏՈՒԹԻՒՆ

Երեխան ծնւելու ժամանակ աղում են և նոյն օրը կամ միւս օրը, «Փառք բարձուն» են ասում, ջուր են



Չհարմհալցի 24 երեխայ ծնող մայրը, Մաղափայի կին Եղիսան իր աղջիկներով.

օրհնում, որ ծննդականը լւացւի: Հարևանները լսելուն պէս գալիս են աչքալուսանք տալու. նոյնիսկ մօտակայ գիւղերի կանայք գալիս են, բոլորն էլ անպայման մի նւէր բերում են նորածնի համար:—Մի կտոր շաքար, մի մետր չիթ, մի փոքր պանիր, ալիւր և այլ բաներ: Բոլոր այցելուներին հիւրասիրում են թէյով և մի փոքր պնակ շամիչով: Քառասուն օր ծննդականը տըմի փոքր պնակ շամիչով: Ծննդից յետոյ՝ մի քանի օր երեւից դուրս չէր գնում: Ծննդից յետոյ՝ մի քանի օր երեւից խային իւզ և շաքար են ուտեցնում, իսկ մօրը՝ «բրըշտուկ», ունեւորները գինի ևս տալիս են մօրը: Մկրտութեան օրը յատուկ հրաւէր են ուղարկում բոլոր ազգական-բարեկամներին, թէյ են տալիս, կերակուր և քահանային մի քանի ուրիշ դրամ:

ՕՐՕՐՈՅ ԳՆԵԼԸ

Երեխային շուրջ երկու-երեք ամիս պահում են «բալուլով» (խանձարուր). ապա մի օր կանչում են ազգական-բարեկամներին և հարևաններին ու «սարքում են օրօցը», ներկաները բարեմաղթութիւն են անում: Տատիկը տաքացրած հողը ածում է հողաշորի մէջ, դնում է օրօրոց և պառկեցնում մանկանը: Գաղարկ օրօրոց չեն օրօրում, որ երեխայի «փորը չցաւի»: Օրօրոցից կախում են մի շարան ճան (վէզ) մէջտեղում մի բոժոժ կամ զանգակ, որ երեխան արթուն ժամանակ զբաղւի:

Սովորաբար չհարմհալցի հայ կինը երեխային մօտ երկու տարի ծիծ է տալիս. շատ քիչ է պատահում, որ ծծմայր ունենան, դա վերագրելի է առողջարար կլիմային: Երեխային ծծից կտրում են խաբելով, մօր ծծին մուր են քսում, կամ ասում են «կատուն տարել է», կամ «բոբոկ կայ մամի ծծի վրայ» և այլն:

Երեխաները որոնք «ղուլ են» եօթը տարի մազը չեն կտրում, ապա տանում են «սրբի ոտ» այս կամ այնինչ

անունով եկեղեցին, ուխտ կատարում, գլխի մազերի չորս կողմից խաչաձև կտրում, որից յետոյ անիվելու կամ խուզելու իրաւունք ունենւմ: Առաջին անգամ սափրողը նւէր է ստանում մէկ երկու բիւլ:

Երեսան եթէ ուշ է ոտք ելնում, ուխտի են տանում, աղօթք կամ գիր են անում: Զեռքից բռնած ման ածում, կամ գլանակ են պատրաստում:

Մ Ա Հ Ե Ի Թ Ա Ղ Ո Ւ Մ

Երբ վախճանում է մէկը, անմիջապէս հնչեցնում են եկեղեցու զանգակները ծանր, որին ասում են «մեռելի զանգ». քահանան գալիս է, ջուր օրհնում, որով լուանում են ննջեցեալի դին. պատանում են սպիտակ «չլւարի» կամ «նաշուր» կտորով, դնում են դազադի մէջ և վրան քաշում են երկու-երեք մետր կտոր, գլխի վերև վառում են մի մոմ և խունկ ծխում: ննջեցեալի երեսը դէպի արևելք է դարձրած լինում: Լողացնողները, որպէս վարձատրութիւն, ստանում են ննջեցեալի հագուստները և բաժանում իրարու:

Հետզհետէ գալիս են բոլոր հարևաններն ու ազգականները, մանաւանդ կանանց դասը, ողբում են տխուր եղանակներով:

Եթէ ննջեցեալը առաւօտեան է վախճանել, անմիջապէս տանում են եկեղեցի դազադի չորս ծայրից բռնած. կարգ կատարում և ամփոփում են հասարակած գերեզմանատանը, իրենց տոհմայինների մօտ: Եթէ երեկոյեան դէմ է, պահում են եկեղեցում, միւս օրը թաղում կատարելու:

Դին եկեղեցի տանելուց յետոյ, քահանան և ժողովուրդը վերադառնում են ննջեցեալի բնակարանը «հոգ-

ւոց» ասում և կրկին դառնում են եկեղեցի «կարգ կատարելու»:

Թաղումից յետոյ էլ նոյնպէս, երբ գերեզմանատանից գալիս են, բոլորը ոտքի են կանգնում, «հոգւոց ասում», ողորմի տալիս ու նստում են թէյի և ճաշի: Հոգեհացը ընդհանրացած է: Վերջանալուն կրկին «Աստուած ողորմի իրա հոջուն» ասելով հեռանում են: Եթէ հասակաւոր մէկն է մեռնողը, նրա խաթեր համար այդ օրը գործի չեն գնայ:

Այգուց. — Զհարմհալի քարբառով «հեքնահոդ» գնում են ննջեցեալի գերեզմանի գլուխ յաջորդ առաւօտեան. նախ կանայք, յետոյ տղամարդիկ: Գալիս է քահանան, կարգը կատարում, վերադառնում են տուն. տան դռան «հոգւոց» ասում, թէյ են խմում և ողորմի տալով հեռանում են: Երբեմն էլ հոգեհաց է տրւում:

Քայց կանայք մինչև եօթ օր մենակ չեն թողնում ննջեցեալի հարազատներին: Հետզհետէ գալիս են իրենց հետ բերելով մի թաշկինակ, կամ մի կտոր շաքար ու «մխիթար խօսում»: Բերած մխիթարական նւէրը քաշ դրնում տան մեծաւորի կողքին, ի նշան ցաւակցութեան:

Եօթօրէի (օխտօրէնք). Քառասունքի և տարեգըլխի պաշտամունքները կատարում են նոյն ձևով, երբեմն էլ Պատարագ են մատուցում հանգուցեալի հոգու համար: Տարւայ ընթացքում մի քանի անգամ «պաշտում» են կատարում. Տարեղլխին գերեզմանաքար են դնում գերեզմանի վրայ:

Եօթօրէի ճաշից յետոյ հասակաւոր կանայք լւանում են ննջեցեալներին հարազատների ու մօտիկ ազգականների թաշկինակները, չորացնում են, ծալում ու յանձնում իրենց: Ծերունիները ևս կանչել են տալիս սափրիչին, սափրում է ննջեցեալի հարազատների ու ազգականների երեսները: Երկու արարողութիւններից յետոյ մխիթա-

բական են խօսուում: Ճիշտ այգուցի նման են կատարում քառասունք և տարեգլուխը:

Եթէ ննջեցեալի թաղումից յետոյ դիւղում հիւանդութիւն էր ընկնում կամ մահ շատ էր պատահում, ասում էին ննջեցեալի սիրտը դեռ կենդանի է, պիտի հանել և ճղել. սակայն յիշատակութիւն չկայ, այսինքը նման բան չի պատահել:

Հոգեորականներին առանձին վարձատրութիւն չկար ննջեցեալի թաղման և միւս պաշտօնները կատարելու համար, միայն ննջեցեալի դպագրի վրայի «յիշենք» կամ «յիշմունք»ի համար ձգած մանր դրամները (սև փողեր), որոնք միջանի ուխտի էր հասնում:

Պրախտը պատրաստւած է արդարների համար, բոլոր բարեպաշտ և լաւ մարդիկ դրախտ կը գնան և կը վայելեն հանդերձեալ կեանքը. իսկ դժոխքը՝ մեղաւորների, որտեղ պիտի տանջեն չարագործները (գող, աւագակ, մարդասպան, պոռնիկ և այլն): Սա տեղի կունենայ դատաստանի օրը: «Արդարացն կեանք յաւիտենական և մեղաւորացն տանջանք յաւիտենական»:

Ննջեցեալի հոգին մարմնից բաժանւում է սակայն նրա գլխի վերեն և մինչև գերեզման դնելը, հողով ծածկել և «փառք ի բարձուն» երգելը, որից յետոյ վերանում է:

Ձ Գ Ե Ս Տ

Չհարմհալի հայ տղամարդը, համագաւառացի պարսիկների նման, կրում է հետեւեալ պարզ զգեստները:

Գլխարկ. — Քօլք կամ բուրդ: պատրաստւած է թաղիքից, 15 — 20 սանտիմետր բարձրութեամբ, կլորակ, առանց հովանիի, կամ բոլորակի. ամառայ շոգերին, ճակատի ուղղութեամբ, գլխարկի վրայ կապում են «աֆթարգեարդուն» (շաքարան) կամ թաշկինակ, որ արեւը չայրէ դէմքը:



Չարմհալի նորհարսը 1870 թ. սարագով:



Չհարմհալի տղամարդու հին սարագ

Շապիկ.— Կարում են կտաւից, մթխալից կամ շլւարուց, սպիտակ է, երկար թևերով, որ ծածկում է գրեթէ մարմնի կէսը: Կրծքի աջ կողմում կամ կենտրոնում ճեղքում են՝ կոճակներ շարելու, որին ասում են «եախա»:

Արխալուխ կամ ալխալուխ.— Կարում են չից, հագնում են շապիկի վրայից, հասնում է մինչև ծնկները, երկու կողքերին ունի մեծ զրպաններ, թևերը մինչև արմուկները կարած է, իսկ զրանից ներքև մինչև դասապր բաց է, առանց կարի. ամբողջապէս աստառած է:

Թունբան (վարտիք).— Կարում էին սև կամ կապոյտ կտաւից, մթխալից, կամ դարբից. ծածկում է պորտից մինչև քոնների կոճերը: Բաւական լայն է, շրջագիծը մօտ մէկ մետր է:

Կապալ.— Կարում են կտաւից, մթխալից, դարբից, լաւ բուրդ կտորից, կամ կտորից. արխալուխի ձևով, բայց մինչև մէջքը աստառած, փէշերը հասնում է մինչև ծնկներից ներքև, հագնում են արխալուխի վրայից, կուրծքը եռանկիւնաձև բաց է, կոճկում է փօրի վրայ. փէշերի ամբողջ երկայնութեամբ և շուրջը ունի քօբա:

Գօսի կամ գօտիք. Կապում են կապայի վրայ մի քանի մետր երկարութեամբ կտոր. իսկ գործի ժամանակ՝ մի բարակ դայիշ (թոկ):

Սարդարի, փուլուշա, փալթու.— Երեքն էլ վերարկու



Դաւիթ Յարութիւնեան և Եղիազար Խանլարեան. 1900 թ.

են կարում են ընտիր բուրդ կտորից և հագնում են կապայի վրայ:

Չուխա — Բարակ հիւսւած բրդից, լայն և առանց թևերի, գցում են ուսերի վրայ, հասնում է մինչև ոտքի կոճերը. գործ են ածում երիտասարդները:

Աբա. — Ճիշտ չուխայի ձև է, բայց հաստ հիւսւած. քով, գործ են ածում ծերերը:

Գուլբայ. — Գործում են կանայք իրենց պարապ ժամերին, բամբակից կամ բրդից. մեծ մասամ հագնում են ձմեռը:


Կօշիկ. — Չանագան ձևերի են. ամենաշատ գործածականը և դիմացկուներ «գիւան» է, որի երեսի մասը հիւսում են բամբակի թելից, իսկ ներքևինը՝ (թախտը) հին կտաւի կամ մթխալի կտորից. երբեմն էլ խոզի կամ գոմէշի կաշւից են պատրաստում: Ձիւնի մէջ երկար ճանապարհ կտրելու համար հագնում են ճարուխ (տրեխ): Գիւային քայաշ են ասում:

Քափանակ. — Սա թաղիքից պատրաստած եափօւնջու ձև ունի, ցուրտ եղանակներին առնում են ուսերին:

Քուրդի. — Առաջինից նեղ են պատրաստում. ուզած ժամանակ կարող են հագնել որպէս վերարկու:

Կանացի զգեստներ

Շապիկ. — Կարում են մթխալից, շթից կամ մալմալ կտորից թևերի կէսից մինչև դաստակը նիմղանաւուզ կտորից է: Կարում են երկու տեսակ: Կարճ՝ մինչև ազդրերը. սրան հագնում են շինդարի տակից. երկար՝ հասնում է մինչև ոտքի կոճերը. հագնում են մինթանի տակից. սրա գոգը նիմղանաւուզից է, երբեմն էլ հարուստները կարում են դանաւուզից, ունի գառով քաշած «եախա». կրծքին դնում են մի քանի կանթած ոխալանոց դրամներ՝ կոճակների փոխարէն: Մինթանը հագնում են հասակաւոր կանայք:



Չարմախի և ին սարսու

Չինդար. — Թե ու թիկունքը չափաւոր ձեւած է, բայց գօտիից ներքեւ բաւական լայն են թողնուած, երբեմն «օխտը թախտա» են անում (եօթ կտորի լայնութիւն): Կարում են գանազան կտորներից, գանազան գոյներով, կուրծքը զարդարում են գառով, արծաթ դրամներով և թոռով: Հասնում է մինչև ոտի երեսը: Հագնում են երիտասարդ կանայք:

Միւրսան կամ միրսան. — Սա հայ կանացի տարագրի սոսկական ձևն է: Չհարմհալի պառաւները մինչև վերջերս էլ հագնում էին: Ունի երկար վէշեր կրծքից մինչոտները բաց. միայն մի կոճակ է դրում փորի վրայ. կարում են գանազան կտորներից, երբեմն մետաքսից և ընտիր կրտորներից, շուրջը քօբայ են դրնում և ամբողջապէս աստաքաշում:

Գուլուչա կամ ֆուլաչա. —

Գլխաւորապէս կարմիր գոյնից են կարում, մահուդ կամ նարինջի չիթ: Թեերը կարճ է մինչև արմուկները, ամբողջովին աստառած. շուրջը թօռ կամ գառ դրած. հագնում են չինդարի վրայից որպէս վերարկու, չասնում է մինչև ծնկները:

Գլխաւորներ եւ զարդ

Շուրսակ. — Վեղարածե, կարած է սպիտակ կտորից, ներքևի



Չհարմհալի հին սարագ

մասը խողովակածն է, դնում են գլխներին, որի միջով անցնում են ծամերը (հիւսերը). վրան շարում են կանթած ուիալ դրամներ, որը կախում է ճակատին:

Տկալաչիկ. — Սպիտակ կտաւից կամ մթխալից են կարում, եռանկիւնի է, կապում են շուշտակի վրայ:

Գլխաւոր. — Փոքրիկ քառակուսի, մի քանի ծալ հաստութեամբ կտոր, որի գագաթի վրայ ամբացնում են դլխազարդերի կեռերը: Երկու ծայրերին ունի թելեր, կապում են կզակի տակից, որը կոչւում էր «բօջօթիկ»:

Երեսնոց. — Արծաթից պատրաստած օղակներով և բլշտիկներով մի զարդ է, մօտ կէս մետր երկարութեամբ, երկու ծայրերին ունի կէռեր, որոնք ամբացնում են գլխաշորի վրայ: Ունի նաև երկու շաղեր, որոնք ծնօտների վրայից անցնում են և կէռերը ամբացւում են ականջների ետևը:

Կօս. — Կարում են թաղիքից, կամ կարդոնից թաղածն դնում են գլխաշորի վրայ:

Թրքոնիկ. — Արծաթից պատրաստած մի շարան ձրկնիկներ, կապում են կօտի վրայ՝ ծայրերը կախում է դէպի ճակատը:

Եամշաղ. — Սպիտակ նուրբ կտորից թաշկինակ է, որ կապւում է ծածկում բերանը՝ սկսած քթի ծայրից ցածր:

Դնչկալ. — «Գօլի» կամ ծաղկաւուն թաշկինակ է, որ կապում են եամշաղի վրայից:

Տկալչին (երկրորդ). — Նոյնը, ըստ առաջինին, կապում են կօտի վրայ:

Լաչիկ. — Մէկ ու կէս մետր երկարութեամբ և եռանկիւնի. կարում են չիթից, աղարանովուց, նարինջից և պամբրուց: ձգում են կօտի վրայ, երկու ծայրերը ներքև բերում կզակի տակից անցկացնում և հակառակ կողմից բարձրացնում դէպի գագաթը, կապում են այնտեղ և աւելեալը կախում քամակից:



Մամուռան գիղի ամուսնուհի՝ Ղուկաս Կարապետյանի (1840—1940) եւ տղայի՝ Ռվսանյանի:

Իրենամ. — Բուրձ մատի զարդը, օղակաձև արծաթ, փոքրիկ կտուցով և մէկ մատնաչափ լայնութեամբ. դնում են բուրձ մատին:

Մասանի. — Կանայք գործ են ածում մի քանի հատ պատրաստում են արծաթից, պղնձից և ոսկուց (վերջինից սակաւ):

ձեւոց. — Կանթաց գրամները շարում են ուլունքներով, մէջտեղում դնում են մի «շաղերով փանդարի» և

գցում են վզները: Լինում է 3—5 շարան:

Քուլիկ (ճակատի շարան գրամները). — 20—30 ուրալ արծաթ կանթած գրամներ շարում են մի թելի մէջ, կարում են կօտի տակից ճակատի երկարութեամբ:

Դօտի փող. — Նոյնպէս շարում են գրամները թելի մէջ, և կարում են շինդարի կրծքին ուղղահայեաց երկու կողմերին:

Չափուստ. — Պատրաստւած է արծաթից ձկան ձևով, 10—20 հատ միացրած են օղակներով, մէկ կողմի ծայրերը կոճակաձև են, միւս կողմինը նոյն մեծութեամբ ծակեր ունեն, ուզած ժամանակ կոճկում են, որով ծածկւում է կուրծքը:

Կոնակ. — Արծաթեայ փոքրիկ գնդիկներ են, ծայրերին ունեն կանթ, շարում են թելի վրայ, կարում մինթանի կրծքին ուղղահայեաց. իւրաքանչիւր կողմը 20 հատ:

Քամար. — Պատրաստում են մի քանի կտոր արծաթից, շարում մի կտոր թոկաձև կտորի վրայ և կապում մէջքից:

Գօտի. — Հասակաւոր կանայք թաղիքից հիւսած լայն կտորանման ծածկում է փորը և մէջքը, իսկ երիտասարդ կանայք նարինջ կամ կարմիր կտորից են կարում և կապում:

ՈՒՏԵԼԻՔ ԵՒ ԽՄԵԼԻՔ

Չհարմհալի հայ ժողովուրդը կերակրւում է պարզ կերակուրներով. ինչ որ տեսել ու սովորել են իրենց նախնիքներից՝ նահապետական ընտանիքներում:

Սովորական կերակուրները հետևեալներն են, որոնց մասին մի առ մի բացատրութիւն գրելը աւելորդ եմ համարում:

Թանապուր, եախնի, փլաւ, շիլա, յաճարի փլաւ ու

շիլա, հատիկ, ջրով հախնի, մախոխ, բանջար, հալիմ, խորոված միս, հալալ, բրշտուկ, տապակած միս և խաշած բանջարեղեններ: բորանի, ձևածեղ, փոխինդ, հումսեր, սեր, կարագ, առատ պանիր և կաթնեղէն ու դոշար: Ձըկնեղէն շատ քիչ է զործածուում ձուկի սակաւութեան պատճառով:

Սմեւիքներն են՝ թան, թէյ, սուբճ (քիչ) և շատ քիչ գինի և օղի:

ՊԱՏՄԱԿԱՆ ՀԵՏՔԵՐ ՉԼՍՐՄՆԱԼՈՒՄ

Չհարմահալի պատմական վայրերից յիշենք միայն Շափոնագը, Մաղար-դօխթարը և Վաստիգան գիւղը:

ա. Շափոնագ. Աւանդութիւնն ասում 17-րդ դարի սկզբներին, երբ հայերը հաստատուեցին Չհարմահալում, Ձը-գախոռի շրջանի գիւղերն ունէին մի վարդապետ, որպէս գաւառի հոգեւոր հովիւ: Վարդապետը վախճանուում է. թաղման ժամանակ վէճ է ծագում սարի երկու կողմերի գիւղացիների միջև. երկու կողմն էլ պնդում են թէ անպատճառ իրենց գիւղի հանգստարանում պիտի ամփոփեն, վէճը տեսնում է երկու օր: Երկրորդ օրը մի գիւղացի երագ է տեսնում և առաւօտեան յայտնում, թէ հանգուցեալն երագում ասաց. «Ինձ թաղեցէք սարի գագաթին, որպէսզի բոլոր գիւղերի ժողովուրդը կարողանայ տեսնի»: Այդպէս էլ անում են, թաղում են սարի գագաթին և գերեզմանի վրայ մի գմբէթ են կառուցում: Սարի գագաթին բոլորովին ջուր չկայ. ասում են թէ հաւատացեալ մարդիկ և կանայք տկերով ջուրը շալակած սարի ստորոտից տանում են մինչև գագաթը, երբեմն էլ այծերի քամակից են կապում ու տանում մինչև աւարտելը:

Վարդապետի անունն եղել Սարֆրագ, բայց ժամանակի ընթացքում աղաւաղել են ու դարձրել Շափոնագ,

մանաւանդ որ պարսիկները վերջինս հեշտ են արտասանում: Ջիվրիգանի և Ջղախօռի միջև ընկած սարի գագաթի այս գերեզմանը այժմ պարսիկները պահում և պահպանում են որպէս մուրազատու մի սուրբ. նրանք յաճախ երդուում են այս սրբավայրի անունով:

բ. Մաղար Դօխթար (մայր և աղջիկ). — Գեանդուման գիւղի արևելեան կողմում, գիւղից ոչ հեռու, կայ մի սրբածայր սար «Մաղար դօխթար» անունով: Այս սարի ստորոտից բղխում են պարզ և սառնորակ աղբիւրներ: Աղբիւրներից մէկի վրայ շինուած է քարաշէն մի տնակ. տնակն ունի մի պահապան, որը հսկում է և դուռը միշտ փակ պահում. բանում են միայն ուխտաւորների համար:

Տնակի ներսը մի ժայռի ճեղքից երևում են երկու փունջ կանաչ գանգուրներ, որոնք տարւայ բոլոր եղանակներին էլ մնում են անփոփոխ:

Աւանդաբար պատմում է Փոքր Շահ Աբբասի օրով սոսկալի հալածանք է տեղի ունենում. հարեան Ղաշղայի, Լօռ և պարսիկ վրանաբնակները անդթօրէն նեղում. շարչարում են խեղճ ու կրակ հայերին: Մաղար-դօխթարին մօտակայ հայ գիւղերում լինում են մի գեղատեսիլ հայ մայր և աղջիկ, պարսիկները հետևում են սրանց առեանդելու: Մայր ու աղջիկ փախչում են գէպի յիշեալ սարը՝ իրենց ազատելու, կամ հակառակ պարագային՝ գահավէժ լինելու: Նրանք նստում են սարի ստորոտի աղբիւրի մօտ հանգստանալու և ջուր խմելու. այդ ժամանակ յանկարծակի հասնում են հալածողները. մայրը յուսահատ աղօթում է. — «Ասուած իմ, գետինը պատուէր և մենք կուլ գնայինք, որ այս անօրէնների ձեռքը չնկնէինք»: Այս խօսքերի հետ ժայռը տեղի է տալիս երկու թշուառներին, որոնց երկար ծամերը մնում են ժայռի ճեղքում մի քանի մատնաչափ դուրս:

Հայերի Գեանդուման գիւղից հեռանալուց յետոյ, այս

վայրը պարսիկներն ընդունել են որպէս սրբավայր, իսկ խաները դարձրել են իրենց ընտանեկան դամբարանը, որտեղ և շինել են մի աղօթատեղի: Գեղեցիկ է Մազար-դօխթարը, սրագագաթ բարձր սարի ստորոտում կան մի քանի աղբիւրներ, ծառեր և լաւ կանաչութիւն:

գ. Վասիզան.— Հայերը Պարսկաստան հասնելով և մի մասը՝ Չհարմհալ Մելիք Տէր Պետրոսը իր տոհմայիններով և մի շարք իրեն ենթակայ գիւղացիներով բնակւում են Վաստիզանում: Վաստիզանը, ինչպէս երևում է աւերակներից և հետքերից, եղել է մի գիւղաքաղաք: Սովզու սարի ստորոտում ունեցել է եօթը ջրաղացներ, ձիթահանքեր և ուրիշ օգտակար հաստատութիւններ: Վաստիզանի գլխաւոր առուն, որտեղից ջուր են տարել ջրաղացների և արտերի համար, բարձր սարի լանջին քանի ժայռեր ու ձորակներ կտրելով բերել են ու հասցրել են գիւղին: տեսնողները հիանում են նրանց կարողութեան վրայ:

Գերեզմանատնում կան հսկայ տապանաքարեր, որոնց մէջ ամենանշանաւորն է, սկզբում յիշւած: Մելիք Տէր Պետրոսի գերեզմանաքարը իր մեծութեամբ ու որակով:

ՍՆՈՏԻԱՊԱՇՏՈՒԹԻՒՆ ԵՒ ՆԱԽԱՊԱՇՏԱՐՈՒՄՆԵՐ

Չհարմհալի հայ ժողովուրդն ևս գերծ չի եղել սնտիապաշտութիւնից և նախապաշարումներից: քանի որ նա ապրել է աշխարհի խաւար անկիւններից մէկում դարեր շարունակ: միևնոյն գաւառում, միևնոյն օջախի շուրջ, միևնոյն պառաւական սարսափի ազդող պատմութիւնների ու հեքեթների ունկնդրութեամբ: Չմբան երկար գիշերների տաք քուրսիի շուրջ բոլորած խմբակների պատմութիւնները ուրիշ ոչինչ էին, եթէ ոչ սրբերի, դևերի և հալածանքների ապշեցուցիչ նկարագրութիւնները, որոն-

ցից և սովորել է գեոտհասը և միամիտ համոզումով կըրկնել է ապագայ սերնդին: Նման պայմաններում ապրող մի ժողովուրդ անհնար է ենթակայ չիլիի նախապաշարումների: Տակաւին այսօր էլ չհարմհալցի հայ կինը ամուլ շինալու համար դիմում է հետեւեալ միջօցներին.— գիր է բաց անել տալիս, «չլլա» է կտրում, գերեզմանների շուրջը պտտում է և հողից իր մէջքն ածում, սըրբերի օգնութեան դիմում, ուխտ անում, մատաղ կտրում և գանազան աղօթքների դիմում:

Եթէ եղել են փոքր ի շատէ գրից-բրից հասկացողներ, այն էլ տառաճանաչութիւնից յետոյ, նւիրւել են «Ախտարագիտութեան», միայն վերջին քառասուն տարիները կարող են համարել Չհարմհալի առաջագիմութեան շրջան, որը վերագրել է նոր գրքերի և նոր ընթերցանութեան ազդեցութեան:

Այստեղ յիշենք մի քանի նմուշներ Չհարմհալի սնտիապաշտութիւններից և նախապաշարումներից:

1. Թոնրի վրայով չեն անցնիլ, «Հացան հրեշտակը կը հալածի»:

2. Ալիւրը մաղելուց յետոյ երեսին խաչ են քաշում «բարաքաթը շատ ըլնի»:

3. Բուէ ձայնը բօթի նշան է:

4. Գիշեր ժամանակ ջրհորի, գետի և աոււի ջրին չեն նայի «չարոց կը պատահի»:

5. Չուրը ամանից չեն շարտի մութը տեղ, «կը թափի սատանեքու վրայ և դարսը կը հասցնեն ընտանիքին»:

6. Եկեղեցու դարպասի մօտից անցնելիս պիտի խաչակնքեն:

7. Վզնոցից կախում են մի կտոր պողպատ «չարի բը մօտ չգան»:

8. Եօթ ծակերով կապոյտ ուլունքը կարում են երեսխաների գլխարկին, հաղուստին կամ օրօրոցին «չառոց չը պատահի»:

9. Զանազան աղօթքներ աղթարքից գրում են, մի կտոր լաթի մէջ կարում և ձգում են վզները, կամ կապում բազուկին:

10. Գերեզմանատան հողից ածում են ամուլ կանանց մէջքը՝ «չբերութիւնից դուս գայ»:

11. Գերեզմանի շուրջ երեք անգամ պտտում և ձեռքերը լւանում են, որ «չօռ ու ցաւից ազատուեն»:

12. Ծննդականի բարձի տակ պողպատ, դանակ կամ մկրատ են դնում, որ «չարերը հեռու մնան»:

13. Պառականերին աղօթել են տալիս «չար աչքի համար»:

14. «Աչքի հատի աղօթքներ» են ասում աչքացաւի համար:

15. Նոր լուսին տեսնելիս խաչակնքում են:

16. Մէջքացաւի համար «սանջու են կատարում»:

17. Շան ունոցը վատ նշան է «տան անդամների զբլխին է կռաւում», (այսինքն մէկը կը մահանայ»:

18. Շան արածելը ւժանութեան նշան է:

19. Շան կծած վէրքի վրայ՝ շան մազից այրում ու դնում են որպէս դեղ:

20. Զին ճանապարհ դնալիս եթէ խրտչում է կամ յետ կանգնում, վատ նշան է. ճամբորդը վերադառնում է, այդ օրը չի ճամբորդում:

21. Հաւի կանչելը փորձանք է, ուստի հաւին անմիջապէս մորթում են:

22. Գայլի մազը կամ կաշուց մի կտոր որպէս հմայիչ վախեցածների ցնցւածների վզից են կախում:

23. Գիշերով գերեզմանատուն չեն մտնում՝ մեռելները կը հալածեն իրենց:

24. Նորածին երեխային 40 օր դուրս չեն տանում, «Զլլա կընկնի»:

25. Զեռքի ափի քորը լաւ նշան է, դրամ կստանայ:

26. Երեխան եթէ տունը աւել քաշի վատ նշան է:

Զհարմհալում ընդամենը գոյութիւն ունէին 17 հատ գրչագիր աւետարաններ և մէկ հատ Տօնացոյց. սրանցից մեծ մասը պահւում էր եկեղեցիներում:

Աւետարաններից միայն մէկն է մագաղաթ. գտնւում է Մամուքա գիւղի բնակիչ պ. Կարապետ Ղազարեանի մօտ. մնացեալ բոլորն էլ բամբակէ թղթից են:

Տօնացոյցը նոյնպէս բամբակի թուղթ է. գտնւում էր Լիվասիան գիւղում օր. Մարգարիտ Մատթէոսեանի մօտ:

Բացի վերջինը, բոլոր ձեռագրերն էլ ծաղկազարդւած են և ունեն նկարներ:

Աւելացնենք այստեղ Քաթագ գիւղում 1610 - 1611 թ. գրւած վանեցի Զաքարիա քահանայի գրչին պատկանող աւետարանը, որի յիշատակարանը հետևեալ ձևով է. —

«Քրիստոս զթած և ողորմած,
Քրիստոնէի տէր և Ասուած,
Զողորմութեան քո դուռն բաց,
Լուր տառապեալ քրիստոնեացս:
Յամէն դիմաց մենք ենք նեղած,
Ամէն ազգաց կոխան եղած,
Եկեղեցիք բազումք քակած,
Բազում խաչեր է խորտակած:
Գիրք և աւետարան գերի տաբած,
Կանայք և տղայք գերի վարած
Գիշեր ցերեկ եմք վարանած,
Ահարեկեալ և զարհուրած,
Ես ոչ ունիմ հանգստութիւն,
Այսպիսի կամք տարակուսող,
Եւ այսպէս եմք ի տարտարոս,
Որպէս զնասան ի մէջ յալեաց,
Է սա ամէն ի մեր մեղայ,

Որ բարկացար Հայոց ազգաց:

«Ի թւականիս Հայկազեան տոմարին ի ՌԾԳ ամի և փոքր թւականին Հոռոմայեցոց Մ.ՂԲ. ամին ի ժամանակիս յորում Շահ Ապաս արքայն պարսից եկեալ պաշարեաց զԹաւրիզ և կոտորեաց զաւթս տաճկաց...»

... Ապա մանրամասնութիւններ այդ մեծ գաղթի մասին, որի շարքում ասում է. — «Այլ այժմ ասացուք թէ ինչ եղև առ ազգս Հայոց. զի ել հրաման յարքային զի երթիցեն զերեսցին գտունս Հայոց և զերեցուցին զԿարս, զԲասէն, զՇիրակունի... և զայլ բազում գեաւղ և քաղաք... կո. գերի արարին (60000):»

«Արդ գրեցաւ սր. աւետարանս հրաշալի. հրաշափառ և սքանչելագործ և նկարեցաւ և կազմեցաւ ի թւականիս Հայկազեան տոմարիս Ռ.ԿԱ. ամին ի յաշխարհն Պարսից ի հոլքէն Գեանդմանայ, որ է հուքմն Ասպայեանայ ի գեաւղաքաղաք ի գունս սր Ածածին ի Կաթողիկոսութեան էջմիածնայ Գաւթի. ձեռամբ անպիտան ունայն և անարիւն և ամեն մեղաց դարան Զաքարայ երիցոյ վանեցոյ:

Ձեռք զգնայ տեղն երևայ
Մարմինս փտեալ ի հող դառնայ
Սայ յիշատակ առ ձեզ մնայ
Ամէն տեսի բերանմ յիշեայ
Թէպէտ խոշոր է զիր սորայ
Այլ դիւր ընթերցող զիտենայ.
Յերբ ընթեռնաք և աւ գտիք իւմայ
Յիշեայ ի տէր զգծող սորայ Զաքարայ:

«Այս աւետարանը Գրեւած է 1610 – 11 թւին»

Մեռնովք Մագիստրս»

Սոյն աւետարանը գտնուում է Զարմահալցի պ. Ա. Աւետիսեանի մօտ: Ա. քահ.

Վիճակացոյց Չհարմիւլ գաւառի Հայ գիւղերի 1856 թից

Փիւղեր	Սիրաք		Հաշիտաքաղ	Մամուքա	Ազբուլաղ	Սինագան	Լիվկասիան	Մամուռան	Վերին ֆոնարք		Ներքին ֆոնարք	
	Տուն	Տ.							Տ.	Տ.		
1856	64	552	—	—	—	—	83	560	34	145	—	—
1880	77	465	—	79	465	—	139	779	66	381	—	—
1888	70	381	—	75	585	—	97	747	80	524	50	320
1901	90	509	68	142	790	24	145	742	70	380	107	442
1917	92	400	85	140	714	50	90	487	67	342	132	736
1920	74	374	77	126	559	39	64	257	45	217	130	644
1934	78	405	90	135	558	42	41	273	37	116	60	245
1946	61	320	72	100	450	40	26	88	28	150	45	198
1950	36	180	56	82	372	—	—	—	—	—	—	—
1951	34	166	33	80	312	—	—	—	—	—	—	—
1953	38	143	55	75	375	—	—	—	—	—	—	—

Ծանօթ.— Վերջին վեց գիւղերը 1916 թ. Օգոստոսին վերազարձան Մայր Հայրենիք. Ս. Հայաստան: Ա. քահ.

Վիճակացոց Ձեռնհալ գաւառի արհարհ կայ գիւղերի

Քիւղեր	Անձադաս- բար	Բայրու	Շահութակայ	Մուշիկացան	Գէյշի	Գիշնիկացան	Բօլլաջի	Քաթակ
Քաւի.	Տուն Շ.	Տ. Շ.	Տ. Շ.	Տ. Շ.	Տ. Շ.	Տ. Շ.	Տ. Շ.	Տ. Շ.
1856	92 547	—	—	—	—	43 239	—	—
1880	88 408	—	—	—	—	38 173	37 181	—
1888	72 318	—	—	—	—	15 97	24 110	—
1917	42 193	—	—	12 79	22 96	—	—	13 66
1920	43 176	14 49	9 46	14 50	16 65	—	—	—

Մանօթ.— Բացի երկու տախտակների վիճակացոյցներից, Ձեռնհալում գոյութիւն են ունեցել նաև հետեւեալ հայ գիւղերը, որոնց մասին չկայ յիշատակութիւն:

Սաարաջի, Թիշիգ, Շալամզար, Զիւրիգան, Գապերգ, Սուրբգան, Վաստիգան, Գեանդուժան, Ասաղարգ, Յունդիգան, Ռաստով, Թաղանաղ, Խոսրովարգ և Զաքարա-րայ, Գեանդի խուճի (Սալլիգեագի մօտ), նաղնա, Ղալա-Քէշիշ, Գուրուզիգ, Համգին, Սիրաք (Պասկերտ-Օզրիգանի մօտ), Քօրդ-Ղամի, Անձաղարգ, Գիշնիգան, Բժիգերը, Անձաղարգ Գիւրի եկեղեցին Ս. Մինաս և կոչուում, որի քարերից դեռ մնում են:

Ձեռնհալ գաւառի շրջակայքում եղել են նաև՝ Սա-նամիրգա, Դէյլիալիֆ, Սինի և Նաղնա հայաբնակ գիւղե-րը: Ստորև գրում եմ մի քանի նմուշներ այդ գիւղերի տապանաքարերի արձանագրութիւններից:

Աղաջան Ղուկասի, թվ. ՌՃԿԸ.

Մելիք Մելիքի, թվ. ՌՃԿԷ.

Հարազաչ Խեչում, թվ. ՌՃԿԲ.

Սրանք Դէյլիալիֆ գիւղի գերեզմանաքարերի արձա-նագրութիւններից են:

ՉԱՐՄՇԱՆ ԳԱՒԱՌԻ ՀԱՅՈՅ ՇԻՆ ԳԻՒՂԵՐԸ

1. Վերին Քոնարհ.— Հիմնւել է 1882 թ., գտնւում է Ձեռնհալի հարաւ արեւելեան ծայրում, Սովզու սարի ըս-տորոտում: 1946 թ. ունէր 45 տուն բնակիչ և 193 շունչ, Գիւղի կենտրոնումն է Ս. Գէորդ անունով եկեղեցին, կա-ռուցւած 1882 թ.: Այժմ խարխուլ է. գիւղի կողքին մի սառնորակ աղբիւրի մօտ շինւած է «Վաչեան» դպրոցը:



Ձեռնհալի հնձուրները նաւելիս

Յիշատակ իւրն ծնողացն

Տէր Մարտիրոսին

Եւ զաւակացն Տէր Մարտիրոսին,

Մինասին, Յովսէփին. Այվազին

Գիւղի հարաւային կողմնէ է «Հայրիկեան» գպրոցը:

Զհարմհալ գաւառի ամենահին գիւղականաքարը զըտնըւում է այստեղ՝ գիւղի հանգստարանի հարաւային կողմում, որը կրում է հետեւեալ տապանագիրը.

« Այս է սապան

Ակոբի կողակից Իբրի -

Միմին որ փոխեցաւ

Առ Ած. քվ. ՌԾԳ.»

Այս տապանաքարն ունի վեց թղաչափ երկայնութիւն. երկու՝ բարձրութիւն և մէկ թիզ չորս մատնաչափ լայնութիւն:

Հայոց փոքր թւականի հաշուով ՌԾԳ. թ. հաւասար է մեր 1604 թւականին, մինչդեռ Զհարմհալի հայերը հասել են այնտեղ 1608—9 թւականներին: Սա կարօտ է լուսարանութեան:



Գ Ի Ի Ղ Ա Տ Ե Ր Ե Ր Ը

Նախքան Բախտիարցիների Զհարմհալին տիրապետելը, գաւառի հողերը կառավարական է եղել. վերջին գաւառապետները յիշատակած է Մահմադ Ռգա խան Զաւրշօթօրցին:

Ութհարիւր թւականներին Զհարմհալի շրջանն է դալիս Հէյդար Գուր անունով յայտնի մի լոռ: Ըստ ծերերի պատմութեան, հովիւ Հէյդարը ունենում է մի որդի՝ Զաֆար Ղուլի անունով, որը մեծանալով, իր ցեղի մէջ մեծ հռչակ է ստանում. նա վերջապէս, դառնում է ամբողջ Բախտիարի ցեղապետը, կոչւելով Զաֆար-Ղուլի խան Բախտիարի: Վերջինս ունենում է չորս որդի, որոնցից յայտնի են լինում միայն Երկուսը՝ Հոսէյն Ղուլի խան, Իլխանի, Բախտիարի և Իմամ Ղուլի, Հաջի Իլիխանի, Բախտիարի:

Հոսէյն Ղուլի խանի որդիքն են՝ Սֆանդիար խան Սարդար Ասադ, Հաջի Ալի Ղուլի խան Ասադ, Նաջաֆ Ղուլի խան Սամսամ Սալթանէ. Հաջի Խորով խան Սարդար Զաֆար, Ամիր Ղուլի խան և Իւսոֆ խան Ամիր Մօջահեդ:

Իմամ Ղուլի խանի որդիքն են Սարդար Մօլթաշամ, Ամիր Մոֆախիսամ, Սարդար Զանգ և Սարդար Ֆաթի:

Իրենց ցեղապետութեան (Իլխանի) պաշտօնը վերջերս վարում էր Մօրթգա-Ղուլի խան Սամսամ Բախտիարին, որ վախճանւեց 1936-ին Թեհրանում:

Վերջինս համարւում էր Բախտիարի խաների մէջ ամենահարուստը. նա ունէր 125 գիւղ՝ Սպահանում, Թեհրանում, և Շալմաղարում. նրա սեփական բնակարանները թագաւորական պալատների են նմանւում: Ունեն դրամական հարստութիւն, ոչխարիների հօտեր, ձիերի ջոկեր և այլն:

Բախտիարցիք, ինչպէս նաև Իրանի որոշ շրջանների ժողովուրդը դարեր շարունակ բաւականացել են տեղա-



Չախից՝ 1. Ամիր Զանգ Չաֆար Դուլի խան, 2. Սարգար Զանգ Նասեր խան, 3. Սարգար Բախտիար, 4. Սարգար Չաֆար և իւր և իւր երկու որդիք:



Սամսամ-էլ Սալթանէ, վարել է նաև պատերազմ. նախարարի պաշտոնը

կան մօլլաների ուսմամբ, միայն վերջին քառորդ դարում նրանք զարկ տւին իրենց գաւակների կրթութեան, ոմանք էլ ուղարկեցին Եւրոպա՝ բարձրագոյն կրթութեան:

Նրանք ունէին իրենց յատկացեալ գիւղերը, մի կամ մի քանի հատ, բազմաթիւ ծառաներ, տնային հարստութիւններ: Ճամբորդութեան ժամանակ խանի ետևից զընում էին գինւած ծառաները:

Կալւածների վրայ նշանակում էին մի-մի «Չաբէթ» (կառավարիչ), նրա ենթապաշտօնեան էր գիւղի «քեադ-խուղան» (տանուտէրը): Սրանք էլ իրենց հերթին կեղեքում էին խեղճ հողագործին: Եթէ գիւղացին զժգոհ էր սրանցից, իր զատը ներկայացնում էր խանին. եթէ վերջինս էլ վերահասու չէր լինում և բաւարարութիւն չէր տալիս զիմօղին, այն ժամանակ խնդրարկուէն զիմում էր Իլխանին և իլբէգուն:

Իլխանի և իլբէգի կենտրոնատեղին է Չղախօռը, որտեղ ամառայ 4-5 ամիսներին նանք ապրում են իրենց արբանեակներով. այս ժամանակաշրջանում վճիռ են տալիս Բախտիարի և Չհարմհալի ու շրջակայ ժողովորդների մէջ տեղի ունեցած բարդ խնդիրներին:

Իլխանի և իլբէգի Չղախօռում ունեցած իրենց ամառային ծախսերի համար որոշւած էր Մամուքա և Օվրիգան գիւղերի տարեկան ամբողջ հասոյթը, որը շուրջ 45000 լիտր ցորեն, գարի և մի քիչ ուրիշ հացահատիկներ են. սրա վրայ աւելանում է այգիների և այլ մանր հարկերը, որոնք լինում են տարեկան 4-5000 թուման: Յիշեալ երկու գիւղերից ձրիաբար ստանում են ամենօրեայ վառելիք, ձիերի համար խոտ և յարդ, շաքարածախան մի քանի հաւ, հաւկիթ և այլ բաներ. այս բոլորի փոխադրութեան հոգսը հողագործի վզին է, իր էջերին բարձած մինչև Չղախօռ, մօտ 20 կիլօմետր տանում, յանձնում և վերադառնում են: Որպէս փոխարինում, խաները վերո-

յիշեալ երկու գիւղից կէս «քու» պակաս են վերցնում հողագործութեան տարեկան բերքից, այսինքն ուրիշ գիւղերի արդիւնքի մէկ երրորդն են ստանում, այս գիւղերից երկու եօթերորդը:

Չհարմհալի գիւղատէր խաները մեծ ազդեցութիւն ունէին. իրենցից նշանակում էին գաւառապետներ՝ դատելու և վերահասու լինելու իրենց հովանաւորութեան ներքոյ գտնւող ժողովրդին:

Չհարմհալցի հայ գիւղացին եղել է մի համեստ հողագործ բախտիարցի գիւղատէրերի համար. կրելով ամեն տեսակ գրկանքներ, բազմիցս լօտերը թալանել են հայ գիւղացու հօտն ու նախիրը: Տեսել է սով ու երաշտ, տարիներ աշխատել է խաների շինարարութեան, այգիների ու ճանապարհների վրայ որպէս բռնի աշխատաւոր ու այդ ամէնից յետոյ կառչած է մնացել հայ մնալուն ու քրիստոնէական դաւանանքին: Բայց միւս կողմից անսահման համակրանք է վայելել բախտիարցի խաների կողմից, նշանախօս ունենալով թէ՛ — «Հայը գող չէ, հայը սուտ չի խօսի» ու այդ հիման վրայ էր, որ երբ վէճ ծագէր լօտերի ցեղերի մէջ կամ գիւղերում հողերի բաժանման շուրջ, կամ նոյնիսկ մարդասպանութեան վէճեր տեղի ունենային՝ խաները անպայման մի հայ քեալանթար կուղարկէին այդ վէճերը հարթելու և հաշտեցնելու: Հայ քեալանթարների տւած վճիռը օրէնք էր և ընդունելի՝ կողմերի միջև և թէ ըստ խաների համար:

1916 թ. Եզիա անունով մի հայ Սարգար Չանգից խնդրում է մի երկտող, որպէսզի ինքը Սուզիստան գնալիս չթալանւի լօտերից, նա էլ տալիս է. Եզիան անփորձ ղնում և վերադառնում է, շնորհիւ այդ թղթի կտորի:

Մէկ տարի յետոյ 62 հոգի չհարմհալցի, որոնց մէջ և տողերիս գրողը, գնում էինք Սուզիստան, Սարոաք կոչւած մի տեղ մեր ճանապարհը կտրեցին լօտերը և մեզա-

նից պահանջեցին երկուական ըրալ: Յիշեալ Եզիան իր ունեցած «հրամանը» ցոյց տւեց, լօտերը մուծի մէջ մի լուծկի վառեցին, նայեցին տեսան, որ Սարգար Չանգի կնիքն է թուղթն առանց կարգալու մեզ ասացին «Բարով եկաք», բաւական տեղ մեզ ուղեկցեցին մինչև հասանք իջևան՝ ապա հեռացան:

برحب الله منكم در این

ازادانه کسر بنام متوضر این بود

ازادانه مشول زر علی جوز با شانه

کسر مرا هم این است مورد احمد



فوقه کسر مندر علی

Այստեղ նոյնութեամբ տպագրում ենք Սարգար Մօհթաշամի հրամանագիրը կնքւած իր կնիքով, որի թարգմանութիւնը հետեւեալն է՝ —

«Այս հրամանով յայտարարում է, որ հայ ժողովուրդը ազատ է բացարձակ, ոչ ոք չպէտք է նրանց արգելք հանդիսանայ, որպէսզի հանգիստ կերպով շարունակեն իրենց հողագործական աշխատանքները. եթէ ոեւէ ժամանակ մէկը ընդդիմանայ՝ խիստ կերպով պատասխանատուութան կենթարկւի:

Զիլղան-էլ-հարամ 1235: Կնիք

Մինչև վերջին դարի առաջին քառորդը Չհարմհալի ժողովուրդը ենթակայ էր միմիայն խաների հրամանին. արտաքին որևէ չէր կարող միջամուխ լինէր լինէր դա կառավարական պաշտօնեայ կամ այլ ոք. սակայն Ռզաշահ Փահլաւու գահ բարձրանալուն՝ դրութիւնը փոխեց,

կամաց-կամաց Բախտիարի բոլոր խաները կորցրին իրենց նախկին ոյժն ու ազդեցութիւնը և ենթարկեցին պետական օրէնքներին: Սակայն հողը մնաց դարձեալ գիւղատէր խաներին: Ապագայում որոշ մասը վաճառեց ոչ բախտիարի խաների:

Ն Ե ր Կ Ա Յ Վ Ի Ճ Ա Կ

Հետաքրքրեալ լինելով իմ ծննդավայր գաւառով, յաճախ նամակներ էի գրում և հարցումներ ուղղում իմ ազգական-բարեկամներին. պատասխանների հետաքրքրական մասերը գետեղում եմ ստորեւ՝ ընթերցողին գաղափար տալու գաղութային կեանքից: Չուլուում է մի ժողովորդ, երբ կտրւած է իր հայրենիքից. չհարմայցին ամենատուկուն, ամենաաւանդապահն էր, ինչպէս յիշել ենք նախորդ գլուխներում, որ 350 տարի անաղարտ պահել է իր լեզուն, կրօնը և բարոյականը. այսօր այս վիճակին է ենթակայ: Որպէսզի հասկանանք անցեալի բազմաթիւ փորձերից, թէ ուր էլ լինենք, երբ փոքրամասնութիւն ենք կազմում, ձուլման վտանգի ենթակայ ենք: Օրինակ բերենք Հնդկաստանի 20,000-ից աւելի հայութիւնը, որից այսօր մնացել է միայն 1600 շունչ:

1917 թ. Չհարմայում ապրում էին 4272 շունչ հայեր: Իսկ 1950 թ.՝ միայն 712 շունչ: Յիշեալ 4272 հոգուց 1946 թ. մօտ 2000-ը վերադարձան Մայր Հայրենիք. ուրեմը 300 տարւայ ընթացքում, փոխանակ աճելու, 1560 շունչ պակասել է այս փոքր գաղութից, անցնելով ն. Չուղա, Հնդկաստան, Թեհրան, Սուրբստան և այլն:

10 Յունւ. 1949 թ. գրւած մի նամակից մէջ եմ բերում հետևեալ մի քանի տողերը. —

« . . . Ինչպէս գիտես, ներգաղթից յետոյ, Չհարմայի մնացած երեք գիւղերը քայքայւած դրութեան մէջ են և հայ գիւղացին ապրում է իր ճակատագրական վերջին րոպէ-

ներում շատերը թողին իրենց այդ պատմական ծննդավայրը և դիմեցին զէպի Սուրբստան, զէպի այլ քաղաքներ ղուները ինչպէս պատահեց սոյն տարեշրջանում երեք գիւղերից Սուրբստան գնացին 26 բնտանիք: Այսպէս է, սիրելի Տէր-հայր, մեր հայի ճակատագիրը. գործել, շէնացնել և, միառ ժամանակից յետոյ՝ նրա աւերումները տեսնել . . . (Ստորագրութիւն) Աղասի

10 մայիս 1951 թ. ստացած նոյն Աղասուց. —

« . . . Չհարմայի վերաբերեալ ի՞նչ նորութիւն էք ուզում, օրերը հաշւած է այս փայլուն անցեալ ունեցող գաւառի. անխուսափելիօրէն կը հաւաքւի հայութիւնը այստեղից և կը իրականանայ հայ գաղութը իր իսկական փակասագրով: Չհարմայի երեք գիւղերի մէջ հաւանական է Հաջիաբազը ամենից շուտ հայութիւնից դատարկւի, իսկ վերջը՝ Մամուքան: Գիւղերի մէջ Մամուքան է զուտ հայաբնակ, Հաջիաբազ և Սիրաքում խառն է պարսիկ հողագործներով: Չ. Գ. Ուսումն. Միութիւնը ձեռնարկեց յարմար դէպքում երեք գիւղերի բնակչութիւնը հաւաքել մի գիւղում, բայց ձախողեց, հանդիպելով գիւղացիների «կողաւերութեան»: Աբաղանի վերջին զէպերի առնչութեամբ կարող է փոփոխութեան ենթարկւի դրութիւնը:

Վ Ե ր Զ Ի Ն Տ Ե Ղ Ե Կ Ո Ի Թ Ի Ի Ն Ե ր

1960 թ. Հոկտեմբերին այցելեցի Չհարմայի երեք գիւղերը, ուր կային ընդամենը՝

Մամուքա	39	տուն	156	շունչ	75	արակ.	81	իգ.
Հաջիաբազ	13	>	60	>	28	>	32	>
Սիրաք	18	>	71	>	38	>	33	>



Վ Ե Ր Ջ Ա Բ Ա Ն

Բառական դժուար է ինձ համար հաշի սալ զրֆիս սպագրութեան այսֆան ուշացումը: Պատաստելուց եւ գրամենենայելուց յետոյ՝ դարձեալ շուրջ 15 տարի ուշացաւ:

Ամենատաղիներ՝ իմ աստանդական վիճակը պիտի համարել: 1952 քաղաքին Կալկարայում սպագրեցի Բարսեղը, որից յետոյ պիտի շարունակէր զրֆոյկիս սպագրութիւնը, սակայն գրաւոր չլինելու պատճառով չյաջողուեց:

1958 քիւն վերադարձայ Իրան, Նոր-Ջուղա, ուր ամենայարմար վայրն էր սպագրութեան համար, սակայն այստեղ եւս, որոշ հանգամանքների բերումով ուշացաւ, մանաւանդ միտք ծագեց իմ մէջ մի անգամ էլ կրկին զաւառ անցնել՝ նոր տեղեկութիւններ եւ նիւթեր աւելացնելու: Մինչ այս մինչ այն, կրկին ինձ վիճակեց Փաֆնուսան գնալ, որպէս վիճակաւոր Դաւա Բաղաֆի Հայոց եկեղեցու:

Իմ նպատակն էր, ուր որ էլ որ սպագրի զրֆոյկս, անձամբ ներկայ լինեմ՝ նայելու սրբագրութեան գործին, որովհետեւ կան այնպիսի բաներ ու անուններ, որ շատ զգուշութեամբ պիտի նայել:

Մի անգամ եւս իմ շնորհակալութիւնն եմ յայտնում բոլոր նրանց, ովքեր բանաւոր կամ գրաւոր իրենց աջակցութիւնը բերին սոյն գործին:

Ա.Ի. ՔԱՀ. ԵԴԴԱՐԵԱՆ

Աբաղան
1 Մայիս 1963 թ.

ՉՆԱՐՄԸՆԻ ՀԱՐՄԱՆԵԿԱՆ ԵՐԱԺՇՏՈՒԹԻՒՆ
Ձայնագրութ.՝ Հովիկ Եղգարեանի

1. Ծառ գովելու եղանակ

Lento

Դաւոր ինչ բն ընմ քն նր ման. Քն կա
նանչ ա ըն լի ն ման. Էն սուտան ամբուլը
որ բացել է, որ բացել է, բացել է, Քն կանաչ արևի նման:

2. Սուրբ Կարապետայ

Allegro

Սուրբ Կարապետայ օրհնութիւնով, օրհնութիւնով Ծառսի ծաղկե
ցաւ, Ծառ ծաղկեցաւ, նիւղ կազմեցաւ Կանաչ ու կար մի:

3. Գնացե՛ք բերե՛ք

Andante

Գնացե՛ք բերե՛ք սելով սեղան, ծառ գովողին փայ է պիտի:

4. Արդ հրամանաւ

Andante

Արդ հրամա նաւ Աստ ւածա յին
ծ կեալ բա գում քն փեսա յին.

ԾԱՌ ԳՈՎԵԼՈՒ ԵՂԱՆԱԿ

Չհարմհալի հարսանեկան երաժեշտութիւն

Չայնագրութ.՝ Հովիկ ԵԳԳԱՐԵԱՆԻ

Դաւուր ինչ բերեմ քեզ նրման.

Քն կանանչ արեւի նման.

Է՛ն սուսան սմբուլը որ բացել է, որ բացել է
բացել է,

Քն կանաչ արեւի նման:

Սուրբ կարապետայ օրհնութիւնով, օրհնութիւնով

Ծառսի ծաղկեցաւ, ծառսի ծաղկեցաւ,

Ծառ ծաղկեցաւ, նիւղ կազմեցաւ

Կանաչ ու կարմիր:

(Ներկորդ տունը երգուած է բոլոր սուրբերի անուաներով)

Գնացե՛ք բերե՛ք սելով սեղան, ծառ գովողին
փայ է պիտի:

ԱՐԴ ՀՐԱՄԱՆԱԻ

1) Արդ հրամանաւ Ասուածային
Եկեալ բազումքն փեսային.

2) Կալեալ ձեռոք զիս կսանեն,
Մնա՛ք բարեւ ես զնացի:

3) Շա՛ս խնդացի եւ շա՛ս լացի,
Մնա՛ք բարեւ ես զնացի:

Չհարմհալի հարսանեկան պար—եղանակ

Չայնագրութ.՝ Հովիկ Երգարեանի

Andante

The musical score consists of three staves. The first two staves are for the 'Andante' section, and the third staff is for the 'Allegro' section. The first staff is in 6/8 time and features a melody with eighth and sixteenth notes. The second staff continues the melody with a triplet of eighth notes. The third staff is in 2/4 time and features a more rhythmic melody with eighth and sixteenth notes.

Սիրելի Հովիկ Էդգարեան
Թնհրան

Ձեր 18 Դեկտեմբեր թւակիր նամակը սիրով և հետաքրքրութեամբ կարդացի: Շատ ցաւում եմ, որ Թեհրանում Ձեզ չկարողացայ հանդիպել և լուսաբանել մի քանի էական խնդիրներ, որոնք իրենց բովանդակութեամբ գրական-ազգագրական բնոյթ ունեն և իրենց էութեամբ էլ ուշագրաւ են:

Ձեզ անհանգստացնող հարցը, որ շուտփել էք Ձեր նամակում, իր հիմնական գծերով Ձեզ կը լուսաբանեմ, երբ նորից իրար հանդիպելու երջանկութիւնն ունենանք: Էականը պայծառ, ազնիւ, բարեխիղճ աշխատանքն է և ստեղծագործութիւնը: Նշեմ միայն, որ Հայաստանի Ակադէմիան հրատարակել է աշուղական — թատերական հատորներ, որոնց մէջ բարեխիղճութեամբ յիշատակել է իմ երկերը, յաճախ իմ գրքերից մէջը բերումներ անելով և աղբիւրները յիշատակելով: Նոյնիսկ շեշտած է, որ առաջին ուսումնասիրութեան աղբիւրն իմ հրատարակած հատորն է: Քայց մեզանում կան անբարեխիղճ մեծամիտներ, որ խեղաթիւրում են ճշմարտութիւնը, մոռանալով, որ դա ժամանակաւոր երևոյթ է:

Շնորհակալ եմ, որ թէ՛ սիրելի Տէր Հայրն, թէ՛ լաւ Էլսիկը և թէ՛ դուք երախտագիտութեամբ յիշում էք իմ ուսուցչական վաստակը, իսկ ես էլ հպարտ եմ և երջանիկ, որ ունեմ Ձեզ նման ազնւասիրտ աշակերտներ և ջերմօրէն սիրել եմ Ձեզ և յարգում եմ մինչև օրս: Այս մասին միանգամայն վստահ եղէք: Եւ եթէ կան որոշ խնդիրներ, դա հնարաւոր է պարզել, քայց ո՛չ թէ նամակներով, որը ժամանակի կորուստ է, այլ բերանացի քոցատրութիւններով:

Մի հանգամանք ևս: Ամբողջ հոգով ու բախտացել եմ, երբ որևէ աշակերտ—աշակերտուհիս գրական-հասարակական աշխատանք է կատարել: Իսկ ամէն կերպ օգնել եմ և աշակցել, երբ ինձ որևէ դիմում է եղել, իմ սիրելի Ձեքեդիս Հանանեանը Կալկաթաթում որոշել էր հրատարակել «Նոր-Ազգարար» թերթը: Նամակով ազգեց իմ կարծիքը: Ո՛չ միայն խրախուսեցի նրան, այլև ամէն կերպ աշակցութիւն ցոյց տւի, նոյնպէս քաջալերել եմ տաղանդաւոր արձակագիր Հրաչեա Քոչարին և շատ ուրիշներին: Եթէ սիրելի Տէր Հայրն էլ իր պատմութեան ծրագիրն ինձ ներկայացնէր, նրան էլ մեծ սիրով և ուրախութեամբ կօգնէի, կը տրամադրէի նոյնիսկ որոշ նիւթեր, որպէսզի իր հատորը լինէր աւելի բովանդակալից, արժէքաւոր և մնայուն: Այժմ էլ սիրով կը տրամադրեմ իրեն ան-

Պարգաբանելու համար հանրութեան կարծիքը, ըստ որին մի խումբ քննախնդիր և նախանձոտ մարդիկ յայտարարել են թէ՛ «Այս աշխատութիւնը գողացել է պրն. Արամ Երեմեանի գրքից, որը պիտի հրատարակի Չ. Գ. Հ. Ու. Միութիւնը»: Սաորե տալիս ենք պ. Արամ Երեմեանի նամակներից մէկը, որ արած որդու՝ Հովիկին այդ առթիւ, որը ստացել է գրք ս հրատարակութեան վերջում, մի բարոյական ապսակ չարախօսներին հասցնելու նպատակով, որոնք նոյնն արեցին և քարտէզի հրատարակութեան գործում, սրանից 14 տարի առաջ և այս գրքի հրատարակութեան ուշանալու պատճառը դարձան:

Իսկ գրքի կազմութեան մասին, ինչպէս նախաբանումն էլ ասել եմ, պարզապէս արել եմ այն ինչ որ կարողացել եմ, թէ՛ բարոյապէս և թէ՛ նիւթապէս, որին ոչ ոք ոչնչով մասնակից կամ օժանդակող չի եղել և եթէ չարախօսներն կարող էին՝ թող անէին ինձնից առաջ:

Հեղինակ

հրածեշտ նիւթեր, որպէսզի վստահ լինէք, որ իր հանդէպ ունեմ նոյն անկեղծ համակրանքն ու սէրը, իմ նշանաբանն է—ամէն մի ազնիւ աշխատանք գնահատել և աջակցել, որպէսզի աւելի լաւ լինի:

Ձեր նամակում ընդգծւած են այսպիսի տողեր—«Ձեր «Չարմհալի պատմութեան» մեծ աշխատութեան բնագրի մասին, որի համար թեր և դէմ կարծիքներ են ծայր առել յիշեալ Միութեան կողմից», Պարզեմ Ձեզ, որ իմ ուսումնասիրած պատմութեան բնագիրը Միութեան անդամներից ո՛չ մէկը չի տեսել և չի կարդացել, ուրեմն ինչպէս կարող են ձեռագրի բովանդակութեան մասին թեր ու դէմ կարծիքներ յայտնել: Հարցը ծաւալի մասին է: Առաջարկել են ինձ 500 էջում սահմանափակել ամբողջ պատմութիւնը, որի հետ չեմ համաձայնուել: Այս է իրականութիւնը:

Ձեր նամակում կան նաև այսպիսի տողեր. «Հիմա էլ եթէ Դուք յարմար իմանաք՝ կիսատ կը թողնենք գիրքը»: Ո՛չ, սիրելի Հովիվ, բարի գործը թող շարունակելի, կեանք ստանայ: Սա է ցանկութիւնս, իսկ եթէ Դուք ցանկանում էք, որ պատմութիւնը գիտական բնոյթ ունենայ, աւելի բովանդակւից լինի և եթէ յարմար կը գտնէք, նախքան վերջնական տպագրութիւնը, դէ՛ք իմ տրամադրութեան ներքոյ, թէ՛ տպագրւածը և թէ՛ ձեռագիր մասը, նշեմ պակասները, թերիները, սրբագրել թող և վերջնականապէս հրատարակէք: Եթէ յարմար կը գտնէք, նիւթեր էլ կը տրամադրեմ: Արտասահմանում հրատարակող պատմագրքերից շատերի խմբագիրները դիմել են ինձ և նիւթեր խնդրել, սիրով տրամադրել եմ, այն հասկացողութեամբ, որ ամէն մի պատմագիրք պատմութեան է պատկանում և ունի հասարակական արժէք: Եթէ սիրելի Տէր Հօր խմբագրած գիրքը իմ առաջադրած ծրագրով լոյս տեսնի և գիտական բովանդակութեամբ կառուցւի, առաջաբանն էլ կը գրեմ: Այս աշխատանքներն անկեղծօրէն յանձն եմ առնում, որպէսզի վըստահ լինէք, թէ ես անկեղծ եմ Ձեր բոլորի հանդէպ և ազնիւ գործն ինձ համար գնահատելի է:

Շատ սիրելի էլսիկիս, Ձեր յարգելի տիկնոջը և Ձեք լաւ բալիկներին սիրալիր, ջերմ և կարօտագին ողջոյններս:

Սրտագին շնորհակարում եմ նաև Ձեզ՝ Ձեր դպրոցական վսեմ աշխատանքների համար, որը կազմում է Ձեր կեանքի պատմութեան մի նոր էջը: Ձեզ ամէն կերպ կաջակցեմ և դպրոցի ուսումնական մակարդակը կը դնեմ լաւագոյն հիմքերի վրայ, եթէ հարաւորութիւն տաք աշխատելու: Նիւթականում նկատի կառնեմ Ձեր առաջադրած համեստ պայմանները:

Ձերմագին սիրով և ողջոյններով՝

ԱՐԱՄ ԵՐԵՄԵԱՆ